

Maqiritari: Bible for Levítico

Formatted for Translators

©2022 Wycliffe Associates

Released under a Creative Commons Attribution-ShareAlike 4.0 International License.

Bible Text: The English Unlocked Literal Bible (ULB)

©2017 Wycliffe Associates

Available at <https://bibleineverylanguage.org/translations>

The English Unlocked Literal Bible is based on the unfoldingWord® Literal Text, CC BY-SA 4.0. The original work of the unfoldingWord® Literal Text is available at <https://unfoldingword.bible/ult/>.

The ULB is licensed under the Creative Commons Attribution-ShareAlike 4.0 International License.

Notes: English ULB Translation Notes

©2017 Wycliffe Associates

Available at <https://bibleineverylanguage.org/translations>

The English ULB Translation Notes is based on the unfoldingWord translationNotes, under CC BY-SA 4.0. The original unfoldingWord work is available at <https://unfoldingword.bible/utn>.

The ULB Notes is licensed under the Creative Commons Attribution-ShareAlike 4.0 International License.

To view a copy of the CC BY-SA 4.0 license visit <http://creativecommons.org/licenses/by-sa/4.0/>

Below is a human-readable summary of (and not a substitute for) the license.

You are free to:

Share — copy and redistribute the material in any medium or format. Adapt — remix, transform, and build upon the material for any purpose, even commercially.

The licensor cannot revoke these freedoms as long as you follow the license terms.

Under the following conditions:

Attribution — You must attribute the work as follows: "Original work available at <https://BibleInEveryLanguage.org>."

Attribution statements in derivative works should not in any way suggest that we endorse you or your use of this work.

ShareAlike — If you remix, transform, or build upon the material, you must distribute your contributions under the same license as the original. No additional restrictions — You may not apply legal terms or technological measures that legally restrict others from doing anything the license permits.

Notices:

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.



Levítico

1

¹Yaawä ye'jum'coomo ácamo cajiichana Waanadi Moisés cōna'deu'jai, cōna'dōa'cā. ²Israelitacoomo wāiñe edāāje caichā 'de: cajiichana Wanaadi wā tājee'da tuemō a'dhanta'woonoiñe ae'ja dhan'cwa wā enee'ajacā, ñāādā tā'cōnō tonitājeeda tu'emāje ene'nejödō ñaano jaca chudaadai acancomo. ³Nōiāda tācōnō Jaaca yacwaajā enee'ajacā töwō ujaiña dhanwa cādāāijemjōnō. We'jummatojo nata'tajonno tōnecamma cōñajato. Cajiichana Waanadi eje'taca wā ashicha yāneedo wetā. ⁴Yaawä töwō tājee'da tu'emō enee'nejödō iju'jāde'wā tamāādō nōdō'a'de yaawä yāāje yeijācā ñāādā tameedā choneenadiyō tāncwanno jo na'de yātā'de'amma. ⁵Yāāje'je cajiicha na Wanaadi neene dōje toro amiñā'cajaiña. Ñaanno Aaron naoucomo Wanaadi wwā tōwa'dewwamo, yāāje yeijācā we'ju'matojo nata'tajo ya'cwatojo tō'dōa'jā waadādā adā'tācade yawā yāā munu que encushimadō wetā. ⁶Yaawä ñāādā taje'da u'ajā ajuucajā ishaatā'cā'de yawā ijoocadō weeta wetā. Yāāje ñaanno Aarōn nacoomo cajiicha wanaadi wwā tōwa'dewwamo tōna'dā tōweiye cōnā'jato ya'cwa'tojo de'wā nōdō'atode nicheme'ta'tode yawā. ⁷Ñaanno Aarōn nacoomo wanaadi wwā tōwa'dewamo edāāje nichonecatode chāwadāi tō'dājeiñe ijujāmmōdō chaatō mmaja yāā ya'cwatojo a'tānchajā de'wā. ⁸Yaawä'ne iwencwa ca chocatā'cā'de ijetō'jōdō mmaja tuna que cho'catā'cāde. Yāā'jeje wanaadi wwā tōwadewamo niyacwato'de tameedā ya'cwatojo tōdōajā de'wā na'de'dō ta'jeda u'ajā ya'cwatā'cāde. Mādā naade caado ijoodō nijo'tade öwwā; mādā naa'de wa'toque ya'cwajā taje'da u'ajā öwā. ¹⁰Ñāādā ācudaadai acano aheecōno aju'cajā taje'da u'ajā, ñāādā oveja jaca nnedōcā töwō u'jaiña dhanwa'cā cādāijemjōnō. ¹¹Tōwō aminñācajaiña ya'cwatojo tōdō'ajā shii womontojo dōse Wanaadi je'taca. Ñaanno Aarōn nacoomo, Wanaadi wā tōwa'deuamo nencushii'matode munuque acāichea ije'dō wadāi nencushimade chā'wada'i. ¹²Yāā'jeje töwō acā'jā'jaiña iju'jāmjōdō chatōjō mmaja Wanaadi wā tōwa'deuwamo nichonecajā'ato'de waito cheme'tajā de'wā yāā ya'cwa tojo atāi ye'wa tōdō'ajā. ¹³Yaawä tameedā cho'cadā tujuunne na dhacanñe nadō ijetō'jōdō mmaja. Yāā'jeje Wanaadi wāno wa'deu'wōdo nu'ade niya'cwade yaawä ya'cwatojo a'tāi tōdō'ajā de'cwā edā cado ijodō nōdō'ade cajiichana Wanaadi wonooje; chāwonoje taje'da u'ajāne yeiyajā wa'toque one'jajā yeitajā. ¹⁴Yāā taje'da āntudu cajiichana wā Wanaadi wā tādīñe mōcā taje'da tōdha'cwamōje ene'ajacā, ene'jai mma yaawä macaano nedōcā ñāādā ne tājee'da miyaa'cwa'to'de. ¹⁵Yaawä ñāādā Wanaadi tōwa'deumō ya'cwatojo tōdō'ajā wadādā adājaiña, nijōncā'ade yaawä ya'cwadō wetā ya'cwatojo de'wā. Yā'je'je yāā munu tōnajāchō'coomo que ya'cwatojō a'tāi awodhe'cacā nōjō'jā'ade. ¹⁶Tōwō chacajaiña tameedā iwenwaca naadō yuduumoijō'da mmaja, ya'cwatojo o'wawā tōdōdō wetā, yāā wedeennāje tōdōotojo dō'tā. ¹⁷Ñāādā yatoocajaiña annai dhajāsai mmaja tōjāncajā'eda, yawāāne shancwajojai aca'tōcāwacā. Yāā'je'je Wanaadi wono wa'deu'wādō niya'cwade ya'cwa'tojo de'wa. Yāā na'de tā'jeda u'ajā ya'cwajā, yāā nijota'de yaawä cadp cajiichana wanaad wwā; mādā na'de taje'da u'ajā chāwwā wa'to ai oneeja'jā.

2

¹Yaa'wā tāā'jeda tú'emō dhadōdō eneejōdawā caajichana wanaadi waadādā, iyā tājeda u'a'jā yeichō tuujun'ne'na dhaadōdō aashiichato a'jo'ajā, töwō acaa'jaiña chatō ye'cācā ijodō'maaja ye'cācā tōdōjajaiña. ²Tōwō naadā'ade iyā tāā'jeda u'ajā Aarōn naacomo waadādā, Wanaadi woi'jacomō, yāatā Wanaadi anoonō najā'yade taamādō aca iyā dhaadōdō ajo'ajā aashichado chaatō jadā ijo'dō nōdōō'ade ye'cācā yāājeje ñāādā Wanaadi anonō niyacwatode iyā tāā'jeda u'ajā yaacwa'toyo taacā tāāne'mōōje, mādāje cado ni'jo'jade Wanaadi wwā edā na'de tāā'jedā u'ajā wāato que tōdōā'jā. ³Yāā'tāā'jeda u'ajā dhadōdō naade Aarōn wonoo'je añāacomo wondo'jeem'jōnō cajiichaana Wanaadi wonoo'je tāā'jeda u'ajā wato'o'ai tee'jadatāā jōdō. ⁴Yaawä tāā'jeda u'ajā dhaadōdō umman'nā'catojo'jemjōnō asucajā taanato a'ca, iyā pān yei'chō tujunne cōnāājacā taajichōdhe dhadōdō ajo'a'jā ashichato ai'maajā chatō'jaadā, pan tai'jaato umman'nācaa'tojo'jemmōnō, oimajā chatō'que. ⁵Iyāā tā'je'da ontudu dhadōdō taasuca yeiya'jācā shanna'caatojo sejadadi aca a'jo'ajā yeichō tujunne'nā ashichato, un'mannā'catojojada, cha'tō jadāā'oimaajā. ⁶Tuudā'jenñe yaatojo'tōdō tu'junne'na āwā chaatō aa'cadōweetā yeecācā. Edāā'yā tāā'jeda u'a'jā dhadōdō. ⁷Yāā tājeeda ontuudu taanā yei'ya jācā shanna'catojo'aca, aashiichato a'jo'ajā weei'chō tujunne'na chatō'maaja. ⁸Amāādā enee'jaima tāā'jeda on'tudu dhadōdō edāā maa'tawono töwō'tue cōnā'jacā Wanaadi a'deuddu ecamman'naamo wāiññe, enejedō wee'tā yacwatojo taaca. ⁹Yāājeje tō'wō Wanaadi adeedu ecam'manei naajāi'yade iyā tāā'jeda uu'a'jā aadōdō tāā'je'da in'waacano'je tuntuduje, töwō niyacwade yaawä yacwa'tojo'aca. Iyā tāā'jeda uu'ajāna'de yacwajā, na'de caadoijoodō Wanaadi wā. ¹⁰Yāā tā'jeeda dha'dōdōdō u'a'jā wāā'de'tōōjōdō Aarōn wo'noaje na'de inñaa'como wonoo'je mmaaja. Iyāā'na aashiicha'to'je cajiichana Wanaadi'wā, iyā'tāā'jeda u'a'jā na'de waato'acano'jōdō Wanaadi'wo'no'je. ¹¹Tooni'chā tāā'jeda u'a'jā dhaadōdō Wanaadi'wā u'jaicha maato, un'man'nā'catojo jaano tōdōdō'a'jā maane aijaiña, un'man'nāācaa'tojo jaano yaacwa'jaicha aweii'chomijācā, waanā eecudui'jeda mmaja, wato'wacaamo'jōdōdōne ei'jaiña tāā'jeda u'a'jā Wanaadi'wā. ¹²Ān'wanno tāā'jeda mu'a'tode a'waadeto adōdō, tōōna'tōtā'mō jōnō'ne cado ijotadō'weta yacwa'tojo taca. ¹³Ān'wanno tāā'jem'jōnō u'a'jā dhadōdō awadāiñe oi'maajai maato sayu jadā. Ān'wanno yei'chōdōdāje tōdōō'jojaicha maato wāā'tutojo satu'jano dhadōdō jedada yei'chō tu'junnena Wanaadi wono. Tameedādā tāā'jeda u'a'jā sayujano ecam'majai maato. ¹⁴Ānwan'no tāā'jeda u'a'jācācā awaadeto dhadōdō weejacadō Wanaadi'wā, utācācā edu'wato'jato'ne sha'udajā wato'que aju'juñā'jā'ajā āwan'shiije. ¹⁵Yāā'jeje, ejo'dōque tōdōdō'jaima chaatō jadā ye'cācā. Edāā'yā tā'jem'jōnō u'a'jā dhadōdō. ¹⁶Yāā'jeje Wanaadi'wā töōwa'deu'wemō tāā'jeda u'a'jā acanno yata'jujuñā'jā niyacwade chatō'que ijodō'que eumasama'dōjo yei'chojo'dōtā. Edāā'yā tājeda u'a'jā waato a'cano jōdō Wanaadi wonoo'je.

3

¹Edäje dhanwa sacrificio tøjaima adaijoto odocajato tönamiñäca tãncanodeda toweidnocomoje, dañwejeñema. Wodi jeñema tönaminäca cönäjato codäijemjõncomo tunue conäjato cajichana wanadiwä. ²Töwö tamodõnõade jujä jäcä amiñäcadõ wetatäjeda tuemõje, yäwä töwö namiñäcadë maa wejummätojo natatadõ dõtä. Yätänno sacerdote Aron nacomõ tönencushima cönäjato daquiyõjöque täjemmõjõnõ ucatojo awodecäcä. ³Dhänwa sacrificio ñiycwade tãncanodeda töweichojoje iyä töwejadäe conäjaca wato wätudeajä aicajichana wanadi wonoje. Chatõ iwenwacano ejonä ajäyayä wanadi wonoje nótä, ⁴anädä chuncuniyõ jocono mmaja, chatõchäwatõ jäcäncomo jödõ mmaja, tämedä mädä nejodõjade chuncuniyõjödõ jadä. ⁵Yotonno Aron nacomõ Asichato uajä niyacwatode yacwatojo dewä, wato chemetajä acä. Yawä wanadiwä cado nijotade iyä yatudu,yäje töjemmõjõnõ yacwajä cajichna wanadi wanojena. ⁶Äcõnõ iñejenaja Danwa sacrificioje tönnoe cönäjacä täjemjõnõje tãncanodede töweichojojo; Danwa, woodi jeñema tunue cönäjato sacrificioje codäijemjõnõ. ⁷Obeja nedõcä sacrificioje yeiyajäcä wanadi wonoje tunue cönäjato. ⁸Töwö tamadõ nõdõaje ijujä dewä, yawä tönaminäca cönäjacä mma wejummatojo dõtä. Yäjeje Aron nacomõ mumuque tönencushima cönäjto yacwatojo todõajä töjõtojoje dawodecäcä. ⁹Nädä danwa nuare sacrificio täjemjõnõ tuemõje tãncanodeda töweichojoje iyä yacwadõ tujunnena cajichana wanadi waanoje. Tamedächatõ dhacodõ acätädõ nacäatode inwajujä watamedõ dõtänno chatäucadõ wetä. Tamedä chocadõ tujunnena chäwadäi tamedä chatõ chäjõjächä nadõ wadäi chocadõ tujunnena, ¹⁰anädäncädä chatõ chuncuniyõ jöcõno mmaja, chäwatõ jäcäno mmaja, chadedõ jäcänõ mmaja, madänejodõjade chuncuniyõcomo jödõ jadä yawä. ¹¹Yäjeje sacerdote niyacwade yacwatojo tödõajä dewä, äwanshije nõdõade iyä täjemjõnõ watoque onejajä, cajiichaana wanadi emjatawä. ¹²Danwa täjemjõnõ töweeie yeiyajäcä, cajichana wanadi adäjäiña. ¹³Yawä cabra ijuja dewätamodõ nõdõa amiñäcadõ wetä wejummatojo jetaca. Yäjeje Aron nacomõ munuque nencushimatode täjeda uajä yacwatojo awodecäcä. ¹⁴Watoque yacwajä jañone danwa nuade cayichana wanadiwä. Töwö tamedä nichocade chatä iwwwacano, tamedä chatõ iwewaca nädä nichocade. ¹⁵Yäjeje töwö dea chuncuniyõ nichocade chäjäcöncomo chatõ majä chäwatõjödõ jäcäno mmaja, chadedõjödõ, chuncunijödõ mmaja. ¹⁶Tamedä mädä sacerdote niyacwade yacwatojo tödõajä dewä, iyä yacwajä tönnoe conäjato äwanshije, iyä jodõ acwanije cönäjacä. Chatõ mane cajichana wanadi wonoje cönäjacä. ¹⁷Edä wanontädõ nade äwätäsetotocomoje, acude adhatõdõ wätäsetoto como jemmaja töjatadõcomo wadõi, madäje änwano odhowanäcäñe nade munu tãnjächa aweichõcomo chatõ mmaja.

4

¹Yaawä Moises wwä, CAJIICHAANA WANAADI cõna'deuwõi, cõnäädõacä: ²Ñanno soto wäiñe eamma'cä'de: yaawä tödõõse'da töweichaame conemjõnõ nõdõaadõ, yäa CAJIICHAANA WANAADI anõõj'da nadõ towaanäcä'da yeichaame ane'jammädä tödõõaajä, yäa tãnoñaato tödõemjõnõ tödõaajächä, yaawä de amma tödõõjajäña ecomma'jaadõ. ³Ñädä Wanaadi wä töwaadeuwemõ edhaajätoncomo conenijänõ tödõaajächä, mädäjemmaja ñanno soto conemjõnõ tödõaajächä eneejai natoodea, yaawäne mädäje töconeenadi yõõ como u'jai naato yaawä, tooni todo nuude'cä imeenudu jemjõnõ CAJIICHAANA WANAADI wä täje'da tu'emõ töcone'naadi encwannojoitojoje. ⁴Yaawä todo muude'cä ene'jai nato yäa Wanaadi wä, wa'deutojo naata'toadõ ai, ñädä todo muude'cä imeenudu jemjõnõ amoojaiña ye'juma'cä diñña, CAJIICHAANA WANAADI je'taca, e'ne'jaiña nädä wanaadi wono wa'deuwödõ wdhaajäton como töwö tamoodõ nõdõa'de amiñäcadõ wetä CAJIICHAANA WANAADI je'taca. ⁵Töwö CAJIICHAANA WANAADI wä e'taja naadäa'de ñädä todo muude'cä aquiyõ Wanaadi wä wa'deutojo taca. ⁶Töwö CAJIICHAANA WANAADI wä töwa'deuwemõ tamoodõ dhadaadõ munu aca nemmonga'de taawä töwö nencushinmai yäa munuque acä amoojatode CAJIICHAANA WANAADI neneedõje, yäa aashichatoña woomontojo cõnä'ja'cä dhaidutu tödõajä. ⁷Yaawä töwö Wanaadi wä töwa'deuweemõ nõdõõa'de munu ye'cäcä yäa aashichaato tödõõtojo de'wä CAJIICHAANA WANAADI neneedõje, yaawä töwö Wanaadi weichoojo taca nijo'jato'de ye'jumma'como, töwö nõjõõa'de yäa todo muude'cä aquiyõque yäa aashiichaato tödõtojo ejudu a'tei mmaja, yäa täje'da u'waajä niya'cwato'de, Wanaadi wä wa'cteutojo naata'taajo yoomontojo awä ye'juuma'como naatatodõ mmaja. ⁸Töwö todo muude'ca catä tamedä nicho caato'de täje'da tu'emõje conemjõnõ encwannojoitojoje; tamedä ijummacä dhaca no'jödõ äne'da näjannõ, ⁹anädä chuncuniitõ jocomo mmaja yäa chaatõ como naadõ chocacäde, chä'wa'to jocono mmaja yäa chädeedõ mmaja, anädä chuncuniyõ, jäcä naadõ chocacä'deede tamedä mädä. ¹⁰Mädäje töwö nicho'ca'de tamedä, chocacä'deede ñädä todo muude'cä sacrificiaje täje utuudu wetä töncanode'da. Yaawäne töwö Wanaadi wä töwa'deuweemõ niya'ewa yäa aashiichato tödõõtojo de'wä täje ya'cwadõ we'tä. ¹¹Ñädä todo muude'cä ji'jämjödõ tamedä yäädetõaajä iju'jä jadä i'judu mmaja töwö dhacanojödõ iwetõ'jödõ mmaja, ¹²tamedä yäädetõaajä todo muude'cä jocono'jödõ, nadäaato tamedä jato tö'cäi yäa yenchõ como eijaña no'saje'da öwwonone yeiyajä, ä'sha yä'meetõjonai yäa wedennäjato; tönwanno tauda yätä wedennäjato nõõja'aato'de. ¹³Tamedä soto ye'juma'como conemjõnõ tödõa'jäcä, towaanäcäiñe'da conemjõnõje yeichä yeichaame yaawä we'juumanaawä conemjõnõ towaanä'da yeichõ yeichaame mmaja yäa CAJIICHAANA WANAADI necammadõ aneeja mädä tödõaajächä conemjõjena, ¹⁴yaawäne ächänawä conemjõnõ cõnnõicho yäa towaanojõnõcomo yaawäne we'juumana awä, yäätä ecommajaina, tooni todo muude'cä ene'jaiña täje tu'emõje töcoone'naadiyõ encwannojoitojoje mmaja, neneejõñoje'de Wanaadi wä wa'deutojo taca ye'jumma'com je'taca. ¹⁵Ñanno inchoncomo we'juuma'como amiñäcäajäi naato nädä todo muude'cä CAJIICHAANA WANAADI je'taca, töwö todo muude'cä naminñä'cade yaawä. ¹⁶Wanaadi woono wa'dewwädõ e'tajäje naadõ neene'a'de toro akiyõ she'casa'cä soto we'jumato'como taca, ¹⁷Wanaadi woono wa'dewwädõ tamäädõ dhadaadõ namonnäja'de muunu aca nencushima'de aacä amoojatode Wanaadi neneedõje, wentanna a'dutu owajajo. ¹⁸Muunu nõdõõa'de

she'casa'cä, Wanaadi weichojo owaajo iji'jämjödö tödöajä naadö jäcä, we'jumatooyo dö'tä naadö, töwö nemeecanta'de muunu tameedäädä, täjemjönö u'ajä ya'cwajä ke, mädä ye'jumato'como taca yomonto'como dö'tä mmaja. ¹⁹Töwö nacä'a'de chaatö'jödö tamedäädä niyacwa'de Wanaadi wa'deutojo dö'tä. ²⁰Mädäaje töwö nödüöa ñädä toro ke. Ñä dä täje'da toro u'ajä cönnöichöje mmaja ñädä conemjönö tödö'jödö jäcäichädoto cuntuihoodö, mädäjo mmaja töwwö nödüöa'de toro ke Wanaadi wono wa'dewödö nödüöa'de tamedä soto jäcäichädäiñe, töngwanne nato'de chene'nadiyöcomo tängwanno'jo. ²¹Töwö nadäa'de ñädä toro chuu taca, ni ya'cwade awa'deto toro cöñña'cwaichöje mmajo, mädä täjemjönö u'ajä yamedä soto jäcäichädä'como. ²²Ñädä faata eda'chänei wä conemjönö tödüöa'jäcä, tödö'seda töweichaame, nödüöanei, conemjönö nödüöa, CAJIICHAANA WANAADI nanontädö she'casa'cä ännödana, töwö chäwwäno mädä yaawä, ²³mädäaje chone'nadiyö täne nä'döa, töwö ene'jaiña sacrificio tu'emö toni cabro dhangwa imenuduje'da naa dö. ²⁴Töwö tamäädö tödöjaiña cabro iju'jä de'wä yä'jaje naminña'ca tönaaminña'ca weneenetodö döiña dea , iyä täje'da ya'cwajä u'tojo CAJIICHAANA WANAADI wä tunu'e weneenetodö döiñnadea mädä iyä täje'da u'ajä conemjönö tödüneijödö wä. ²⁵Wanaadi wono wa'dewwödö muunu najäiya conemjönö tödüneijödö nutuudu, tamäädö dhadaadöke, nödüöa yaawä iji'janejödö de'wä täjemjönö ya'cwajä u'tojo de'wä, muunu nemeecanta dea täjemjönö u'tojo de'cäcä. ²⁶Töwö chaatö niyacwa'de tameedädä, täjemjönö u'tojo de'wä mädäaje chaatö'jödö sacrificio je nödüöa täncanode'da weichooje. Wanaadi wono wa'dewwödö nödüöa'de ñädä sacrificio tu'emöje naadö, ñanno faata e'seetännamo choone'nadiyöcomo ñontancädä, yaawä faata e'seetännamo coneenadiyöcomo nätangewano'jade. ²⁷Äneeja soto conemjönö nödüöa töwwä täcade'da, töwö nödüöadea äneejacomocä mmaja, CAJIICHAANA WANAADI necammadöna iññamädä'da eichä, yaawä töwö nädanta conemjönö tönnöe töweichö, ²⁸mädäaje choone'nadijona, töwwö töcoonenadiyö towaanäcä nödüöa, töwwödea ene'jaiña toni cabra sacrificio tödüöemöje wodi aashichaato, töcoone'nadiyö encwannäjoojoje. ²⁹Töwwö tamäädö nödüöa'de ñädä täje'da tu'emö iju'jä de'wä töwwödea naminña'ca'de täje'da ya'cwajä u'tojo döiñnadea. ³⁰Wanaadi wono wa'dewwödö najäiya'de muunu she'casa'cä tamäädö dhadaadöke, töwwö nödüöa'de iji'jämjödö de'wä täjemjönö ya'cwajä u'tojo de'wä. Töwwö nemeecanta'de muunu tameedä yätä naadö Wanaadi wä wa'deutojo de'cäcä. ³¹Töwö nacä'jaa'de chaatö'jödö tameedädä, mädä chaatö'jödö acä'jajä sacrificio je nödüöa, täjemjönö utuudu wetä, täncanode'a weichooje. Wanaadi wono wa'dewwödö niyacwa'de, Wanaadi wä wa'deutojo de'wä CAJIICHAANA WANAADI wono wa'dewwödö nödüöa'de sacrificio dhangwa etöjoi, choone'nadiyö ätäncwano'joiye. ³²Dhangwa wä ene'ajäcä toni oweja sacrificio tödüöemöje, täje'da utudu wetä, töcone'nadiyö encwano'jotojoje, töwwö ene'jaiña toni wodi oweja cädäijemjönö. ³³Töwwö tamäädö nödüöa'de täje'da tu'emö de'cäcä, töwwö dea namiña'ca'de täjemjönö tönaamiña weneenetodö döiña dea täjemjönö ya'cwajä u'tojo döiña. ³⁴Wanaadi wono wa'dewwödö najäiya muunu she'casa'cä täje'da tu'emöje, tamäädö dhadaadöke töwwö nödüöa'de iji'jämjödö de'wä Wanaadi wä wa'deutojo de'cäcä iyä täjemjönö ya'cwajä u'tojo, töwwö nemeecanta muunu tameedädä Wanaadi wä wa'deutojo de'cäcä. ³⁵Töwwö nacä'jaa'de chaatö'jödö tameedädä, mädäje oweja catö'jödö acäjäätödö sacrificio tödüöemöje, täje'da utuudu wetä täncanode'da weidojoje, Wanaadi wono wa'dewwödö niya'cwadea Wanaadi wä wa'deutojo de'cäcä, täjemjönö u'ajä de'cäcä mmaja. CAJIICHAANA WANAADI wa'to wedemmödö de'wä nä'döa. Töwwö Wanaadi wono wa'dewwödö nichamjiyaca odocojatoke, conemjönö encwanojotojoje, ñädä dhangwa cone'nadij töncwannojoja.

5

¹Äneeja wwä conemjönö tödüö a'jäcä, änee camma'da yeiya'jäcä, iyä conemjönö tönnö'jödö ecammadö tuiunnena, ñädä etaanci'jödö mädäajäcä, töwö chowwono madä yaawä. ²Äneejawwä wanaadi ecaanö'a'jäcä, conemjönö aca töweicho jonno, odoocajaato wäa maaja yeiya'jäcä tönoinñato töwö, nossaje töwöña ñädä yämaaja äneeja vaca wämaaja mmädä, töwenöcaato wötäädö jenñemma, ajoojo'se'da töweichaame najoojaadö iyä nossajaato töwö choone'nadiyö. ³Yäa nossajaato ajooja'jäcä äneeja nödüödö, nossajaato mmädä jeinñema, töwö towaanojööno nödüöa mädäaje yeijäcä jeene conemjönö nödüöa, töwwä täne yä'döa'jäcä towaanäcä nödüöa. ⁴Äneeja yäacammajäcä naadönaane töntadöoque näacammajäcä choonc'madö mmädä nichoone'ma, aashichaato tödüödö atäi necaanö'a, äneeja'cämmädä dhangwa wwä eamma'jäcä töwödöjööque nichä'tönngaadö, töwäacamadaawä towaanäcä'da töweiyancädä nödüöa, mädäajejeene conemjönö nödüöa. ⁵Yaawäne äneeja choone'nadöyö töweiyä, yeiya'jäcä eetä naadö, töwö ecammajaiña äneejacä mmädä conemjönö tönnö'jödö. ⁶Mädäajeene töwö nenc'a täje'da tu'emö cajiichaana wanaadi wwono töcoone'nadöyö encwanojotojoje, tooni odoocajaato wodi, tooni oweja jeinñema cabra jeinñema, täje'da tu'e mööje töcoone'nadöyö encwanojotojoje, ñädä wanaadi wwono wa'deu wödö nödüöa ñädä odoocajaato tämeeta caano'jödöje conemjönö encwano'jotojoje. ⁷Ejeemajaicha töweiya'jäcä ñädä odoocajaato töwö ene'jaiña täje'da tu'e mööje aacä jaduuma mude'cä dea mma cajiichaana wanaadi neneedöje, tooni mmane nene'a täje'da tu'emöje töcoone'nadöyö encwano'jotojoje, tooni'chene täjemjönö tödha'cwamöje. ⁸Töwö nene'a wanaadi wwono wa'deu, wödö wadäädä, täje'da tu'emöje töcoona'nadöyö encwanojotojoje töwö najäiya'de iju'jä ecuumödö wetä anaacä'jätö'dammaane yeichojoona chääjö. ⁹Yä'jaje töwö nöjöjajä'a munuuque täje'da u'ajä yäätä naadö wanaadi wwä wa'deutojonnäcä, töwö tameedä munuuque nödüöa'de wanaadi wwä wa'deutojo e'seji mädä iyä conemjönö encwanojotojoje. ¹⁰Yä'jaje nene'a tadinñemö täje'da tu'e mööje tödha'cwamöje, waanontänä imennaajä nä'döadöje, wanaadi wwono wa'deuwödö nichamjiyaaca'de tadinñe mööje choone'nadiyö encwano'jotojoje, ñädä soto chone'nadiyö täncwanno'joona. ¹¹Yaawäne aacä jaduuma mude'cä ejemajaicha töweiya'jäcä töwö ene'jaiña sacrificioje tu'emöje töcone'nadöyö encwano'jotojoje 3,7kg harina tajichö' dhato täje'da tu'emöje töcoonenadöyö encwanojotojoje. Töwö tödüöajä'chana chaatö äneeja catö tödüöe'da mmaja. chääjäcä choone'nadiyö encwanojotojoje u'ajäaje yeijäcä. ¹²Töwö ene'jaiña wanaadi wwono wa'deuwödö wadaädä, ñädä

wanaadi wwono wa'deuwödö najäiya tamoco'taca iyää täje'da u'ajä, yä'jaje niya'cwa wanaadi wwä wa'deutojo dö'tä, täjemjönö u'ajä de'wämmaja cajiichaana wanaadi wwä caado nijoota, mädä iyä täjemjönö u'ajä choone'nadiiyö encwannojo tojoje. ¹³Töwö wanaadi wwono wadeuwödö nichamjiyaaca'de äneejaque soto cone'nadiiyö encwannojo tojoje yeijäcä, ñäädä soto cone'nadöyö tãncwano'jona. Wanaadi wono wa'deuwödöje töwö yeijäcä chäwwä yäädetö'jödöona dhadödö täjemjönö u'ajäje naadöjemaja". ¹⁴Yä'jaje cajiichaana wanaadi cöna' deuwö Moisés wwä cönä'döacä: ¹⁵"Äneeja wwä täje'da edä waanontänä tödööa'jäcä conemjönö nödöa cajiichaana wanaadi waanontädö je yeijäcä yaawäne töwö nödöi inña mädä mädäjene töwö nene'a täje'da tu'emó, cajiichaana wanaadi weichojo döinña. Ñäädä täje'da u'ajä eijaiña tooni oveja imenudu'jemjönö ne; täje yeichö eijainña amoojadäto de'wä tooni acäichea (11,4kg) jödaata cä wa'cä, täje'da u'ajä eijainña chonenadiiyö encwanno'joto'me. ¹⁶Töwö cajiichaana wanaadi ya'däjaña conemjönö tödödö weijäcä töwwä, conemjönöje'da ätätäjaichana, töwö ni yewononta ijaatodeato'cä wa'cä annai, nu'a yaawä wanaadi wwono wadeuwödö wwä. Määdäje töwö wanaadi wono wa'deuwödö nichamjiyaaca'de odoocajaatoque täjemjönöje u'ajäje yeijäcä, töwö chone'nadöyö tãncwannojoona yaawä. ¹⁷Äneeja conemjönö tödööa'jäcä aneejam mädä tödöo'a'jäcä jeinñema cajiichaana wanaadi waanontädö anñö'dana töwö, towaanäcä'da yeiyancädä nödöa, choone'nadiiyö mädä töwö chowwono mmaja mädäadea. ¹⁸Töwö ene'jaiña tooni oveja, tömenuque mmjönö täje tödööajä eduuwatoje, täjemjönö u'ajäje yeijäcä, wanaadi wono wa'deuwödö wä. Yaawäne ñäädä wanaadi wwono wadeuwödö nichamajiyaca'de odocajaatoque tãmetacaa'no'jödöje, conemjönö tödöojödö encwannojo tojoje yei jäcä towaanäcä'da yeiyancädä conemjönö tödöojödö weichaame chone'nadöyö tãncwannojo'na'de. ¹⁹Mädä täjemjönö utuuduna ñäädä conmjönö tödöoneijödö cone'nadiiyö encwannojo tojoje, cajiichaana wanaadi emjataawä".

6

¹Yawä Cajiichaana Wanaadi cönadewwöi Moises wä, cönädöacä: ²"Anejawwä conemjönö tödöajacä, Cahichana wanontädö shadäja jäcä jeiñemma, iyä töweichaona coneda tödödö, ememmecödö jeiñeima, töweichaono imaminchadö jeiñeima, ³töweichadö nödödö edantäjödö weichame ijomeänei, chänongato wacäto wacamadömaja, tame'dä edäcomo tödödöque soto conemjönö nödöa, ⁴yawä conemjönö tödöajacä, yoijatoje yeiyajäcä jeiñemma, inña maya chäwwä tödödö tujunne nadea, yoijeda ñeijödö yeiñemma, tönnödöjönö edanta jödö yeiya jäcä maja. ⁵Chäwwä ijomedäjödö yeiya jäcä, tamedä chäwwä inñacädö tujunnena ejemadö jeiñemma, ñäda töneje quenäjödö wä yawä yoijatoje yejacajäcä. ⁶Yawä töwö täjemjönö Cajiichaana Wanaadi wadädä enejaña: nädä carnero yecodoiña jödö jemjönö iyä täje yeichö ejemadö cäwacä, Wanaadi wä töwadeuwemö, täjemjönö tunue töweie naichöje. ⁷Ñädä Wanaadi wä töwa'deuwemö sacrificio nödöade wanaadi jetaca, yawä tamedä chänongenjönö inñöjödö woije tãncwannojo nade. ⁸Yäwä Cajiichaana Wanaadi cönadewwöi chea Moises wwä, cönädöacä: ⁹Aarón, inñacomo moya anontocoto, edäje caichäde: edä iyä wanontäna, täjeda tuemö tödötojo: iyä täjemjönö yacwajä ashichato tödötojo dewä tödödö eijaiña, coijaichodadä yawanadö jonane, wato emjannajä maja tannedä yeichö tujunnena iyä ashichato tödötojo dewa. ¹⁰Yawä tajededato töwomö awä Wanaadi wä töwa'deuwemö newontade. Iyä täjemjönö yacwajä wädetöjödö wendennäje yädöajä ancudu wetä töwwä, yawä töwö nödöade ashichato tödötojo nnäcä. ¹¹Töwö töwomö nucade, aneja töwomö daja ewacadö wetä töwwä, iyä töweichocomo jonno adädö wetä chäwwä. ¹²Wato wemjangaja tannedä nade, unquecäjödö tujunneda nade, yawä Wanaadi wä töwa'deu wenö deecomu nucajäadede, ätunquejödä yeichojo, jennaneto wadäi, Cajiichaana Wanaadi wä tanontädö woije. ¹³Iyä wato wemjangajä tannedä nade yeichödäje, yätunquejödö tujunnedanade. ¹⁴Edä iyä wanontänä täjeda tuemö dhadödö jäcä. Ñanno Aarón nacomo täjemjönö nuatode Wanaadi wä iyä ashichato tödötojo dö'tä. ¹⁵Yawä Wanaadi wä töwadeuwemö dhadödö tajichödhatö toni ajäiödö najäiyade, chatö maja, töjocato ijodömaja maja, iyä dhadödö täjemjönö tuemö aca nadö töwö niyacwade yatä ashichato utojo dö'tä, cadono ijodöje yädödö wetä, täjemjönö tuemöje yeichö chawwäiñe. ¹⁶Tamedä iyä täjemjönö tuemö wädetöjödö aca nawashinchatode Aarón inñacomo maja. Ummannäcatojomenjönö wäwashinchotojoje nade iyä ashichato weichojo taca. Tönwanno näwashinchatode wejummatojo jödodoichädö awä. ¹⁷Iyä unmannäcatojo jeda yeichö tujunne nade. Öwwä tuena chäwwäiñe, iyä täjemjönö tuemo ashichato watoque tödäajä. Conemjönö tödöjödö ejematojo töweie naichöje. ¹⁸Tamedä yeichödäje, ajatawä awajimmä tädä natodö, äncäcä neatodö maja, ñanno dhanwacomo Aarón nacomo maja äwashinchäiyetode, iyä Wanaadi wä täjemjönöje tödöajä nadö, watoque. Ñädä anejammädä najojadö ashichatoje maya nädäade. ¹⁹Yawä Cajiichaana Wanaadi cönadewwöichea Moises wä, cönädöacä, ²⁰Edä iyä täjemjönö tuemö Aarón wä inñacomo wwä maja, tönwanno Cajiichaana Wanaadi wä nuatode, tamedä chäwwä tödönnamoje yätuacomjacä: tönwanno nuatode iyä dhadödö tayichodhatö döojä, jenadäne annaichocä wacä chomomödawä annaicho cä wacä maja. ²¹Iyä tödödö nade, shaddotojo dewä chatö que shimijancädä, yawä chänonge yädöajäcä täjemjönö tuemöje madäade yatocajätödöjo, iyä dhadödö cadono ijodö döajä Wanaadi wonoje. ²²Ñädä tamedä chojedhenñe nöchötadö äñonge dea iyä täjeda tuemö nuade. yeichödäje ecammajä nadö nönge, tamedä Cajiichaana Wanaadi wonoje tödhaewa yeichö tujunne na. ²³Iyä dhadödö täjemjönö tuemö, tamedä chäwadäiñe tödhacwa yeichö tujunne na tamemjedä nade. ²⁴Yawä Cajiichaana Wanaadi cönadewwoichea, Moises wä, cönädöacä: ²⁵Aarón wä adhadeucä de eduwa inñacomo wwämaja edäje caichä chäwwäiñe: Edä yäa wanontänä, täjeda tuemö tödötojo conemjönö tödöajäcä, tämamö jena, yätä Wanaadi jetaca täjeda tuemö yacwatojo tacaashichatone yeiyajä. ²⁶Ñädä conemjönö jotädöje tajedatuemö unei näwashinchade. Ashichatoña wäwashinchotojoje nade yäa yatä wejummatojo jödodoichädö awä. ²⁷Aneja wämmädä ajojajäcä yäa ijunu jödö ashichatoje maja nädöade, yawäne munuque yomö yecodoiñajodö töweie yeiya jäcä choccadö tujunne na, yecodoiña jödö nadö dö'tä, ashichato weichoiña. ²⁸Yäa jadancana nono döajä chomocatojoje tödöaja cönäjädö emojaiña yawä. Yäa

quene jadancana sejadadi döajä, tuna ashichato quemma tatöemjena.²⁹ Nanno Wanaadi wä töwadeuwamo wäjimmätädö maja äwashinchajai nato dea, ashichato je tödöajäne yeiyajä.³⁰ Yawäne yää conemjönö jotädöje täjeda tuemö tödöajä nadö tamenjeda na, yäää ñädä Wanaadi wa töwadeuwemo weconecatojo je tönadä cönajadö ashichato weichojo taca. Ñädä Wanaadi wa töwadeuwemö tödhacwamöje nödoade yää.

7

¹Edää iyää töjeda tuemö (culpabilidad) mädö iyää chönöngato ²Emadö chöwönne tujunnena iyää töjedä tuemö (culpabilidad) yäätö ematojo datö, yaawo töwanno cönshimijoicho ashichato utojoca munuque ³Tameedädä iyää chatö tuemöjena: shidöi catö, tameedädä chatä dhacancomo maja ⁴Chöwajucunu a'cäto chatö chöjadonoje nadö maja imotai dötönadö, chädeedöjödö quenewontoi chöwajucunu que tameedödö mädö ajodö tujunnena. ⁵Yacwuadö tujunnena eduuwa tameedödö mädö ajoajö sacerdote wo yäätö ashichaato utojo dötö töjeda tuemö nonge cajichana wo. Edä iyää töjeda tuemö (culpabilidad). ⁶Dhanwacomo sacerdote antawonñe natodö äwashinchajainato sacrificio tödöajäjödö aca, yowoshinchödöcomo tujunnena ashichato dötö, ashichatoje yeijöcä töwö ⁷Täjemjönö utudu conemjönö tödöjödö woiye, töjeda utudu (culpabilidad) änonge dea töwö na yötösetödö, chowonojena sacerdote conemjönö encwanojoto tödödö wetö. ⁸Töwö sacerdote nua töjeda tuemö yacwajö shijöjocomojödö maja. ⁹Töjemjönö tuemö (grano) asucatojoca tönasuca cönöjato, tamedödö tunasuca cönöjato jadancanaca, sarten shannacatojoca maaja, sacerdote wono mädö töwö töjemjönö Tuemö nua. ¹⁰Töjemjönö tuemö (grano) sedejato, aceite jadö tödöajö, Aaron nacomo nöddödöcomo mädö önöngenñe. ¹¹Edää iyää ñecammadö sacrificio jäcä Wanaadi cajichana jetaca. ¹²Ashichaato utudu edä sacrificio yeiyajöcä, u'unmanocatojojenjönö maja utöcödede aceite jano amudajö, u' unmanocatojojenjönö aceite'que shimijajö, u'unmanocatojojenjönö harina inñatajotoque tödöajö maja. ¹³Ashichaato utudu'jenmaja, töwö utudu tujunnena yää töncanodeda töjeda tuemö, u'unmanocatojojemjönö maja. ¹⁴Töwö nua sacrificio chäwadöi nadö, töjeda utudu nonge Cajichaana jetaca, töwö necammade sacerdotecomo nishimijatode yääwö munuque töjeda tuemö ashichaato tödötojo dötö. ¹⁵Soto necanmato yää töjeda tuemö ashichato utojo, yoshinchödöcomo tujunnena tameedädä taacoichane jenammatojeda tödöene. ¹⁶Yääwö sacrificio töjeda tuemö yawö, töwö töwöije töjenjönö utudu, shunujädö woshinchönö tujunnena yaawö töjenjönö utudawö, yödötöajäcö yoshinchödöcomo tujunnena yaawö iyyäjenammanadeje. ¹⁷Yaawöne aduwawö anototo awö töweiye shunujödö yeiyajö yacwuadö tujunnena. ¹⁸Shunujödö sacrificio tödöajö aduwawö anototo ai tänöajöcö chönöngeda yeichojona töjeda tuemö nongeda maja, nosaje yeichojona conemjönö'je maja. ¹⁹Ñäädö conenjönö ja'no shunujödö ajojajachana yacwuadö tujunnena yäwö, Yää conenjönö'jano anajodanadö iyää mane ötönöjainä ñäädö inñatajenadö conenjönö'je da. ²⁰Yaawöne ñäädö soto conemjönö jedanadö töncanodeda tönöjainä ñäädöna yaawö cajichaana Wanaadi jadönoje. ²¹Ñäädö conemjönö ja'no najojadö, conenjönö jacomö jadönñe neñojo, odocajacomo tönönñacomo jadönñe jenñemma, tödöajö nosato jadö maja, yaawö töwö ajöiyajöcö iyää töjeda utudu töncanodeda weichojoje cajichaana Wanaadi wonoje nadö, conemjönö jacomö jono ichödö tujunnena. ²²Yojenma yaawö cajichaana Wanaadi cönadewöi Moises wö, cönädöacö yaawö: ²³Israelita conmowönñe edeje ädötöcö: önwanno öwashinchajacha mato odocajacomo catö aca. ²⁴Sacrificaje tödöeda cönömaichö chatö, odocajato catö acöjödö odocajacomo tönönñacomo wö, neja tödötojoje ejainña, önwanno mane owashinchacha mato mädö aca. ²⁵Ñäädö odocajato catö aca nowoshinchadö ujai mato sacrificioje cajichaana Wanaadi wo, medejato töjaiña conenjönö jacomö jonno. ²⁶önwanno munuca owashinchajacha mato edesacanñe, tadöñamo. odocajacomo jenñema. ²⁷Medejato inchödö tujunnena töjataconño. ²⁸Yojenma yaawö cajichaana Wanaadi cönadewöi Moises wö, edoöje cönödöacö: ²⁹Adhadecwuo israelitacomo woinñe edeje ädöcö: ñäädö töjeda tuemö töncanodeda wechojoje nuadö cajichaana Wanaadi wo, ³⁰Sacrificio ändö muadede chöwö. Yacwuajö Wanaadi wo töjeda tuemö, töwö tätö tamädödewö adödä tujunnena, töwö chatö iyojödö adödö tujunnena, iyojödö ewäñadö wetö töjeda tuemö je yeijäcö cajichaana Wanaadi jetaca. ³¹Töwö sacerdote chatö yacwuadö tujunnena ashichaato utojo dewö, iyojödö mane Aaron wono mädö inñacontoncomo wonoje maaja. ³²önwanno mane ijetöjödö omudenjönö dösatö muato sacerdote wo töjeda tuemöje sacrificio jadöno jönö, iyää töjeda tuemöje töncanodeda weichojoje. ³³Töwö sacerdote, Aaron nedä toni, nua munu töjeda tuemö töncanodeda weichojoje, chatö maja ijetöjödö omudenjönö döse chöwö nade töjeda tuemöje. ³⁴Yawone israelitañancomo ja'dö nato, iyojödö ewö'ña'jö, ijetöjödö töcacomä maja, tönwänno cuntucho Aaron wo sacerdote, inñacomo woiñe maja shecäcä. ³⁵Edää yää shecäcä Aaron wono inñacontoncomo wonoje maja töjeda tuemö yacwuajö cajichaana Wanaadi wö, yaawö yää anoto Moises cuntui cajichaana Wanaadi yademetojo sacerdote wetaduwacotojoca. ³⁶Edää tuemö secäcä cajichaana wanontöjödö israelitacomo woinñe tuemö, yää anotoawö acerdotecomo cönshimijoicho aceite que, yeichöje nade mödä secäcä adhadachomo woiñe. ³⁷Edää yää wanontönö töjeda tuemö yacwuajö, töjeda tuemö (granos), täjemjönö utudu conemjönö tödöjödö woiye, täjemjönö utudu ementödö, töjeda tuemö owotutojoje, sacrificio töjeda utudu töncanodeda wechojoje. ³⁸Yaawö sinaijödö decäi cajichaana Wanaadi cuntui wanontönö Moises wö, yää anoto awö cajichaana Wanaadi quenecammai israelita como woiñe sacrificio inñidöcomo utojo Wanaadi wö jatajemjönö sinaijödö decäi.

8

¹Cajichana Wanaadi cönaadeuwöi Moises wwä: ²Aaron ajaadä tödöocoto inñacomo mmaja chääjadä tödöocoto'de yoomöcomo, aceite mmaja ijeedichato'como, toro tödöocäde täjemjönö tuemö je conemjönö encwannojotojo je. Nanno acä carnero, pan levadura jemjönö mmaja chäwöötö aca tödöcä'de. ³I'jummacoto tameedädä awejummatocomo taca yää tabernaculo weichojo womontojo nataatajo. ⁴Edääje ädäcäde israelitañancmo Soto wäiñe: Cabra dhamwa anajöichöcä

conemjōnō tōdōjōdō, tōje'mōnō tuemōje tooni mmaja becerro tooni mmaja ternero, yāa wedu jácacomodea nosaje'mōnócomo, tōje'mōnō tōdacwamœje; ⁴jaaca, tooní Cordero mmja anajōchō tōje'mōnōje tōncanodeda weiñā enejutojoje sacrificio tōdōcāde CAJICHANAANA jetaca, yāa mmaja tōje'mōnō ānnōcāiñe". ⁵Yāaje yeijācā tōnwanno cānejoto tamedā Moisé wanontādō nōnge yāa tabernacurlo yejummatocomo taawā, tamedā ñānoo israelita wejummacomo amoichedaiche cōnejoto cōnede'naicho yaawā CAJIICHAANA WANAADI Jetaca. ⁴Mādāaje Moises cōnnōi Cajiichana Wanaadi nanoontā'jōdō nōnge. Mādāaje cōneejoto tujuuma tabernaculo womontojo dōiña cōneejummaicho. ⁵Yaawā Moises cōnā'dōa'cā soto wejummacomo wwāiñe: "Mādā yāa Cajiichana Wanaadi necammadō tōdōemō tōdōōtācā'de quee." ⁶Moises cōnnejā Aaron inñacomo jadā cōncocaicho yaawā tuna quee. ⁷Aaron jácā cōnnōi cōninchōdāi chācunu awodhecācā yaawā yoomō awā, yoomō de'wono awā mmaja yontonno yoomō de'wono jaiñone cōneewacai chea. Yāa'jeeje cōninchōdāi yoomō de'wono awodhecācā cōnnōi yā'catojoje tōca'ajā quee cōnā'cōcai yaawā. ⁸Tōwō tōdojodo woomō cōneewacai tōwō tōdoojōdō woomō cōnneewacai tōwō tōdoojōdō woomō cōnnōi yā urim tumin mmaja. Tōwō tuju'jā cōnwantāi tuju'jā woomō que tōjecaichō cōnwontāi chea tōjecaichō woomō'que. ⁹Tōwō cōnnāi jadaaji dorado jato, ashichato jeemō mmaja, mādāaje cajicha wanaadi wanontādō nōnge. ¹⁰Moises aceite cōnannājāi shiimijadō wetā, tabernaculo cōnshimijoi tamedādā yēichojo cōnshimijoi ashichato cajiichana wanaadi wono tōdōtojoje cōnsancwajoi yaawā. ¹¹Tōwō aceite qu cōmjōi dha'tāi aacā amoojatode tamedādā jadajichomo wasa, cushiya como a'ttāichomo weichojo cōnshimijātōi cōncoaichea yēichojo, shancwajodoō wetā cajiichana wanaadi wonooje. ¹²Tōwō Aaron tu'jā cōmjō aceite que cōnacai cōnshimijoi yaawā wanaadi sotoije yēichō wetā. ¹³Aaron naacamo Moises cōnejoto cōnwontoicho yaawā woomō nuuwato awā tōwō cōmmōjōtoicho yaawā chācunucomo de'cācā tawodeentane iju'jācomo de'cācā camisha lino cōmōjātāi cajiichana wanaadi nanontādō nōnge. ¹⁴Moises cōnnejā toto ofrenda tōdōō emmōje, conemjōnō encwannojoa jooje, ñāādā Aaron tōnnacomo jadā toro ju'jā de'wā tamāādō como cōnnōicho toto e'neajā cōnāājādō tāājeda tōdōemmōje conemjōnō enewannojatajoje ¹⁵Tōwō cōnaaminñācai yaawā dhaquiyō cōnaajāi cōnnōjatō yaawā ye'taichomo wadāi yāa dha'tāichomo tamāādō dhaadadōque dha'tāi cōnocai muuna que cōmjō yēichajo a'tāi cajiicha wanaadi wonoje cōnnōi, sacrificio ya'cūewatojoje conemjōnō tōdōjōdō enewanno jotoojoje chāwwāñe. ¹⁶Tōwō tamedādā chaatō cōnaajāi caaca cōnaajāi chaaca cōnāājādō, chāādedō jácā cōnāājādō; anāādāncādā chāwajucunu jácā chaatō co'nāājādō' mmaja, tamedādā Moises cunnucāi yaawā dha'tāi de'wā. ¹⁷Yaawā ñāādā toro, jijā, ijuu jōdō; tōjooque, yeijācā cunncaicho amonche tōweichocomo jonno cajiichana wanaadi nanontādō nōnge. ¹⁸Tōwō cānaminnācai jaaca, oveja mmaja, tāncanodeda weiñā jāconoje yāa sacrificioje cōnnōi, Soto jácāichodocomoje. Ñanno Aaron nacomo cuntuicho chāāwā muunu, yāaque tōwō cōmmōjōtōi ājaatoncadōiñe yāa altar. ¹⁹Yāaje'mma yaawā tōnwanno cānacājōtōicho toro catōjōdō mmaja, iwenwaca chaatō tōnadue naicho mmaja yāa chāwajucunu, chāādedōjōdō mmaja. ²⁰Tōwō carneo cōnaacājātōi iju'jā cōnaasucāi tōnaacā jātōdō chaatō mmaja. ²¹Iwenwaca cōncocai ijetoconio mmaja tuna que, dha'tāi de'wā ñāādā carneo tamedādā cōnñacwai . Eedā cōnāājācā ashicha yacucwajā cadaona ijodowacā; ashichato tōdōōajā wanaadi wono cajiichana wanaadi nanontājōdō nōnge cōnnōi Moises ²²Yaawā Aaron tamādō cōnannōi Soto wadādāiñe Ashiichato cōnnōi chājōcāiñe; yaawā tōwō cānōtōi tōjemōnō eca'mma yāa conemjōnō jácānchōdoto, tōcanodeda weiñā jōcānchodoto mmaja. ²³Yaawā Moises, Aaron cānomomōicho tōwejummatocomo taca. Cānejacaicho dea yaawā, ashichato cōnnōcho dea soto jácāiñe, yaawā ashicha CAJIICHAANA WANAADI weichō cānōnejoi tamedā soto wāiñe. ²⁴Waato cānejacai CAJIICHAANA jonno yāa tōjemmō Altar dewā cōnōjadō mmaja. Yaawā tamedā soto yāa cōneneato, tōenwanno cāncātōmōicho cānōjeduicho yaawā nonojo tōjedōcomo tajojone. ²⁵Moises cōnaajāi chaatō, dhacoodō tajuiyato, tamedādā chaatō cōnaajādō iwenwaca, chāādedō cōnaadua'do' mmaja, anāādāncādā chāwajuucuna chaato' ch'ja'ca' co'nāājādō, ijetojōdō mmaja amudemjo'no' dō'seno ²⁶Yāa pau ammanna'catojo jemjo'no', tooni ecauwo'jōdō pan simijajā, tooni ecauwōjōdōcā mmaja, chaatō de'wā cōnnōi ijeto'j'do' āmu'demjōnō dō'seno ²⁷tōwō tamedādā Aaron enwawā cantui, inñacomowā mmaja cuntuichea cajiichana wanaadi emjatawā co'najiimmaicho mādāaje ashichato tājeeda caituicho cajiichana wanaadi emjatawā ²⁸yāajemma yaawā Moises cōnaajāi ñanno enwawonocamo cōnñacwai yaawā yacwatojo a'ttāi de'wā ashichaato tāājeda tuemoōje. yāa co'nāājācā cadoono ijodō wa'cā tacwāiñe co'nāājācā chjiichana wanaadi tooni taje'da tuemōtōdhacwa mōje yeijācācōnee chāwānoje ²⁹Moises iyojōdō cōnaainājōi cōneewinñāi mādāje cōnñatocaicho carneo Moisewā tuemō ñanno sacerdote choneecato co moje chiichana wanaadi nano'tājōdō woije ³⁰Moises aceite cōnannājōi yāa que shiimijotojo, muuna mmaja cōnaannā jōichea dha'tāi dōtā cōnāājādō, Aaron de'cācā, inñā como deecācā mmaja, inñā coo womō como de'cācā mmaja mādāaje Aaron coneenadiyō cōnnecewannojo cōnecocai yomō como mmaja, inñacomo, wamōcomo mmaja, chajiichana wanaadi wonoje cōnnādōcha ³¹Madāje Moises cōnāādō acā Aaron wā, inñacomowā mmaja, "ijuunu jōdō anāātācā, aeejumma tocomo natatajo yāātā āwashinchātācāde, yāātāna pan chāwōōtō aca tōññoiñe enetācāde, ³²Yāa ijuunujōdō wādeetōjōdō pan wādeetōjōdōmmaja yacwatācāde ³³Yāa aweejumma tocomo natatādōdōto nomma mōōtātāche acā amoojato anooto to'cā wa'cā, yāa anooto aca yāādōādō wa'cā. Cajiichana wanaadi ashichato nōdōade ājāācāñe aacā amoojato anoototacā waacā ³⁴yāa anooto mādōōtāne'dō cajiichana wanaadi cōnencwanojo ājāācāncādāiñe. ³⁵Aawanno maatode aacā amoojato anooto aacā amoojato coijaicho mmaja awejummatocomo wamontojo dōtā mishomato'de cajiichana wanaadi waanontādō, āmaada aweichōcomo weetā, mādāje wanontājōdō weijācā. ³⁶"Mādāje Aaron inñacomo mmaja cōnnōcho, tamedādā cajiicha wanaadi tanontojacommo nōngō Moises ai.

¹Aduawö amoujato anoototo ai, Moisé cönadejai Aarón, inñacomo mmaja, ñammo inchococä israelitañancomo mmaja. ²Töwö cönädöacä Aarón wwä: "Adecänö jaaca nedö anajöichä täje'mänö jäcäichodotoje, tooni mmaja ñäädä cordero nosajemmönö töje'mönö tödhacwamöje, CAJICHANA wonoje ucäde yaawä³Edäjäeädäjäe ädäcäde israelitañancomo Soto wäiñe: Cabra dhamwa anajöichöcä conejönö tödöjödö, töddacwamöje; ⁴jaaca, tooní Cordero mmaja anajöchö töje'mönöje töncanodeda weinä enejutojoje sacrificio tödöcäde CAJICHANAANA jetaca, yäa mmaja töje'mönö ännöcäiñe". ⁵Yääje yeijäcä tönwanno cännejoto tamedä Moisé wanontädö nonge yäa tabernaculo yejammato como taawä, cönede'naicho yaawä CAJICJAANA WANAADI Jetaca. ⁶Yääje'ma yaawä Moisé cönädöacä: "Edäa tödödöje töwö CAJIICHAANA WANAADI adanontato Ashiicha töweichö enejodä wettä äwäiñe. ⁷Moise eönädöacä Aarón wäa "amoicheda acäade altar jäcä, ucä yaawä yäa täjemönö ännējödö yäa conemjönö täjemödö jäcono, töjemönö yacwajö ännējödö mimaja. tödöcä sacrificio äjäcäichödeamima, soto jäcächödöiñe mmaja, ucäa sacrificio soto jäeäichödöiñe CAJICHANAANA manontadöje⁸yääjema yaawä Aaröncötämä altar jäcä amoicheda jaaca nedöcä cänamiñöcai yaawä conejönö tödöjödö jöcäichädä, töjöconoje mmaja. ⁹Aarón nacoomo mane cännejoto chäwadödö muunu, yäaque töwö tamödö cönennöichai, yäa cunumichai altar detai dewä, yaawä töwö muunu quinichomoi altar weichojo decäcä. ¹⁰Moises aceite cönannäjäi shiimijadö wetä, tabernaculo cönshimijoi tamedäädä yeichojo cönshimijoi ashichato cajiichana wanaadi wono tödödotojoje cönsancwajoi yaawä. ¹¹Töwö aceite qu cömjöi dha'täi aacä amoojatode tamedädä jadajichomo wasa, cushiya como a'ttäichomo weichojo cönshimijätöi cöncoaichea yeichojo, shancwajodo wetä cajiichana wanaadi wonooje. ¹²Aaron cönaaminñäcai täjee tödha'cwa'mö, inñacomo mmane cönnejoto muunu, yäaque töwö cömjöjätöi altar de'cäcä äjaatoncädä. ¹³Yaawä tönwanno cuntuicho chäwwä täjemjönö jadä, töwö cönna'cwai yaawä altar de'wä. ¹⁴Töwö iwenwaca cönco'cai, ijeetöjödö cönäjaadö iyä de'wä mmaja cönna'cwai yaawä. Aaron cuntui sacrificio je ñäädä cabrio, soto jäcänch¹⁵Aarón cuntui sancrificioje ñäädä chamao cabrio, Soto jäcänchödocomoje töwö cänei töconenadiyö jöconoje töwö sacrificio cönnöi, awaadeto cabra cännöchö nonge mmaja. ¹⁶Töwö cuntui yäa töjemmönö ya'cwajö, cäneea'mai yaawä CAJIICHAANA wanontöjö nonge ¹⁷grano mmaja töje'mönöje cönnejödea iyäaque töwö tamädä cuntucannojo cänñacwai yaawä altar dewä, töjemmönö jenadäne yacawajö jadä cänejedodäjo yaawä. ¹⁸Töwö cänaminñäcai jaaca, oveja mmaja, tancanodeda weinä jäconoje yäa sacrificioje cönnöi, soto jäcäichodocomoje. Ñanno Aaron nacoomo cuntuicho chäawä muunu, yäaque töwö cömmöjötöi äjaatoncadöiñe yäa altar. ¹⁹Yääje'mma yaawä tönwanno cänacäjötöicho toro catöjo'dö mmaja, iwenwaca chaatö tönadue naichö mmaja yäa chäwajucunu, chädedöjödö mmaja. ²⁰Tönwanno cönajoicho acäjötödöjödö waadöi, cunumichaicho yaawä iyojödö jaadä, ²¹yaawä Aarón cänñacwai chatö Altar dewä. Aarón cänewöiñai iyäa iyojödöjödö, jietö ewiñajöje yeichö wettä CAJIICHAANA WANAADI jetaca, Moise eänanontöichöje. ²²Yaawä Aarón tamädö cönnöi Soto wadädäine Ashiichato cönnöi chäjöcäiñe; yaawä töwö cänöi töjemönö eca'mma yäa conemjönö jäcänchödoto, töcanodeda weinä jöcänchodoto mmaja. ²³Yaawä Moisés, Aarón cänomomöicho töwejummatocomo taca. Cänejaicho dea yaawä, ashiichato cönnöcho dea soto jäcäiñe, yaawä ashiicha CAJIICHAANA WANAADI weichö cänönejo tamedä soto wäiñe. ²⁴Waato cänejacai CAJIICHANA jonno yäa töjemmö Altar dewä cönöjadö mmaja. Yaawä tamedä soto yäa cöneneato, toenwanno cänätömöicho cänöjeducho yaawä nonojo töjedöcomo tajojone.

10

¹Yaawä ñanno Aaron nacoomo, Nadab, Abiu mmaja, töwaadäiñe cönaajoicho iyä tönna'cwato'como, cönemjannoicho yaawä ya'cwadö wetä mmaja. Yä'jeje tönwanno aashichato cunu'a'to Cajiichana wwä iyä tödha'cwajönö, yawäane Wanaadi cömjo'mai tönecammajödö nonge'da yeijödö weijäcä. ²Yaawä Wanaadi cönnennojai wa'to chäwwadädäiñe, cönnatuicho yaawä mädäaje cönä'jajoicho Cajiichana emjatawä. ³Yääje mma yaawä Moises cönä'döa'cä Aaron wwä: "Edä Cajiichana tönecamma cönä'jacä töwö töwä'döe cönä'jacä: 'Aashichato je weichö weneejade ñanno ö'wwadädä ne'atodö wwäiñe. Mädäaje wademecatode tamedä soto emjatawäiñe.'" Aaron äne'cujä'töda cöneiyacä. ⁴Yaawä Moises cöna'dejaicho Misael, Elzafan mmaja, ñanno Usiel nacoomo, ñäädä Aaron wodö, cönä'döa'cä chäwwäiñe: "Ä'täcä sadä äjimmätoncomo madätäiye edä tabernaculo tacanno." ⁵Mädäaje tönwanno cönnejoto, iyä sacerdote womö'como awäiñedä, cönaadäicho yaawä yätonno, Moises necamma'jödö nonge. ⁶Yä'jeje, Moises cönä'döa'cä Aaron wwä ñanno inñacomo Eleazar, Itamar wwäiñe mmaja: "Äju'jädöcoomo mma tajoijoda männötä'che, äwomööcomo mmaja mänshichatä'che'de, ä'jajooda meichäiye yaawä, Cajiichana äjäcäiñe äätömada mmaja. Yawäane tamedä äjimmä'toncomo Israel ñancomo, aamojai naato ñanno waato que Cajiichana cömjajoichodö jäcäiñe. ⁷Yaawä änwanno ejaacajaicha maatode iyä Cajiichana Wanaadi wwä wa'detojo womontojo tai, ämajai aweichomjäcä, iyä aceite aashichato tödötojo ade'cäcäiñe tödö'e yeijäjäcä Cajiichana Wanaadi wwä." Mädäaje tönwanno cönnöicho Moises wwä tanonto'jocomo nonge. ⁸Yääje mma yaawä Cajiichana Wanaadi cönaadeuwöi Aaron wwä cönä'döa'cä: ⁹"Vino mma manentä'che aneeja tängemö jeiñe mma, amädä ännacomo mmaja, ñanno ajaadäncomo, yaawä owoomonga'jäcäiñe Cajiichana wwä wade'tojo tawä mädäaje ämaada aweichöcomo wetä. Edä na'de äwwäiñe tödö'emö je, ännacontoncomo wwä tödöemö je mmaja, ¹⁰mädäaje owaanäcäiñe yeichö wetä ñanno Wanaadi woija'como yoijemjöncomo mmaja, dhowanäcä yeichö wetä chäjadäncomo, chäjadä'da natoodö mmaja, ¹¹mädäaje owaanomadöcomo wetä tamedädä ñanno Israelita ñancomo iyä manontänä Moises nowaanoma'jödö Wanaadi nutuudu." ¹²Yaawä Moises cönä'deuwöi Aaron wwä, inñacomo Eleazar, Itamar wwäiñe mmaja, ñanno yä'cäjäcomo inñacomo: "Äjäächä mädä dhadöödö ucaa'jä aashichato u'ajä Wanaadi wwä, unmannä'catojoje'da äwashinchäcä yaawä iyä dhadöödö chänonge tödö'a'jä aca, aashichato u'tojo dö 'tä. ¹³Aashichato weichojo tacä oowashinchäcä'de, iyä Wanaadi wwäno ya'cwajä u'ajä aca, ännacomo mmaja, edä iyä Wanaadi yanontä'jödö äwwä ecammadö. ¹⁴Yääje mma yaawä iyä Wanaadi wwä u'ajä odocajato ödojödö, chetöjödö

mmaja, tänä'täcä'de inñataajato weichojo taca, Cajiichana wwänoje. Amäädä ännacomo dhanwacomo, wodiññamo mmaja tänäädö tujunne na iyä asu'caajä, äwwä u'ajä ännacomo wwäiñe mmaja, iyä dea jöönö Israelita wwäiñe u'ajä cönä'jadö jönö tancano'de'da weichojo. ¹⁵Iyä shetö'jödö, iyojödö'jödö mmaja, shatö'jödö mmaja eneejödö tujunne na, oimadö wetä Cajiichana je'taca. Edä yeichöje na'de äwwänoje, ännacomo wwänooje mmaja Cajiichana necammajödö nonge." ¹⁶Yäaje mma yaawä, Moises cöneccammajoi ñäädä cabrio jäcä, aashichato tödötojo conemjönö encwannojo tojo, yaawä töwö cöneedantäi tödha'cwa. Mädäaje töwö cönä'tömai Aaron nacoomo jäcä ñanno yä'cajödö inñacomo Eleazar, Itamar mmaja; Töwö cönä'döa'cä chäwwäiñe: ¹⁷"¿Ane'cotojo äwashinchäda maato, aashichato tödö'ajä conemjönö encwannojo tojo aca, mädä chänöngato tödö'ajä, Wanaadi nutuudu äwwäiñe aweconecato'como, mädäaje Wanaadi encwannojo tojo wetä oconenadiyöcomo? ¹⁸Ene'täcäma, ane'cänei imuunöi äñnejöda meiyaquene awe'jummatocomo taca, necammadö nonge owoshinchädö'como wetä. ¹⁹Yaawä Aaron cöne'cujä'töi Moises: "Meneeana, önnacomo wwäiñe aashichato tödödö, töconeenadiyöcomo encwannojo tojo, yäajeda edä anooto nejaadätäi yaawä jäcä. Yawäane edä anooto wäwashinchajäcä öwö, ¿Cajiichana nenedöje öwwä tödö'ajäcä aashichajeene eijai nä'janä? ²⁰"Moises iyä töwwä etaajäcä, ta'cwaiñe mma cönä'jacä yaawä.

11

¹Cajiichana wanaadi cönadewöi Moise wä Aarón wwä maja cönädöa'cä: ²Ecamma'cä Israelita nñancomo soto wäinñe: canno'nñanno tänämö odocajacemo äwöinñe tänäjai: matadö, tamedö odecajacemo edö nono dewä natodö. ³Änwanno tönöjai:mato nñanno odocajacomo chäjichäcamo tösan'cwuajöe natodö nñanno maja töwenadudu amenna'mo. ⁴Yaawäne, dhantai odocaja'como, töwenadudu como amennamo nädä chänjächócomo tösan'cwuajäe natadö mane, tänäjaicha mmato, nñanno odocajacemo camello nöngato, töwenadudu tame ye'ijäcä yawäne chänjichö tösan'cwuajöed'na yäje yeijäcä nosato mödä camello äwäiñe. ⁵Ñädä conejo töjuu decocono maja, täwanshiyö tönamejädö töwena'cua yeijö, yawöne chämjichä tösan'cuajöedana, mödöje nosoje na äwäiñe. ⁶Ñädä conejo, töwanshiyö töwennacuajö amenei yawäne ijudu emjichö tujuma'däna, nosajato mödä äwäiñe. ⁷Cushii, ijudu enjichö tuyumada, täwedatäjödö anameda töweichame maja, nasajato'je na äwäiñe. ⁸Änwanno tänäjoicha mata shunu'jödö, yämajä ajojojaicha'maja. Nosacamo'je yeijäcä äwäiñe. ⁹Ñanno na'cwancoomo tunaca natodö dhajösaiaja'como, shijä jacoomo maja canno yamedo tönöja; mato, dama caancemo tuna'cancoome maja. ¹⁰Yawöne tamedödö amodenäcamo nudä natoodö dajäsaijem'jönö como shijäjemjönö como maja , dama'cwua natodö tuna a'ca maja, töwäjimiche natodö maja tuna a'ca tadoiñe natadömaja änwanno imencajai mato. ¹¹Mödöje imencacomo tönöjaicha mato änwanno, yeejo imenca'como maja. ¹²Tamedö ñanno dajäsaijem'jönö como shijäjem'jönö como maja tuna a'cancomo imencajai'mato ¹³Canno tadinñamo imencajai mato canno tadinñamo 'mane tänä'jaicha mato jiyana, cadacadii maja, ¹⁴ñayudi maja falcon maja tamedä yeichö wacä, ¹⁵tamedä ñanno chätajö tönönnamo, ¹⁶uwau maja mödoo maja, cacubetadi maja tamedö jiyana weichö äñene. ¹⁷Änwanno maja enmencajai matodea jiyana shim'mnacomo'cä weichö jiyana adaijoto maja dimushi maja, ¹⁸jiyana tajetedato aneja jiyana weichö maja ñädä ye'ja shacwuanei, ¹⁹cashudajo maja ajisha mödö maja dede maja. ²⁰Tamedö canno odocojacomo dötäcäine nötäjäatodö imencajaimato. ²¹Yäaje ye'chame änwanno tänäjai mato tadiiñe natodö töwajojima natadö maja acäichea ijudu camo natodö maja canno ijuducamo yajanöntocomo'je nadö, nano dewä. ²²Tänä'jai maja mato'dea canno cödatai shidishidi maja cädatai shiminñacomo'cä. ²³Yawañe tamedä ñanno cashishi tadiñacomo acäichea'como ijuducamo emencajai mato. ²⁴Änwanno nosaje matode töcomannojane canno odocojacomo ajojajä'cäiñe. ²⁵Ñädä mmädä najoja'dä töwoomö chocajaiña mädäje nosaje töwö naade töcomannojone. ²⁶Ñanno odocaja'como ijuducoco tösan'cwuajadanñe nadö töwenatajödö ameneijönö maja nosajeenñe natode äwäiñe. Ñanno najojatodö nosaje natode. ²⁷Tamedö ñanno odocajacomo tänjiichacamo ñomannöato'dö acäichea ijuducamo , canno nosaje natode äwäiñe, ñädä yämajö najojadö nosaje nade töcomannojone. ²⁸Tamedö ñanno yöja'como amunnamo töwomö'coma chocajai nato mädöje ñanno nosaje natode töcomannojone. ²⁹Canno töwenöca'como wötädö öwöiñe nasaje nade: topo maja asäcä maja temedä yeichö wacä macashana adaijoto maja, ³⁰comucumudi maja waducu maja macashana maja äcäyu maja yamanadi. ³¹Tamedö ñanno töweño'cacom que wötädö äwäiñe nosaje nade. Aneja'mädä maja yämajä equejödö ajoajö'cä chamomödö jonane nosaje na. ³²Aneja wömajö'cö, chöjöcö yeyadöa'jöcö maja nosaje nade de'e tödöajö ye'chame maja, janñu maja jiiä maja ishacu'mödö majanyeichö woije äwätujenne naadö tuna'aca tödödö yeichö tujunne'na töcomannojone nosaje yeijö'cä mädöje necocade. ³³Tamedö cancuduu nosaje nade yaawä dhaca maja ye'cäcä maja äänene nasajato yecäcä yejuca'jäcämaja cancudu'cäye'chame nosaje nade yöje yeijöcö cancudu chanemajai mato. ³⁴Tamedö öwanshi nosajenjono inconecadö untudu maja, yaawäne nasajaato tuna yejucajö'cö nosaje nade. ³⁵Tamedö odocaja'to equejödö weducajä'cä nasaje'na yawä asucatajo dewä maja jadancana maja imojojai maja matodea nosaje yeijö äwäiñe. ³⁶Tuna wetojo, önadö'como ewötö jenñema inataje yeichö tujunne'na nosajate weducadöquenñe dhaca yaawä odocaja'to equejödö ajojajäcä tunaca nadä nosaje'na. ³⁷Aneñaja maja odocaja'to equejödö wejuca'jäcä ñatötajö dewä nosaje'na yawä, mädänatötaja nosaje'na yawä. ³⁸Yaawä dhadödö tuna a'ca tödöajä'cä, nosajaato wejucajöcömaja, nosaje na, ³⁹Ñädä odocaja'to töweichacono wämajä tänänei nämade äquejö wämajö maja nosaje na töcomannojone. ⁴⁰Ñädä äquejö tänänei töwomö chocajainä, nosaje na yawö töwö töcomannajane. ⁴¹Tamedä töwenöcacomo wätädö ätänäjaicha na. ⁴²Ännene töwenö ca'coma wötädö maja äcöcheacomo ijuducamo maja wannacomo canno tamedö adocajacomo töwenöca'como wötädö majo tönöjaicho matö. töja'amaje yeijöcä. ⁴³Önwano jedea ecodonjaicha mato töwenöca'como wötädö como'que mödöje'maja nosaje matode. ⁴⁴Öwö ñädä cajichana Awanaadiyö, änwanno ashichato tödödö'jedea eichäcä yaawä onwanno ashichato tödödöje'dea echäca, yaawö onwanno ashicha'mato, ashichane wejijä öwö, änwanno

econemajaicha maato odocojato nono dewö nadö que.⁴⁵ Acajichanaichamo öwö Egipto ñanno nonodö dewono adhenejoneichomo'jödö yäje yeijäcä ashichatoje eichäcä ashichataje wejäcä⁴⁶ Edää yä wanantänä odocajacomo , tädinñacamo, tamedä nacucwancomo, tamedä töwenöcacomo wötädö maja.⁴⁷ Imencadöcomo wetä ashicha como deama conenjönöcomo jonnoiñe nudö'como tänämö'je natadö maja.

12 ¹CAJICHANA WANAADICÖNÄDÖ'ACÄ Moises wää: ²Adhadeucwäde isaadaedita'como wañe edöi'je öidöcöi'de. Woodi wendutajöcä iñedö'cä dhanwa wennua'jacä, Töwö woodi nosaje nade acä amojato anoto'cwacä, nunä wadäi munuje woodi weichawa' nosaje töweite naichö nonge a. ³Yawä aduwawä amojato anotoi shichucä jocono ji'jä acä'tädö tujunnena.⁴Yawä ñädä yenö yeco'ca'dö tujunnena munuje töweichö wada'dädä aduwawä toni soto dewa amojadä aduwawä anoto c'wacä. Töwö ajo'ja'chana tamedä ashichato tödö'ajä, omonma'ja'chamaja nadea wanaadi weichogo ta'ca töwe'cocadö anoto watamedö c'wacä. ⁵Yawä'ne iñedö wennuajäcä woodichä, nosaje töwö woodi teichojo'na amojato dewä acäi'chea semana, munuje töweichö wadadodoto nonge, yawa yenö weco'cadö tujunnena aduwawo sototo amojadäto dewä toni amojato anoto.⁶Yawä teco'ca'dö anoto watameajäcä, dhanwacä iñedö jäcä'chädä woodi iñedö jäcä'chädä maja, töwö enejaiña yawä oweja toni weduto täjeda ya'cwato'jo dame ädöwocä maja täjeda utudu wetä chonenadiyö ejemotojo'je yää wanaadi weichojo natata'jo ta'ca sacerdoti döña.⁷Tawä töwö CAJICHANA WANAADI jetaca nuade, níchö'cojade töwö neco'cade munu'je töwei'je, mädä tää wanontänä ñädä woodi tönnedö dhanwa'cä, woodi'chä enunchareijödö jäcä tädödö. ⁸Tawä töwö woodi ejemajaicha teitajäcä oveja nedöcä, töwö adöjai'ña tawa acä macanacä acä ädöwo maja toni täjeda töda'cwamö toni mane täjeda utudu wetä chonenadöyö ejemotojo'je mädäje ñädä wanaadi wä töwade'wemö ni'cho'cajade nosaje te'ichö janno yää ñädä woodi nosajenade.

13

¹Cajichana wanaadi cönadewö Moises, Aarón waiñe cönädöacä: ²Aneja täweije yeiyajäcä chäjö yawoajä, yätunuchäjödö yejöajä jenñemma, chunnuajä ieenñemma töwotodoantä yeiyajäcä, cädä, cädäi töweije mmaja chäjö jäcä adädö tujunnena Aarón döina ñäädä wanaadiwwi töwadewmö edhajätocoomo, inñacomo wadädä jeinñema ñanno wanaadi wää töwadewadeuwamo.³yääjewe wanaadiwä töwadewemö nemencode chäjöjäcä chädäichö naadö yää juu chäjöjocono tajedede yeijaiäcä cädäi söje yotodonontajä, yääjeje i yajäcä chäjöjäcä, cädäi töwäjöncatojena yawwä. yääjeje wanaadiwä töwäjöncatojena yawwä. Yääjeje wanaadiwä töwadewemö tämmenajäcä, töwö yäacammadö tujunnena nosoatoje töweichö ⁴yää chunnujääjä täneto chäjöjäcä nuandö tajedede yeiyajäcä, sojeda yänedö yeiyajäcämmaja chäjöjäcä, yää juu tajedede ädöda yeiyajäcämmaja wanaadi wää töwadewemö tudäje tödödö tujunena chäwwä soto jonoinñe acä amajato anototo cwacä.⁵Acä amojato anototo ai, ñädä wanaadi wwä töwadewemö nemencadea yaawä chädäichö enedö etä chäwwä joojecä chädädöe yeichö mmaja. Ächädäjemma edantajäcä yawwä, ⁶wanaadiwwä töwadewemö necammade yawwä nosajemjönöje yeichö töwäjöchötä yeichö yänamjödödö wejäcä chunnujötödö cadäjatöjödö töwomö chocadö tujunnena yaawä mädäje töwö nosada yeichojo na yaawä⁷yadaquene chunnuajä dhaimmaja yämencatajäcä chäjöjäcä, nossajeda töwäcammajödö yeichame wanaadi wää töwadewemö wwä töwö öchädö tujunne nadea eduwa dhaimmaja wanaadi wää töwadewemö döña ⁸Wanaadiwää töwadewemö ennencadö tujunnena ñäädä cadäjatö enedö wwetä chäwwä chunnujötödö töwämencatä yeichö chäjöjäcä. Töwämencatä edantajäcä wanaadi wää töwadewemö ecammadö tujunnena yawä sooto waiñe nossajatoj ñäädä yää cädäi töwäjöncato yeiyajäcä, adädö tujunnena ñäädä wanaadi wää töwadewemö wadädä.⁹Anejajäcä yää cädäi töwäjöwadewemö wadädä wanaadi wää töwadewemö wadädä ¹⁰wanaadi wää töwadewemö nemenca yawä ñäädä cädäijato enedö wetä yawoajä tajedede yeichö chäjöjäcä, yawaajäcämmaja yätunuchäjödö. ¹¹Töweije yeiyajäcä yawä, cädäi äjöjä emanei yää, yäjejeiya'jäcä wanaadiwä töwadewemö ecammadö tujunnena yawä soto wainñe no'sajatoje ñäädä yeichö. änsancajoda töwö na sooto jonoinñe nosotaje töwö ecammajä yeiyajäcä.¹²Wanaadiwää töwadewemö jooje edantajäcä chäwä yää cädäi yämencatajä shijäjäcä shijäjäcä shujää joconno ijudujona tödöjone, ¹³wanaadi wää töwadewemö emencadö tujunnena yawää ñäädä cädäijato enedö wetä chäwää yää cädäi töwemecantä yeichö chäjö wadadädä. yawää töwö ecamajaiña nosajemjönöje yeicho Nosajemjönöje töwö yeichojojena yawää cadäcä ¹⁴yawää mmame chäjöjäcä chunnuajä yejacajäcä towö chojäcä, towö nosajena yawää. ¹⁵Wanaadi wää töwadewemö enedö tujunnena chäjö jeicä chunnuajä nadö ecommadö tujunnena yawää häjö jäcä chunnuajä nosatoje yeicho mädä yää cädäi töwäjöncato. ¹⁶Yanaadi wää töwadewemö döña. ¹⁷wanaadi wää tödödö yeijäcä chawää wanadi wää töwadewemö necamma sooto nosajemjönöje. ¹⁸Yawää sooto tucunnojoatoje yeiyajäcä chäjö jäcä ächeidä yädöajä, ¹⁹tucunnojoato chäjäcä yeiyajäcä töwawojoato tajededato jenñemma, chunnuajä tänetoje yeiyajäcä mmaja enejödö tujunneca yawää Wanaadi wää töwadewemö wää. ²⁰Wanaadi wää töwadewemö nemenca yawää enedö wetä chäwä söje yeichö ijijä'jäcä, ijotö tajedede töwädöe yeichömmaja. Yä'je tödödöjo Wanaadi wää töwadewemö necammade yawää nosatoje yeichö ñäädä cadäijato cädäi töwäjöncato chäjäcäna, chunnujätödödö döta yejacajä yeijäcä. ²¹Yawääne Wanaadi wää töwadewemö emencajäcä ijo'tö tajedede edantajäcä yawää, jooje ejamöda mmaja ijijäcä, Wanaadi wää töwadewemö nishancwajade yawää acä amojato anototo cwacä. ²²Jooje yejañajä yeiyajäcä shijäcä, Wanaadi wää töwadewemö necammade nosajatoje yeichö yawää. ²³Yawääne chunnujätödö yäätädä yeiyajäcä ejamödamma Wanaadi wää töwadewemö nosajemjönöje ecammadö tujunnena chäwä chunnujätödömma yeijäcä. ²⁴shijä dhatuajä yeiyajäcä jooje yawää shunu seweciche tödöjone tajedede jeneñemma ²⁵Wanaadi wää töwadewemö nemencade yawää ijo'tö tajedede töwädöeatooje yeicho enedö, söje yeichö enedö mmaja shijäjäcä. Yääje yeiyajäcä cädäi töwäjöncatoje yeichömmädä yawää yatujudu jäcä yejanajää yeiyajäcä wanaadi wää töwadewemö nasajatoje necamma

yawää cādäi tōwājōncato chājācā yeiyajācā²⁶Yawääne Wanaadi wää tōwadewemö emencajācā tajedede ijōtō ädōda yeichō edantajācā, shijā jācā yeichō towatamemma, Wanaadi wää tōwadewemö shancwajodō tujunnena yawää aacā amojato anototo cwacā²⁷Aacā amajato anototo ai Wanaadi wää tōwadewwemö emencadō tujunne nadea yawā tōwotodonāntā enejācā shijā jācā Wanaadi wää tōwadewwemö necammade yawā nossajatoje yeichō cādäi tōwājōncato chājācā yeijācā.²⁸Yadaquene otodonontāda yeiyajācā, tōwatamemma yatameajā, yatujudu wawoajāmma yāā yawā, yāje yeijācā Wanaadi wää tōwadewwemö ecammadō tujunnena yawā nossajeda yeichō yatujudujemma yeijācā.²⁹Aneja dhanwa wodi jenñemma cādäi tōwājōncato tōweiye yeiyajācā shujājocomo jācā chātamujotōcomo jācā jenñemma,³⁰emencadōcomo tujunnena yawā chādāichōcomo Wanaadi wää tōwadewwemö wāā, enedo wetā chāwwā jooje yeichō, ijo'tō cōnoto acōdōje yādōajā yeichō. Yāje yeiyajācā, Wanaadi wāā tōwadewwemö nossaje yeichōcomo, tōshiato cādäi yāā, shujādō como jācā naadō chātamujatōjācā jenñemma.³¹Wanaadi wāā enmencajācā yāā cādäi tishiato, enejācā yawā chāwwā iijā jācā ätādā yeichō, tujuqueda yeichō mmaja, Wanaadi wāā tōwadewwemö nishancwajade yawā soto cādāije naadō aacā amojato anototo cwacā.³²Wanaadi wāā tōwadewwemö aacā amojato anototo ai emencadō tujunnena yāā cādäi tōwāmecantā yeichō. Ijotō cōnātacōdōjato jeda chājācā yeiyajācā yāā cādäi shijā jācāmma yejacajā yeiyajācā,³³tōcadō tujunnena yawā shujādō yāā cādäi naadō dōtāmma tōcada, Wanaadi wāā tōwadewwemö shancwajodō tujunnena yawā aacā amojato anototo cwacā mmaja.³⁴Aacā amojato anototo ai Wanaadi wāā tōwadewwemö emencadō tujunnena yāā cādäi yamencatajā tōwedenna yeichō chājā jācā. Sōōje ejacada yeiyajācā chājō jācā yawā Wanaadi wāā tōwadewwemö necamma nossajemjōnōje ñāādā soto tōwomō choccadō tujunnena mādāje nossajeda na yawā.³⁵Yadaquene yāā cādäi tōshiato yāmecantajā adaijā yādōajā yeiyajācā chājōjācā wanaadi wāā tōwadewwemö nossajeda etājōdō yeichame,³⁶yāje yeiyācā yawā Wanaadi wāā tōwadewwemö emencadō tujunnena dhaimmaja. Yāā cādäi tōwāmecantā yeichō chājō jācā, Wanaadi wāā tōwadewwemö uuijyachana ijotō cōnotacōdōjocomo wadāi. Ñāā soto nossajato.³⁷Wanaadi wāā tōwadewwemö emjatawā yāā cādäi tōshōato tōwedenna yeiya jācā yāmencatādō ijotō judumatō tōwatana yawā yeichojo dōtā, yāā cādäi tōwājōchōtā na nossajemjōnō towō. Ñāāda Wanaadi wāā tōwadewwemö nossajemjōnōje necamma yawā.³⁸Dhanwa, woodi jenñemma chunnujoajā tajededato yeiyajācā chājō jācā,³⁹Wanaadi wāā tōwadewwemö emencadō tujunnena yawā ñāādā cādāijato enedō wetā chāwwā chunnuaajā tajedede yeichō āneda, shijā jocono chunnujotōdōmma yeijācā. Towō na yawā nossajeda.⁴⁰Soto jujādō tōwāme yeiyajācā, tōdejushe yeichōmma mādā yawane, nossajeda mmane yawā.⁴¹Shujā tōwāme yeiyajācā ijecaichō ejodhenō, tōjecaiche yeichōmma iyāā, nossajeda tōwō na.⁴²Yawāne chunnuaajā seweichato tōweiye yeiyajācā tōdejushe yeichōjācā, ijecaichō jācā jenñemma cadāi tōwājōncato yāā yawā yejan'ajā chājācā.⁴³Wanaadi wāā tōwadewwemö emencadō tujunnena ñāādā cadāijato, ennedō wetā chāwwā chādāichō yawoajā shujā jācā shecaichō jācā jenñemma cādäi tōwajaiyato ājōjocono nōnge yeichō.⁴⁴Yājeywiyajācā, cādäi tōwajaiyatoje yeichō mādā, nossaje tōwōna yawā. Wanaadi wāā tōwadewwemö nossajatoje ecammadō tujunnena soto wainñe ijujā jācā chādāichō yeijācā.⁴⁵Ñādā soto dhunnuaajā ja'no chādāichō yomō yeshijā'ajā eijaiña, shuuja tōmōeda maja, tōjedō adujaiña tānnadōmaja, nichā tōmjā'a yawā nosajato, nosajato.⁴⁶Anoto wadai chādā'chō chunnuaajā chājācā yeiyajācā nosaje'na. Tōwō nosajena yawō chādā'chō āmecantajai yaijacā tōwō tōjācājene ejaiña yawā mādāje tōwō yāā jata wonno tājai'na yawā.⁴⁷Yāō womo wecodonñajācā cādäi ājichōtājōnō que, yomō iji'jā tōdōajā maja, womōtājeto maja,⁴⁸atanwaca tōdōjāajā daanā tōcāajā maja womō tājeto maja, iijā maja iji'jā que tōdōjāajā maja⁴⁹yāā yecodonñajā tōweiye yeiyacājā sheene seweiche maja womo jacā, iji'jācāmaja imiajā jacō maja tōca'ajā maja anejanmādā iji'jāque tōca'ajā maja, cādäi ājichitājō'nō que tōwecodonñana, wanaadi wono wadeuwōdō dōiña enejodō tujunema.⁵⁰Ñādā Wanaadi wono wadeuwōdō emencajāñai yawā tomedā wono womo tājecomō plaja'je yeiyajācā, tōwō tundāje tōdōjaina yawā yōā plaga jano acā amojadā anoto.⁵¹Dai maja tōwō emencajainade'a acā amojadā anoto, yāā wāmencantajā tōweiye teichō womo'ca tōcāajā daana tino maja iji'jā maja anejammādā iji'jācā tōnnōe madō maja, tāā ajichōtājōnō cādäi conemaneije'na tamedō tāā mōsoma'como nosaje na.⁵²Tōwō yāā mōsoma'comno ya'cwajai'na yawā, yāā maja tōcāajājā dana maja tino maja iijā que tōdōjāajā maja yāōcomo aca edantajācā plaga chonmmannamo, chādā'chajaiña yawājaima yawā.⁵³Ñādā Wanaadi wā tōwadeuwemö emencajaina yawā tamedā mōsoma, nenea yawā plaga wāmencatajā tāā misoma jāca tomedā yāā tōcājā ajā womō shoajājō maja lino maja tamedā tāā iji'jā tōdōjāajā,⁵⁴mādāje tōwō nanontato cho'cadōje yā mōsoma'como yāā cādäi ajichōtānōje, mādāje tōwō tō'dāje tōdōjai mato acā amojadā anoto dewājene.⁵⁵Mādāje ñādā Wanaadi wā tōwadeuwemö emencajai'na yāō mosoma chocajojo'je. Ñādā plaga imendu ecamjiacada teitajācā, amecāntada teichame, nosaje dea'na, yāā mōsoma ya'cwajaiña yawā, conedada plaga que yecodoiñajā yeichame.⁵⁶Tōwō Wanaadi wā tōwadeuwemö emencajācā yāā misoma nenea imendujeda teichō cho'cajojo'je, mādāje tōwō shichajaiña yāā mōsoma iji'jā'como muja tamedā tōcāajājā maja.⁵⁷Chājācāiñe tōweiyeidea yeiyajācā plaga, tomedā tōcāajājā imijāajā mada tāā iji'jā tōdōjāajā maja wōmencatāñaje teitajācā, amādā majai'ma tawā mōsoma plaga jano.⁵⁸Yāā mōsomacomo, tōcāajājā, maja iijā tōdōjāajā maja ōwā cho'cājācā tamedayāō plagaje yeichō neco'ca, mādāje acōde eco'cājājaina tawā nosajeda na yawā.⁵⁹Mādā yāā wanontāna plaga jācā teichō tāā misoma dana lino maja tamedā tōcāajōja iijā tōdōjāajā jācā, mādāje ānwamno mecāmājatāiyede noseda yeichō, nosaje yeichō maja.

14

¹Yaawā Cajjichaana Wanaadi cōnadeuwōi, Moisés wwā, cōnā'dōaacā: ²"Soto cādāijato weccatoojo anotoichādaawā, edāāje waanontānā na'de. Tōwō ene'jōdō tujunnena Wanaadi wwā tōwa'deuwemö wadāādā.³Sacerdote neja'ca'de campamento acanno, ñāādā soto ene tōwe'jōe yeichō ene, yāā chājō jocono chādāichō.⁴Yā'je sacerdote deea

necamma'de, ñäädä yecocajä wwä, aacä tadinñamo nossajemjôncomo ajäi'chojo, maduudaimä que tauda döaajä mmaja, jacuudimmötö seweichato mmaja, hisopo mmaja. ⁵Yaawä töwö sacerdote tooni tadinñemö naminñä'caja'de, ashichato tuuna ejodhe, yää tuuna ewöötö, nono amode'naajä ejoodhe. ⁶Sacerdote najäiya'de yaawä tadinñemö nudooto, madudaimä que tauda döaajä mmaja, jacuudimmötö seweichato mmaja, hisopo mmaja, tamedäädä mädäcomo töwö newaaca'de, tadinñemö nudooto jadä, tadinñemö aquiyo a'ca, ñäädä cönaminñäcaichö tuuna ashichato ejoodhe. ⁷Yä'jeje sacerdote yää tuuna nencushinma'de acä amojato tödödö'cäcwa'cä, sacerdote necamma'de yaawä töwecocca yeichö ñäädä soto cädäijato. Yaawä sacerdote ta'dinñemö nudooto nunmichade jödoodo awä. ⁸Soto weccanääje naadö, tamedä töwö nichocajä'a'de yaawä, töde'caiche tuju'jadö nöca'dede, tuuna aca ne'jiya'dede, mädäaje töwecocca töwö yechojoona. Campamento aca ne'a'de töwö soto, yaawä mädä tödö'jeje, yääje yeichaame aacä amoojato anooto, tömmaichaca'da na'de. ⁹Aacä amoojato anooto wejädätä'jeje, töwö töde'caiche tuju'jadö töcaadö tujunnena, tätamu'jatö mmaja töcaadö tujunne naadea, tämöösa'jotö mmaja. Tamedä tuju'jadö chäwwä töcaadö tujunnena, tamedä töwöomö chocajäätödö mmaja tujunne naadea, tuuna aca ye'jöyö mmaja; yaawäane töwecocca töwö ye'chojoona. ¹⁰Aacä amoojato anooto weja'dätä'jeje töwö najäiya'de aacä oweeja nacoomo'cä dhanwacomooodea nossajemjôncomo, tooni oweja nedö'cä wodi tooni weduto nossajemjôn, tooni amoojatooto de'wä toni oneeja'jödö'cäcwacä harina täjeto chatöque oimajä mmaja, dhadöödö täje'da tu'emöoje mmaja, tooni canncudu chatö yei'jödö mmaja yaawä. ¹¹Tamedäädä mädäcomo dö'tä, sacerdote nanömja'de ñäädä soto töcocaamö, Cajiichaana Wanaadi dö'tä, yää Wanaadi weichojo nata'tajo. ¹²Sacerdote najäiyade tooni oweeja nnedö'cä dhanwa täjemjönöoje utuudu wetä conemjönö encwanno'jotoojoje, chaatö cancudu acaano jadä; täjemjönöoje nu'a'de töwö tamedä Cajiichaana Wanaadi wwä tamäädöque e'winñancädä. ¹³Töwö naminñäca'de oweeja nedö'cä dhanwa, aminñäcatoojo döaajä dö'tä täjemjönö Wanaadi wwä u'tojo de'wä conemjönö encwanno'jotoojoje, täjemjönö Wanaadi wwä tödha'cwa tödöotojo de'wä, Wanaadi weichojo'dodoi aca töweiyä cönä'ja'dö aca, sacerdote weichojojeene täjemjönö u'ajä yeiyajä yää cone'nadi encwanno'jotoojoje tönaadä cönä'ja'todö, aashichaatoje yeijäcä. ¹⁴Sacerdote najäiyade she'casa'cä oweeja nedöcä aquiyo, yää täjemjönöje u'ajä cone'nadi encwanno'jotoojoje, soto töwecoccamö janaadö jotöödö de'wä tödöödö wetä töwwä, dhamäädö dhadaadö umö ämu'demjönö de'wä tödöödö wetä, i'judu dhadaadö umö ämu'demjönö de'wä tödöödö wetä mmaja. ¹⁵Yaawä sacerdote chaatö cancudu acaano najäiya'de tamäädö dhadaadö ämu'dato de'cäcä accadö wetä töwwä, ¹⁶tamäädö dhadaadö ämu'demjönö dö'seenoque niijya'de aceite aca yää ämu'dato tamäädö dhadaadö que tónaajäcchö, tamäädö dhadaadö que nencushiima'de yää chatö acä amojato'cä cwacä Cajiichaana Wanaadi dö'tä. ¹⁷Yaawä sacerdote chatö acoijä tänwawä nadöque, soto töwecoccamö janadö jotödö dewä nödöade, dhamädö dhadaadö umö dewä, ijudu dhadaadö umö dewä'mmaja. Oweja nedöcä aquiyo täjemjönöje uajä, conenjönö encwanno'jotoojoje ejodhe, nödöade töwö yää chatö. ¹⁸Yää chaatö acoijä yäadetö'jödö sacerdote enwawä naadöque, töwö soto töwecoccamö ju'jä de'wä nödöa'de, sacerdote dea täjemjönö nu'a'de soto cone'nadiyo encwanno'jotoojoje Cajiichaana Wanaadi dö'tä. ¹⁹Yaawä sacerdote nu'a'de yää täjemjönö u'ajä conemjönö encwanno'jotoojoje, mädäaje nencwannä'jaja'de töwö choonenadiyo, töcocca yeichö wetä yaawä, nossaje yeichö jonno, yää'jeje täjemjönö nu'a'de odoocajaato ya'cwadööque. ²⁰Yaawä sacerdote dea täjemjönö nu'a'de, odoocajaato ya'cwadööque, chääjedöödö ya'cwadööque mmaja, täjemjönö u'tojo de'wä. Wanaadi'wä töwa'deuwemöödea, täjemjönö nu'a'de, soto cone'nadiyo encwanno'jotoojoje, mädäaje töwö töcocca yeichojoona. ²¹Yaawäane', soto a'cato yeiyajäcä'maane, tamedä täjemjönö u'tojo, ejeematojo'je'da jenñenma, töwö adäajai ña yaawä, tooni oweeja nedö'cä dhanwa, täjemjönöoje tu'emö, töconenadiyo encwanno'jotoojoje, yää u'meancädä tönnöe cönäjatodö, aaduwaawä onejajödö'cwacä harina aashichaato we'chö chaatö jadä oimaajä, trigo adöödö mmaja, tooni oneeja'jödö'cwacä yää chaatö, ²²aacä macaana jadä aacä jaduuma yanwaichadööcomo'cä jenñenma, töwö ejoodöjai yeichö woije; tooni tadinñemö u'ajä cone'nadi encwanno'jotoojoje na'de, tooni'chene yaawä ya'cwadööque. ²³Aaduwaawä amoojato anooto wejädätä'jaje töwö Wanaadiwä töwa'deuwemö wadäädä eneejödö tujunnena töwecoccadö wetä, Wanaadi we'chojo nata'tajo Cajiichaana Wanaadi dö'tä. ²⁴Wanaadi wwä töwa'deuwemö najäiya'de oweeja nedö'cä täje'da tu'emöoje, töwö dea najäiya'de tooni onejajödö'cwacä odiwo catö, töwö nannä'a'de yaawä cajunñadäädä täjenjönöoje utuuduje Cajiichaana Wanaadi wadäädä. ²⁵Oweeja nedö'cä töwö naminñä'ca'de täje'da tu'emöoje conemjönö encwanno'jotoojoje, töwö najäiya'de oweeja nedö'cä aquiyo soto töcocaamö janaadö jotöödö ämu'demjönö dö'se tödöödö wetä, dhamäädö dhadaadö umö'jödö de'wä tödöödö wetä, i'judu dhadaadö umö'jödö ämu'demjönö dö'se tödöödö wetä mmaja. ²⁶Yä'jeje sacerdote tamäädö de'wä ämu'dato dö'se nacca'de chaatö she'caasa'cä, ²⁷nencushiima'de yaawä töwö tooni tamäädö dhadaadö ämu'demjönö dö'seenoque aacä amojato'cwacä Wanaadi dö'tä yää chaatö tamäädö ämu'dato dö'seenoque, tamäädö ämu'demjönö dö'senno tónaajäichö que. ²⁸Yaawä sacerdote soto töwecoccamö janaadö ämu'demjönö jotöödö de'wä nödöa'de chaatö tamäädö de'wä tónajäichö que, dhamäädö dhadaadö umö'jödö ämu'demjönö de'wä nödöa'de, i'judu dhadaadö umö'jödö ämu'demjönö dö'se tödöödö wetä mmaja, tamedä täjemjönö tuntu'jödö taquiyatooque dö'tä nödöa'de. ²⁹Töwödea naccade yää chatö acoijä tamädö dewä tónajä'chöque soto töweco'camö ju'jä dewä chonenadiyo encwanno'jojodö wetä yawä wanaadi'wä. ³⁰Wanaadi wwä töwa'deuwemö dea täje'da nu'a'de aacä jaduuma yanwaichadööcomo'cä, soto töwecoccamö nejodödö woije, ³¹tooni täje'da nu'a'de conemjönö joojato encwanno'jotoojoje tooni'chene nu'a'de täje'da u'ajä tödha'cwaamöje, dhadöödö ene'ajä jaadä yää täje'da u'ajä. Yä'jeje sacerdote conemjönö encwanno'joja'de töwecoccamö jäcä Cajiichaana Wanaadi wwä. ³²Edä yää wanontänä ñäädä cädäijato töweewomaato chäädäichöje naadö iji'jä jäcä wätä'se'tatoojo, ñäädä täjemjönöoje tu'emöoje Wanaadi wwä ejoodöjai'cha naadö töweco'ccatoojo. quee cönä'döaacä Cajiichaana Wanaadi. ³³Cajiichaana Wanaadi cönä'deuwöi chea Moisés wwä Aaron wwä mmaja, cönädöacä. ³⁴"Canaán ñano nonoodö ca äwäädöa'jäcäiñe yää onoonodöocomooje

wu'nedö aca, cädäi äjuunucoomo chäädä'ñānei ejannā'ca'jācä öwwä ämmaichomooca onoonodöocomooje wu'nedö aca anaamadöocomo,³⁵ yaawä ñäädä yāa mmaa edhaajä yeejödö tujunne na sacerdote wwä eamma. Edäje yädödö tujunne'na: 'Cädäi soto ji'jä chädä'ñānei ye'saca töwä'döe nöchö'ta'. Quee yä'dödö.³⁶ Yä'jeje sacerdote naanonta'de yeeja'caadöocomo wetä chäwāññe, yāa ä'sa acanno cädäi soto ji'jä chädä'ñānei eneedö tö'wä owajo, yāa ä'sa acancomo cädäichadöocomo quenñe. Yä'jeje sacerdote womomödö tujunnena yāa ä'sa aca.³⁷ Töwö jää'judu enmencadö tujunnena cädäi soto ji'jä chäädäi'ñānei töweije ye'chö eneedö wetä, jää'judu de'cäcä sheene yeichö enmencadö wetä, seweiche yeichö enmencadö wetä jenñenma.³⁸ Cädäi soto ji'jä chädä'ñānei'je yeichö yāa maa edanta'jācä chäwwä, yāa ä'sa a'dudu chäwwä tujunne na aacä amoojato anoototo'cäcwa'cä.³⁹ Acä amoojato anoototo ai sacerdote nennaca'de yāa cädäi soto junu chädäi'ñānei töweejange yechö eene jääjudu jächä inmaichomo jächä.⁴⁰ Töwwä edanta'jācä soto junu chäädäi'ñānei töweije yeichö, sacerdote naanonta'de tä'ju jääjuduje tödöajä u'cadö yāa cädäi jano emaadö wetä yaawä jata tö'cäi nossajaato töja'tojooca.⁴¹ Määdäje deea töwö nicho'caja'de tameedä jääjudu, cho'cannamo'jödö dea yāa cho'cajödö nöja'aato'de yaawä tameedä no'sajato, jata tö'cäi, no'sajato töjatojooca.⁴² Chäwwäiññe amuucudu tujunne na yaawä, aneeja täjucomo, awade'como'jödö wei'jödö dö'tä ajoijootödö wetä töwwäiññe, määdäje mmaja jääjudu amäädö tujunne nadea, chäwwäiññe, aneja nono aashichaato que.⁴³ Yäädäje yeichaame, yāa maa aca cädäi waajanta'jācä mmaja yaawä, yätä täju ashichacomo tödöojätö'jödö dö'tä, jääjudu tödöeenö jächä yaajanta'jācä jeiñenma,⁴⁴ sacerdote nomonga'de yaawä maa taca cädäi soto ji'jä chäädäi'ñānei töweejange yeichö ene. Töweejange edanta'jācä, cädäi äjichö'täjäönöje necamma'de töwö, nossaje ä'sa weichö mmaja necanma'dede.⁴⁵ Yäädäje yeijäcä, yāa maa ema'jödö tujunne na. Tameedä jääjuduuje tödöajä, tä'jucomo mmaja, tauda'como jenñenma, töjaajödö tujunne na jaata töcäi, no'sajato tö'jatojo aca.⁴⁶ Määdäje mmaja ñäädä, ä'sa nossajaato aca nomom'gaadö, ta'duque yeichame, töweecodoiña yeichojo na cho'mamjai yä'dödö joonane.⁴⁷ Töwoomöcoomo chocajäätödö tujunne na, ñäädä, yāa ä'saca nönö'caadö wwä, määdäje mmaja ñäädä yāa maa aca nääwashinchaadö, töwoomöcoomo chocajäätödö tujunne na dea.⁴⁸ Ta'duque ä'sa yei'jeje yāa maa aca sacerdote womonga'jācä, yāa cädäi soto junu chäädäi'ñānei töweejange yeichö ene, cädäi je'da yeichö edanta'jācä yaawä chaaca, nossaje'da yāa ä'sa töwö necanma'de.⁴⁹ Määdäje mmaja yaawä, sacerdote nichocca'de yāa maa, acä tadinñemööque, madudaimä tauda amodenajäque mmaja, jacudinmötö seweichatoque jeiñema, hisopo que mmaja.⁵⁰ Aasichaato tuna e'joodhe naminñä'ca'de tooni tadinñemö.⁵¹ Määdä tödö'jeje, tadinñemö aquiyo tuuna que tönoimadö aca newaaca'de yaawä, tauda madudaimä döajä, hisopo, jacudinmötö seweichato, toni tadinñemö nudooto, määdäque jeene aacä amoojato tödö'jödö nencushima'de yaawä yāa maa.⁵² Töwö nichocca'de yāa maa, tadinñemö aquiyo que, tuna aashichaato que mmaja, tadinñemö nudooto que mmaja, tauda madudaimä döajäque mmaja, hisopo que mmaja, jacudinmötö seweichatoque mmaja.⁵³ Yäädäje yeichame, jata tö'cäi, jödoodo awä töwä'dödö'jo, nennoja'de tadinñemö nudooto. Määdäje töwö conemjönö nencwannä'jaja'de, töcoca yeichö necanma'dede yāa ä'sa.⁵⁴ Edä yāa cädäi soto junu chädäi'ñānei yeichawä äwätä'se'toto'como, aneja määdä cädäi ejoodöjooneije naadö e'se'totojo mmaja, tish'ato'je weiñä mmaja,⁵⁵ aneja cädäi mmaja, maa chädä'ñājaicho owoomöcoomo chädäi'ñājaicho mmaja.⁵⁶ Töwaawojä'e weiñä ese'totojo mmaja, tucunnujā'e weiñä e'se'totojo mmaja, töwäätudeejä'atoje weiñä jeiñenma,⁵⁷ ecanmatoojoje yeichö wetä yaawä, cädäi äjichö'täjäönö je yeichö töwääjächö'tooto je yeichö jeiñemma, nossaje yeichö ecanmatoojo mmaja yaawä.

15

¹Cajichana Wanadi cönadeuwä Moisés y Aarón waiñe cönädöacä: ²Adhadeucwä israelita como wäiñe, edäje caichäcäde: Ñädä dhanwa chädäichö tucunnuatoje yeiyajäcä chäjö jocono nosajenä yawä. ³Yäa tucunnuatoje yeichö enei töwö nosajena. Yäa chäjöjocono chunnuajä yätädä yeiyajäcä nosajena. ⁴Tämedä inñotojo yemototojo, yatajimatojo jadä jödödä nosaje'na töwö. ⁵Ñädä inñoto ajojoneijödö towömö chocajaiña, ejijai, majanadea tunaque, nosajena chomomödö jona tödöene. ⁶Ñädä soto tucunnuato jano yeijödö dö'tä natajimadö jeiñemma, töwö soto töwomö chocajaiña, ejijai maja nadea yaawä dea'mma tuna que, töwö nosajena yawä chomomödö jo'na tödöene. ⁷Ñädä tucunnuatojano ejö ajojonei jödö töwomö chocajaiña eijaimaja nadea tuna que, nosaje töwö naa yawä chomomödöjo'na tödöene. ⁸Ñädä tucunnuato'jano wäa, etadajacä soto nosajemjö, nö töwomö chocajaiña ejijai maja nadea tuna que nosaje töwö na chomomö jo'na tödöene. ⁹Ñädä tucunnuato'jano watajimajäcä soto watajimato como dewä nosaje maja watajimatojo nädöa yawä. ¹⁰Yaawä ñädä nosajato najojojödö ajojoneijödö nosajetöwöna yawä, chomomödö jona tödöene, ñädä nosajato jano adänejödö töwömö chocajaiña eijaimaja nadea tuna que chomomödö jona tödöene. ¹¹Ñädä tucunnuatojano ajojojaichana änwätödadä ñädä ñajojojödö töwömö chocajaiña ejijai maja nadea nosaje töweijä chomomödö jo'na tödöene. ¹²Ñädä tucunnuato'jano wäa acancuduichamo ajojajacä imojotäcäde, äcushadiachomo maja dee, tödöajäjä tamedä tödöajäjä ashatojo maja atötöjätäcade tuna que. ¹³Yaawä ñädä tucunnuajäato chocajäcä, tucunnujāe yeichö, yaawäne töwö deamma chötammejaiña acä amojato anoto cä wacä töwecatojo; yäjeje töwomö chocajaiña töwö täjö maja tuna jadujato wotädö aca. Yawane töwö töwecocana nosajeda. ¹⁴Yawä aduwawä amojato anototoai töwö nuade acä macanacä o acä adöwocäjeiñe mma inñacomo cäiche nene'ade yawä cajichana Wanaadi wadädä yejummato comonatatajo yätä töwö nuade tadinñamocä Wanaadi wwä töwadeuwemö wwä. ¹⁵Wanaadi wwä töwadeuwemö nuade yawä, toni täjemjönö chonenadiyö adotojoje toni mmane chonenadiyö yacwatojo, Wanaadi wwä töwadeuwemö chunnujätöjö nichocajade cajichana Wanaadi jetaca nöddöade yawä. ¹⁶Aneja dhanwa adhantawaiñe töweije yeiyajäcä tucudu que yecodonñajä töwö tamedätajö chocajaiña tuna que; töwö nosaje'na yawä chomomödö jona tödöene. ¹⁷Tamedä awewontotocomo, ajijocomo majä nosaje yeiyajä cutaje chocaimato yawä tuna que; nosajetöwöna yawä anonñadädä chomomödö jonane. ¹⁸Yaawä toni wodi dhanwa acä inñocajäcä, ñädä wodi chuduje töwöna yawä, anädätönwannö ecocajai nato yawä tuna que, nosaje

nato yawä chomomödö jo'na tödöene.¹⁹Yaawä toni wodi munuje yädöajäcä nosaje töwö nōta yawä, acä amojato anotocä wacä, ñädä ajojoneijödö nosajena yawä chomomödö jo'na tödöene.²⁰Ñädä wodi munuje yeijajäcä yäa wadadädä nosaje na, yamedä ñanno yatajimajödö de'wä natodö nosaje natode yawä.²¹Aneja adhantawaiñe inñotojo ajojajäcä töwomö chocajaiña yawä ejijaimaja nadea tuna que, töwö soto nosaje'na yawä chomomödö jona ne.²²Aneja soto wwä yatajima'ja nadea tuna que; töwö na yawa nosaje chomomödö jo'na tödöene.²³Inñotojo dewämma yeijödö yeichame, yatajimajödö de'wä jeiñemma, ajojajäcä töwö soto wäa nosaje'na yawä chomomödö jo'na tödöene.²⁴Aneja dhanwa ñädä acä inñocajä, yäa nosajato ajojajäcä, töwö nosaje na yawä acä amojato anotocä wacä. Tamedä inñotojo jadä jödödä nosajena yawä.²⁵Toni wodi nosaje yeiyajäcä munu'je, wanna anoto, tanotochädö awädä munu'je yeiyajäcä yada quene munuje yeichojo na'wä nosajatoje yeiyajäcä, yäje töweichö wadadädä töwö na yawä nosaje. Töwö na'de yawä munuje töweichö nōn'edea nosaje.²⁶Tamedä äwatä ñajojöjödöje nadö, tamedä yäa munuje töweichö ñajojätöjödö yatajimajödö mmaja nosajena munuje yeichö ajojödö weijäcä.²⁷Anejawä ajojajäcä yäa ñajötötödö nosaje nade, töwö chocajaiña yawä töwomö, ejijai maja nadea tuna que, nosaje töwöna yawä chomomö jo'na tödöene.²⁸Yawä munuje töweijeje jecocajäcä yawä töwö nimecutade acä amojato anoto, yawane töwö nosaje'da nade.²⁹Yawä aduwawä amojato anoto ai töwönadäade acä macanacä, acä, jaduma maja iñacomocäiche nadäatode yawä, wesumatojo natatajo Wanaadi wä töwadeuwemö wäa utudu wetä.³⁰Yotonno Wanaadi wä töwadeuwemö toni tadinñemöcä nuade täjemjönö mane nuade tödhacwamöje madä nencuannäjade chonenäditö cajichana Wanaadi jetaca mädäje munuje töweichö wadadä dä yeijödö necocade.³¹Yäjejeijäcä änwanno israelita como ojojödöjacha mato nosajato jadä, mädäje tönwanno äjajoda ejainato nosajato anajojoda töweichö como que mädäje öwö jadä awesummatocomo onconemada ejai mato, öwö ne yätä aladäñe weiyaja.³²Mädä yäa äwätäsetotocomo, änwanno nosajeñe matodö, ñädä dhanwa chudu toweatonosajena.³³Adhantawaiñe wodi tucunädö awä, yeiyajäcä nosajena yawä ñädä nōnato dhanwawäa ajojajäcä anädä nosaje nato yawa.

16

¹Cajiichaana Wanaadi cōna'deuwöi Moisés wwä, mädä cōnä'jaacä aacä Aarón nacoomo wä'jajo'jejeñe, tönwanno Wanaadi wadädä cōneejoto, cōnä'jajoicho yaawä. ²Cajiichaana Wanaadi cōnä'dōaacä Moisés wwä: "Adhaacono Aarón wwä adha'deucä, eejö'da neiñojo'de tumjummadö woije sadä nossaje'da weichojo taca cortina öncadheedä, yäa sacrificio tödöotojo a'duto emjaataawä naadö. Yäaje'da tödöo'jädä chäwwä, nääma'de yaawä, öwö yäätä weijäcä ca'dutuue yäa sacrificio tödöotojoo a'dutu de'wä.³Edäaje Aarón womoomödö tujunne na yäa nossaje'da weichojo taca. Töwö yoomomödö tujunne na toro dha'me yäa täje'da tu'emö conemjönö tönno'jödö ejeematojoje, tooni carnero yaawä täje'da tu'emö tödha'cwaamöje. ⁴Yeewontädö tujunne na dea yäa lino tödöajä yoomö nossajemjönöoque, töwoije dea ewaacadö tujunne na töwomö o'näno lino tödöajä, faja lino tödöajä awä töwö yeewontajä yeichö tujunne na, iju'jä womö lino döajä awä mmaja. Tuna que yeeconcadö tujunne na yaawä, töwenwontädö wetä töwomö awä. ⁵Töwö dea adäädö tujunne aacä chivo soto nenejödöocomo acanno täje'da tu'emöje conemjönö tönno'jödö ejeematojoje, tooni mmaja oveeja nedö'cä täje'da tu'emö tödha'cwaamöje. ⁶Yä'jeje, Aarón toro dha'me iichädö tujunne na täje'da tu'emöje conemjönö tönno'jödö ejeematojoje, yäa na'de chääjäcaichädätoje, yäjimä'tädö jäcäichädötoje mmaja. ⁷Yaawä töwö aacä chivo adäädö tujunne na, Cajiichaana Wanaadi emjataawä tödöödö wetä, yäa Wanaadi weichojo nata'tojo. ⁸Yä'jeje, sorteaaje tödöödö tujunne na Aarón wwä aacä odocajaato, tooni yeichö wetä CAJIICHAANA WANAADI wonooje, yeichacoono'quene cone'nadi adääneije. ⁹Aarón wwä adäädö tujunne na ñädä odocajaato CAJIICHAANA WANAADI wonooje cōneeja'caichö sorteaaje tödöödawä, emaadö wetä chäwwä täje'da conemjönö tödö'jödö ejeematojoje. ¹⁰Ñädä'quene odocajaato cone'nadi adääneije cōneeja'caichö sorteaaje tödöödawä, eneejödö tujunne na nudädä CAJIICHAANA WANAADI je'taca, cone'nadi adäädö wetä chäwwä ñädä odocajaato jata'jemjönö aca ennojädöoque. ¹¹Yä'jeje, Aarón wwä adäädö tujunne na toro, täje'da tu'emöje conemjönö tönno'jödö ejeematojoje. Töwö mädä tödöödö tujunne na chäwwä töjäächäichädä, töwäjimä'tädö jäcäichädä mmaja, yäaje yeijäcä toro emaadö tujunnena chäwwä täje'da tu'emöje conemjönö tönno'jödö ejeematojoje. ¹²Aarón yäa ya'cwa'toojo ewöötö esecadö tujunne na yäa wa'to cadanchudu dhaca naadö, caadono ijoodö tamoooco'taca yeiyancadä, eneejöije yaawä tödöajä cortina aca tödöödö'jo. ¹³Yäätä töwö tödöödö tujunne na ta'nato de'wä caadono ijoodö Wanaadi emjataawä, caadono ijoodö que aijodö wetä yäa conemjönö tödö'jödö encwanno'jotojo a'dutu de'wä. Mädä töwö tödöödö tujunne ääma'da yeichö wetä yaawä. ¹⁴Yaawä, töwö toro aquiyo shecasa ajä'chöjo, tooni tamädö dhadadöque nencushimaade yäa, täjeda tuemö aduutu Wanaadi wwäa deecäcä. Töwö encushimadö tujunnena, taquiyatoque, acä amojato cwa'cä, yäa täje'eda tuemö aduutu Wanaadi deecäcä. ¹⁵Yä'jeje, cabra dhanwa aminñäcadö tujunnena chäwwä, täje'da tu'emöje yeichö wetä soto conenadiyö'como encwannojojoje, dhaquiyö adädö weetä yaawä cortina ncadhedä. Yäätä, toro aquiyo cōnnöichöje mmaja yäa muunu tödödö chäwwä tujunnena nadea: Töwö encushimadö tujunnena yäa täjeda tuemö aduutu decäcä wanaadi wwä. ¹⁶Töwö, täjemjönö utudu tujunnena conemjönö ejematojoje, ashichato nonodö dewä töwe'chomjäcä, israelitacom conenadiyö ejematojoje mmaja, anetada yeichomjäcä mmaja tamedä chonenadiyöcomo jäcächädä mmaja. Mädä dea töwejummatocomo aca chäwwä tödöödö tujunne nadea, Cajichaana Wanaadi tantawänne ye'chojo dötä, ñanno conemjönö tödönno neneedöje. ¹⁷Anejja yäätä yeichö tujunne'da na Aarón womoomödaawä cone'nadi encwanno'jojo adäädawä yäa aashicha weichojo taca, yeeja'cadö jonaane, yä'cadö jonnane mmaja töcoone'nadiyö encwano'jojoödö, töwä'jimä'tädö nödö'jödö mmaja, tameedä soto nödö'jööcomo mmaja. ¹⁸Töwö yeeja'cadö tujunne na täje'da u'tojo a'täi dönñano yäa Cajiichaana Wanaadi emjataawä naadö, yäätä cone'nadi chocajoodö wetä töjäächäichädä, adäädö tujunne

nadea chāwwā toro aquiyo, she'cā cabra dhanwa weichō aquiyo mmaja, altar esquinaichādō wadadāādā tödödō wetā chāwwā. ¹⁹Töwō ennoichādō tujunne yāā munuque tamāādō dhadaadō she'cā, aacā amoojatooto'cācwacā choccatoojo je, Wanaadi wonnoje yeichō wetā, amoinche soto israelita nossaja'como jācāiñe. ²⁰Yā'ca'jācā yaawā cone'nadi choccajoodō yāā aashicha weichojo tacaano jācā, we'jumma'toojo ā'sa jācā mmaja, tāje'da u'tojo a'tāi jācā mmaja, adāādō tujunne na chāwwā yaawā cabra dhanwa weichō. ²¹Aarón a'nādā tamāādō tödödō tujunne na ñāādā cabra dhanwa weichō ju'jā de'wā, ecammadō wetā yaawā ye'cācā' töwaajāiycādā tameedā israelita cone'nadiyōcoomo. Māādāje töwō nunmicha'de yāā conemjōnō cabra dhanwa weichō ju'jā jācā, enno'jadōjemma yaawā amoinche, aneja soto enwawā chāānōnge yā'dōaajā jata'jemjōnō aca adāānei. ²²Māādāje ñāādā cabra dhanwa weichō adāādō tujunne na chāwwā tameedā soto cone'nadiyōcoomo weichojo soto'jemjōnō aca. Yāātā jata'jemjōnō aca, ñāādā adāānei soto nishaaca'de yaawā ñāādā odocajaato tāncanoode'da yeichō wetā. ²³Yā'jeje Aarón wennacaadō tujunne nadea yaawā we'jummatoojo ā'sa taca, u'cadō wetā töwwā yāā töwōmō lino tödōājā que cōneewontāichō töwōmōmōödō owaajo aashichaato weichojo taca, yāātā tödödō tujunne na yāā wewontotojo. ²⁴Töwō yeecoccadō tujunne na tunaaque yāā aashichaato weichojo taca, töweichojo töwōmō awā mmaja yeewontādō wetā yaawā; töwō yeeja'cadō tujunne na yaawā utuudu wetā chāwwā tönnödō tāje'da tu'emō ya'cwaajā, tāje'da tu'emō ya'cwaajā soto nōdōödōcoomo mmaja, māādāje tödödō wetā töcoone'nadiyō jācāichādā, soto cone'nadiyōcoomo jācāichādāiñe mmaja. ²⁵Töwō tāje'da u'tojo a'tāi de'wā ya'cwaadō tujunne na tāje'da tu'emō chaatō conemjōnō jācāichādāāto. ²⁶Ñāādā soto jata'jemjōnō aca cabra dhanwa weichō adāānei'jōdō, töwōmō choccadō tujunne na, tājō choccadō mmaja tunaaque; yā'jeje, töwō ennacaajai ña yaawā tā'saca. ²⁷Ñāādā toro tā'je'da tu'emōje cōnnejāātōdō, cabra dhanwa weichō cōnnejootōdō mmajaa, munu cone'nadi ejeematojo je Aarón cōnnejāādō mmaja, adāādō tujunne na amoinche ā'sa jācā. Yāātā ya'cwataācā'de iji'jācoomo, shuunu mmaja, iweetōcoomo mmaja. ²⁸Ñāādā soto mādā'como ya'cwaneijōdō, töwōmō choccadō tujunne na, tājō choccadō mmaja tunaaque; yā'jeje, töwō ennacaajai ña yaawā tā'saca. ²⁹Yeichōje mādā na'de āwāātā'se'totocomooje aacā amoojato nuunā yā'dōdō waadāi, yāā nuunā amoojadooto anoto awā, ānwanno āmjummadōōcoomo wojje meichāiche, etaadawa'cajoojai'cha mmaja, eetā yennuaajā, ye'ajā mmaja ajaadāiñe naadō. ³⁰Mādā na'de edāāje yeijācā, yāā anoto awā Aarón ocoone'nadiyōcoomo nencwannā'jaja'de, töccoca aweichōcoomo wetā conemjōnō jonno, nossaja'da aweichōcoomo wetā yaawā Cajichaana Wanaadi emjataawā. ³¹Wāadetatojo anoto tōnoiñe tödōemōōje na'de mādā āwwāiñe, ānwanno āmjummadōōcoomo wojje meichāiche, etaadawa'cajoojai'cha mmaja. Mādā na'de āwāātā'se'totocomooje yeichōje adhantawāiñe. ³²Wanaadi wwā töwa'deuwaamo edhaajātoncomo, ñāādā chāādhajātoncomoje töweiyemōōje ecammaajā naadō, tumō ōnwacaanoje töweiyemōōje ecammajā jeiñemma, ñāādāne tödōjai ña cone'nadi encwanno'jojotojo tödōjoneije, ewontājai mmaja nadea wewontotojo lino tödōājā awā, wewontotojo aashichaato je yeijācā. ³³Töwō dea tödōjai ña cone'nadi encwanno'jatojo aashichaato weichojo jācā; Töwō dea tödōjai ña cone'nadi encwanno'jatojo we'jummatoojo ā'sa jācā, tāje'da u'tojo a'tāi jācā mmaja, Töwō dea tödōjai ña cone'nadi encwanno'jatojo Wanaadi wwā töwa'deuwaamo jācāiñe mmaja, tameedā soto jācāiñe mmaja. ³⁴Mādā na'de āwāātā'se'tātōojoje, cone'nadi encwanno'joodō soto cone'nadiyōcoomo, tooniye wedu waadāi" quee cōnā'dōaacā Wanaadi. Mādā cōnā'dōi Cajichaana Wanaadi necamma'jōdō nōnge Moisés wwā.

17

¹Yāāje'mma yaawā CAJIICHAANA WANAADI cōnadeuwōi Moise wwā cōnādōacā: ²Aarón wwā adhadeucā inñacoomo wwā, tamedā soto Israelitañancomo wāiñe mmaja. Edāāje ecammacā CAJIICHAANA WANAADI wanontōdō: ³Anya'mādā dhanwa Israel weichō jaaca, oveja cabra mmaja aminñō cajācā, edāā jeiñemma sacrificaje todōdō wettā ⁴āñnejōda yeiyajācā WANAADI weichojo natatajo tōjedatuemōje sacrificioje CAJIICHAANA WANAADI weichojo taaca, ñāādā dhanwa yoijatoje naade yāā muunu tōjajōjōdō töwōne yāā muunu tōjaatōda yāāje yeijācā ñāādā dhauwa ennojaadō tujumnena soto jonnoiñe. ⁵Edāā wanontōnō tödōdō tujumnena Israelitacomō wāiñe, sacrificio eneejōdō CAJIICHAANA WANAADI wadādā yāā wejummatoojo natatajo sacerdote wā utudu wettā, tōjeda tuee'naō tōncadodeda aweconecatojoje. ⁶Ñāādā WANAADI woono wadheuwōdō muunuque nōjōjāde yāā CAJIICHAANA WANAADI wwā wadeutojo, wejummatoojo natatajo mmaja; töwō niyacwade iyāā chaatōjōdō caro jiotadō wettā CAJIICHAANA WANAADI wwā. ⁷Ñanno soto āntuda naatode eduuwo sacrificio chutajō wadādā, tōnwanno weneneto dhanwa tōjiñamo jonno tōmasuuduichato nōnge, edāā wanontōnō naade chāwāiñe yeichōje ñanno dhatōdōcomo jona tödōene. ⁸Mādāje eca'macā chāwāiñe: Anejammādō dhanwa Israel weichō, aneñajano chājadōiñe yāātā yeiyajācā mmaja tōjeda tuemō yacwajō uajōcā sacrificioje, ⁹āñnejōda yeiyajācā mma wejummatoojo naatatajo CAJIICHAANA WANAADI wwā sacrificioje, ñāādā dhanwa soto jonnoiñe tōjacanōjomena yāātā eicha yeichōwetta. ¹⁰Yaawā Israelitañano, aneñajano weajō chāājōcā wishancwade yaawā, soto jadonnōiñe wishancwajadede. ¹¹Odoocojato aquiyo acana yāā nudā yeichojo. Yāāje yeijācā āwāiñe muuna wune altar dewā tödōemoje oconenadiyōcomo chocatojoje aweichōcomo jācāichōdō, yāā muunune conmjōnō chocatojoje yeiyajā, nudā weichojoje mādā muunu. ¹²Yāāje yeijācā edāāje wādāaque ñanno Israelitañancomo wāāiñe, tomichā adhantawāiñe jiunujōdō tōñōjachana taquiyato, chōnōnge mmaja anenñajanō weajō adhantawāiñe naadō tññōjacha mmaja naadea. ¹³Tamedā ñanno Israelitacomō, aneñajancomō ajatawāiñe naatōdō mmaja, yesenōngaco'mācā adhocojato aminñōcajōcā, taadiñōmō jeiñema tññōmōje naadō; ñāādō soto tōjaajaiñe yāā muunu adudu wettā yaawā nonoque. ¹⁴Dhaquiyō nudā nōdōa ñāādā odhocojato. Yāāje yeijācā yāāje woidōaquene Israelitañancomo wwā, "Tññōjacha maato taquiyato odoocojato, tamedō ñanno nuudō naato taquiyōcomo que. Ñāādā nōñadō jiatadō jonno ennjatōcā tōjācājene neiñōjo yaawā. ¹⁵Tamedā ñanno soto, odoocojato wāāmājō, odoocojato naamiñacadā tññōnejano weajō adhantawāiñe

yeiyajäca jeiñemma, töwomö nichocañojodhe, näjiñojodede naacuewa, nosaje naade yaawä, chomamödö jonane. Yaawäne nosajeda naade. ¹⁶Yaawä töwomö oncocada yeiyajäcä, äjiicha mmaja, yaawä töwö töwoijato yää conemjönöje maade.

18

¹Cajichana Wanaadi cönadewöi Moises wä cönädöacä. ²Adadecwä isaadaedita como waiñe edäje ädöcäde: öwö ñädä cajichana awanaadiyö. ³amädä mane mädä Tödö jaichama Egiptoñan como soto nödotodö, jenadä tönnöe cönajatodö döña. änwanno maja mädä tödöjaicha mato canaanñan como nongemeichäche. ⁴Wanunto'dö nonge tödötäcä. Wanonto'dö maja shomatäcä'de yää woiye matesetäite, cajichana awanaadiyö comoje weijäcä. ⁵yääje yeijäcä, änwanno shomajai mato wanontoto'jo, wanontädö maja, tooni soto tätäsetajäcä, töwö nudä nade yää woiye. öwöñädä cajichana. ⁶Aneja öñöjaichana töwäjimmätädöje töneta'dö acä. Cajichanane weijä öwö. ⁷omotoncomo monnoncatäi anotoncomo acä anöcödöcomo 'que. Anöne töwö yeiya'jä, mädäje anö ñoncajaichama. ⁸omo jinyanto'mo jadä öñöjai chama; amädä omo ñoncajaichama yää tödödö'que. ⁹ajaduchomo'je anetadö jadäiñe öñö jaichama, omo nacomö'je yeijäcäñe anö nacomö'je yeijäcämaja, adhesacada yennejecajö'dö weichamenñe ojonno amunche. yäje yeijäcö ajaduchomo jadäiñe öñöjaichama. ¹⁰ännacomo dhanwa nacomö woodiñamo jadäiñe öñöjaichama ännacomo woodiñamo nacomö jadäiñe maja öñöjaicha maja madea mädä ö'jichanojoto'je nade. ¹¹Omo jinñamo nedö acä öñöjachama, omo nedöje yeijäcä ajuduichö'dea töwö nä, mädäje amädä dacöi öñöjaichama. ¹²omo jaduichö acä öñöjaichama. Omo wäjinmätädö'je yeijäcä. ¹³anö aconocä acä öñöjaichama, anö wäjinmätädö'je yeijäcä. ¹⁴omo aconocä mononcaiche, jinñamo a' cä annöcödö'que. Mädä'je aweishe aweicho que chä'wadädä mötäiche. anö'je dea etädö weijäcä. ¹⁵ajadanö a'cä öñöjaichama. ännedö jinñamo yeijäcä dacä öñöjaichama. ¹⁶ajinñamo acono'cä a'cä öñöjaichama, mädä'jemmä'dä töwöñoncajaichama. ¹⁷Woodi a'Cä öñöjaichama inñedö maja. Woodiñedö nedö maja. Tönwanno nato woodi wäjinmätädö'je. chänawäine annöcajäcä, conemjönö'como'je matoode. ¹⁸amädä ädöjaichama ajinñamo acono'cä jadä acoto ajinñamoje tödöjaicha maja, da'cä äñawä öñöjaichama ajinñamo nudä yeichame. ¹⁹Woodi munuje teicha wä chänawä öñöjaichama nosaje töwöna täje töweicho wadadädä. ²⁰aweichacono jinñamo a'cä annö'che. mädäje aweichöque. ²¹änwanno ännacantocomo toonicha möda adäjaicha mato wato wotudedö a'cä saquidifoje utudu wetä moloc wä. mädä'je änwanno Wanaadi etö shomajai mato öwö ñädä cajichana. ²²dhanwa a'cä dea dhanwa öñöjaichana woodi a'ca töweichö nonge conemjönö'jena yawä. ²³odho'cajato a'ca öñöjaicha jaolä'jödödä'ma. mädä tödödö'que nosajajena yawä. Woodi odhoca'jato wä ato'jojojaicha na, mädä tödödö'que nosajajena Yawä. ²⁴Mädäje änwanno econemajai mato mä'dä tödödö'que , yäje yeijäcä jata töweconema wenene yawä öwö jata weiyade. ²⁵yää nono maja cönecone namai'chea. mädä'je wichu'seijane chonenadiyö'como que tawa wiwena'cwaneto yää nono dewonno. ²⁶ämädä mane, shomajai mato wanontädö wanontoto'jo maja, ämädämane mädä conemjönö tödöjaichama isada editacomo waiñe maja adanta waiñe natodö. ²⁷Mädä yää conemjönö soto nödjödöcomo nono dewa töweicomo. Ñanno odowajaiñe nudä cönajatodö, mädäje nono cöneconemai. ²⁸Mädä'je yeijäcä odhowadäiñeda e'chäcä nono dewä nadö mane awena'cwatono yää onconema dö'como ñanno cönwenna'cwa'cho döje odhowajaiñe jenadä cönajatodö. ²⁹anejammamaja yää conemjönö tödöajäcä, tacäjäe soto nematode yää jatawä. ³⁰Yawäne a'ñwanno shomajai mato wanontä'dö. Conemjono jenado'jo ännöda aweichö'como que, ñanno odhowajaiñe tonnö'e cönäja'todö, mädäje econemada meicha'ye yää tödödö que. öwö ñädä cajichana awanaaditocomo.

19

¹Yaawä cajichana Wanaadi cönaadewöi Moiseswä, cönäädö acä, ²Tameedädä soto we'jummacomo naatodö canno Israelita wäñe adhadeucäde edäaje caichäde: änwanno conemjönö jeda eichäcä, Cajichana Wanaadi öwö ³Awanaadiyö öwö ashichato. änwanno tameedädä aanotoncomo ootoncomo tönönñe eneetäcä, wädeetatojo anoto awä tödöoe tödödcäde Cajichana Wanaadi öwö Awanaadi. ⁴Chuutajä inñamodoto wadäädämma möötätäche eduuwa, änwuncunoma oro ma männötäche Awanaadiyö'como, öwöne ñäädä öwöne ñaadä Cajichanaichomo Wanaadi. ⁵Yaawä ecaatädawä Cajichana Wanaadiwä täncaanódeda aweichocomo, utu'se aweicho'que u'cä utuuye yaawä, ⁶Aanecato jocomo anoto awäde amma äwaashinchätäcäde, yääjenamma jeiñema, aduuwawä anoto yääjenamma jeiñema, aduuwawä anoto yäädetojödö yeiyajäcä yacwatäcäde. ⁷Aduuwawä anotojödö aca awäwashicha comjäcä, Cajichana Wanaadi Wacöje'dana, ⁸ñanno tameedadä cönäawashinchodo' conemjönö nöddöaato ashichatone Cajichana Wanaadi yeiyajä, canno soto edä jatawonno ennojadöcomo tujuunenato. ⁹yaawa inñatötädawä ononodö de'wä, tameedädäma ononodö de'wä inñatötäcäde, ijuntaichomo wadäichamma maanejodo'joiche yää ännatötädö. ¹⁰uwa inñatötaja anejodojode eichäcäde noonjo anemajoojoda eichäcä chäwötö ocanno. Wentumjacomowä tuemöje yeacomowä mmaja owö ñäädä chijichana Awanaadidö. ¹¹maneememecöi, mätäncutäi aweichacomo manencutäi. ¹²äwätäncutot como jemma yeetöjoi määchammatäiche Cajichana Wanaadi öwö öwö ñäädä Cajichana Wanaadi. ¹³ämmai dö'tono maanaquimmai maneememecöi, oshotoi adha'ato ejematojo, coijaicho wadaadädäma äwwä männöi yäajejato anoto'dhe joona tödöenenemma. ¹⁴Näädä tööjanaquemjönö ijocqueda tödödöjaichama yeju'cotojo dhawäjo tödödöjaicha täänuquemjönö owaajo tödödöjaicha täänuquemjönö owaajo tödödöjaicha mmaja. täasecane esecacä, ashichato Cajichana Wanaadi wonooje mödöye öwö ñäädä Cajichana Wanaadi. ¹⁵Inñamädä ementä jaichama, amäädä änejoojaichama ämjummadama wentumje yeijäcä. Amäada mäneja ijummadöse aweicho inñödö jäcäichama ämmai dötono manememcai yö'tä. ¹⁶Inñamädäto wätunna mänemecatätäche ajaatawäñe. ämmadö'tono ujichä iwatotojo Cajichana Wanaadi Owö. ¹⁷Aweichacono mäntudet'tä adheewanö jadäädä amäädä chäuwä adhadeucwä coneda aweiyajäcä amäädä

econecada aweiyajä dhacä conemjônö mmaja mödöodea chääjácä. ¹⁸äawwä mängöche wojotänä monsomache soto jácäne coneeda aweichö aweichacono ijunnacä äwäjummadö nongedeä. Cajiichana Wanaadi öwö. ¹⁹äawwanno shomaatäcä wanontädö. adheecônöcomoma maniyojotäiche annenejödöcomoma maniyojotäiche annenejödödä odocojacomoma mmaja. otoimma monomataiche dhadödöcomoma yaawä onoonodöcomoma de'wä inatötädawä. tooni weichö owoomö tödöcäde aneeja weichöma, manewacaiche. ²⁰ñäädä tösoito ajoojone towaanäcä yeichame töinoque yeichö dhowaanäcä cönääjacä tä'ncanode dada yeichö, määädä nongato näcuseijaja, wamaanä quedamma täncadodedaada töwö cönääjacä. ²¹tooni dhanwa Cajiichana Wanaadiwä nuua tääjeda tuuemö encuwannojojotoje töweejummatoco woomontocomo dötä tooni carneo nöödöa ta'ajeda, töconee diyö encuwannojojotoje. ²²yääjeje ñäädä sacerdote acone'nadiyö encuwannojoto jooje ñää carnero täjeeda nuua Cajiichana Wanaadi wä. yää conemjônö cönöichö. Yaawäne, yää conemjônö cönöichö. Yaawäne, yää conemjônö annöjödö tänewannojo na. ²³Yaawä edä noono de'wä owoomon gacomjácä, töcone'mana, tameedä yeichö wäcä chuuta awanshi. Yaawäne määädä yeichö chö'tammecä ñaatötajä töñoiñatoje yeichö tameemmeda. Eedä chääjedödöna tönöñena äwwañe, aduuwawä weedu. ameejacha maato. ²⁴Yaawä acäichea weedu yädo'ajäcä yaawäne ashichatoje na'de, yaawä tääjeda äntuduucumoma Cajiichana Wanaadiwawä. ²⁵Ijaatodea weedu yäädöajäcä yaawäne äwwanno määädä chääjedödä ameejai maato. äwwäñe töweiyena töwoomö'quemö, määädä yeichö chuuta na'tade jooje, öwö ñäädä Cajiichana Awanaadi yö. ²⁶Ijuunu muumu ja'no määñätäche. jöowaiñamomma manecammajoicho mánaji aneejajoicha ätasetojocä edä noono de'wancomo queda ätasetojocä. ²⁷Wanaadi dhowaano joncomo nöödöatodömma mánöche ijatonnomma tuujujä töcado', adhetamujätö to'cadö dhawodhecäcäma. ²⁸Hadhejö manacäjätö yäämaajäwwä mäntui adheejö mää'madacaña. ²⁹Nännedö maneetö majoi täätö ejemajoneijmina eiño määädä ecoone mano nääädä jäta nichanaña yaawä conemjöque. ³⁰Äwwanno yannotaichai äwä ädetaatäcä, cöwaademetaçäde aweejammato como toca CHIICHANA WHNAADI ÖWÖ. ³¹ñaanno wadääädiñe ma mötäätäche shuutaja econömo wadääädä ñaannoma määmjidäche ätöötajätödöcomoma oconemanoto. öwö ñäädä CAJIICHANA AWANAADIYÖ ³²Anömmaj naato inchocomocä jeyaca tääje tödöjodö como ñontancädäñe ajadä inchona CAJIICHANA AWANAADI contandädä ³³Nääädä anenñajano weajä ädöiñane onoonodö como de'wä yäädöajäcä yäätä yädöajäcä coneedamma mánötaiche. ³⁴Ñäädä aneñajano weajö dhantawäñe naadö, Israelitañano wennuajöje mönge tödötäcä, jiummajai maato äwäjummadöcomoma nongedeä, määädä yeichö änwanno määjaquene Egiptoñano nonodö dewä aweichöcomoma öwö ñäädä CAJIICHAANA AWANADIYÖCOMO. ³⁵Inñamodotomma mononejatöiche onejadawä caawä yeichö; taminñe yeichö, jooje yeichö jeiñe'mma. ³⁶Chönönge'mma tödötöcäde yää onejatojo, chönges'mma ñonejadä, onejatojo wacä'mma. öwo ñäädä CAJIICHANA AWANAADIYÖCOMO. Egiptoñamo nonodö dewonno ayucaneichomöjödö. ³⁷Tamedä neca'mmajödö woije tödöcäde7 tamedä wanontödö woije mmaja

20

¹Yääje mma yaawä Wanaadi cönaadeuwöi Moises cönä'döa'cä: ²Edääje ecammacä Israelita wwäñe: 'Aneeja mmädä ajaatawäñe nä'döa'dö, yäätä naadö jeiñemma tönnedö u'ajäcä ñäädä Moloc wwä, tämaamö je yeichojo na. Yätoncomo soto näwäjä'ato'de täjuuque. ³Öwö mmaja ñäädä soto ijunmata waade, tönnedö u'tujödö weiyajäcä Moloc wwä, wema'de ijaatawä, öwö weichojo chonemajödö weijäcä, yeetö täjeeda tödöjödö weijäcä mmaja. ⁴Yaawä aneeja yä'tono aneenejônö mönge yeiyajäcä towanäcä yeichame tönnedö u'ajäcä, aneemada yeiyajäcäñe mmaja, yaawä Öwö mmaja ñäädä soto täjeeda wödö'ade, ⁵Öwö dea töjajaiñe wa ñanno wa, tameedä masuudui ja'como, chu'tajä ecanö'namo mmaja. ⁶Ñanno soto yä'jaacomo woncomo wadeuwödö, chäcatoichomo wwä mmaja nimasuduichato, öwö mmaja ñäädä soto täjeeda wödö'ade; Öwö dea mmaja wema'de ñäädä shimä dö'tonnoiñe. ⁷Yaawäñe öwö ñäädä Cajiichana Awanaadiyöcomoma, yääje yeijäcä, ä'tutäcä änwanno owoiñe dea mma, aashicha meichäye. ⁸Yääje yeijäcä änwanno ajaichäcä iyä wanonntädö, äwwäñe tödöjödö wetä mmaja. Öwö ñäädä Wanaadi, Ajiishichacoma je asancwajotäñe wäñenedö. ⁹Tameedä ñanno omotoncomo, anötoncomo jäcä conemjônö nödö'atodö töwäjaamo je naato. Ñäädä omo, anö jäcä conemjônö tödöoneijödö näamade. ¹⁰Ñäädä dhanwa aneeja wodi inñö'jano aca töweiyato, aneeja töweichacono jimñamo jeiñe mma, ñäädä dhanwa yäajato, wodi mmaja yäämadöcomoma tujunne na a'nädäncädä. ¹¹Ñäädä dhanwa tuumö jinñamo acä tönnö'cato, tuumö täjeeda nödö'a. A'nädäncäcä yäämadö'como tujunne na, inñedö yuumö jiiñamo mmaja. ¹²Ñäädä dhanwa töjaadanö acä nöñö'cadö, yäajato a'nädäncädä yäämadö'como tujunne na. ¹³Ñäädä dhanwa aneeja dhanwa acä tönnö'cato, wodi acä weñä mönge, a'nädäncädä yäämadö'como tujunne na iyä inñö'jocomo e'nei. ¹⁴Ñäädä dhanwa wodiijadä nä'döa'dö, yeenö jaadä mmaja, conemjônö nödö'a, yä'jato tuuca emaadö'como tujunne na, a'nädäncädä dhanwa, wodi mmaja, määädä yeichö wetä. ¹⁵Ñäädä dhanwa odocajaato acä tönnö'cato, yäämadö tujunne na, odocajato mmaja. ¹⁶Ñäädä wodi odocajaato acä tönnö'cato, yäämadö tujunne na, odocajato mmaja. Yää inñö'cojocomo e'nei. ¹⁷Ñäädä dhanwa töjaaduichö acä tönnö'cato, tuumö nnedö acä, senö nnedö acä jeiñe mma, a'nädäncädä yääje yeiyacomjácä, se'nato conemjônö nödö'a. Tönwanno yäämadö'como tujunne na töjiimä owaadädäñe, töjaaduichö acä tönnöcö'jödö e'nei. ¹⁸Ñäädä dhanwa, wodi acä tönnöcato munuuje yeichö awä, conemjônö nödö'a. A'nädäncäcä ñäädä wodi, dhanwa mmaja yäämadä'como tujunne na. ¹⁹Änwanno äñöjajäcä mato anötoncomo jaduiçö acä, omotoncomo jaduiçö mmaja, määädä yeichö äwä'jimä'tädö mödöjaja. Änwanno dea äñöjajocomo mejeemato'de. ²⁰Ñäädä dhanwa töwaiñene acä nöñö'cadö, täjeeda owoodö mödöa. Tönwanno yäämacomjácä, öwö wiimaminchato'de, yäämacomjácä mmaja, öwö dea wajäiyade iyä inñacomowoncomo töweiyemö jödö. ²¹Ñäädä dhanwa tudui jinñamo jada nä'döa'dö, chääjadä yeiyancädä, conenjônö nödö'a. Töwö täjeeda nödöa tudui, öwö wajäiyade iyä omo äwwäñe inchuudu jatajödö. ²²Yääje yeichame änwanno, yätääädä aweichöcomoma tujunne na, äwäätäse'tädöcomoma mmaja; Änwanno äwwäñe

iyä tödödö tujunne na, coneedada aweichöcomo wetä yää nono änwaiñe wu'adö awä. ²³Änwanno yäaje eijaicha maato, aneejacomo iyä tödönno jödö nonge, ñanno nonga'como öwö wacöjeeda naato. ²⁴Öwö äwwäiñe wecammane: "Ännödöcomo je na'de nono; Öwö wu'ade äwwäiñe aashichato aweichocomo je. Öwö ñäädä Acaajichanaichomo Awaanadiyöcomo mmaja, aneejacomo antawonnoiñe odhucannamo jödö. ²⁵Änwanno odhowanäcäiñe yeichö tujunne na odoocajacomo aashichacomo, noosajacomo mmaja, tadiiñamo ajiichacomo, noosajemjöcomo mmaja. Änwanno ecoodeiñajaicha mato odoocajacomo queiñe, tadiiñamo noosajemjöcomo queiñe mmaja, aneejacomo töweenöcomo wötäädö queiñe mmädä mmaja, ñanno inñanmädä'como önsancwajoodö äwwoncomo je. ²⁶Änwanno chänönge aweichöcomo tujunne na, öwö Awaanadiyöcomo waadöje, öwö mänsancwajotäne aneejacomo jonno, äwwoncomo je aweichocomo wetä. ²⁷Ñäädä dhanwa, wodi mmaja yäämajä wwäno wadeuwödö, chuutajä wwäno mmaja, tämaamö je naato ñanno. Soto wwäiñe töwäjä'amo je naatade tönwanno. Mädäaje tumja'e cönä'ja'to inñöjocomo jo'tädöje."

21

¹Yawä CAJIICHAANA WANAADI cönädöacä Moises wwä: "Wanadi wä töwadeuwamo wä adhadeucä ñanno Aaron nacomo, edäje caichä chäwwäiñe, wanno ajatawäiñe yäjaacomo natodö que nossaje meichäiche, ²äwäjimmatädö yeichame omo, anö maja annacomo maja aweichacono maja, ³yäje maja ñädä ajaduichö dhanwa wä tajojojönö, tönnoqueda nadö mädäje maja ñädä que nossaje eijamayawä. ⁴Anejacomo wajimmätädöque töwö nossaje eijaicha na, mädäje töwö econemajaiña. ⁵Ñanno Wanaadi wä töwadeuwamo tuhujäcomo, tätamujätocomo maja töcajaicha nato, täjöcomo jäcä atunuchada maja. ⁶Wanaadi wonoje ashicha eijai nato, yoijedada maja eijai nato dea, Wanaadi wä töwadeuwamo ne iyä äwanshö uajä CAJIICHAANA WANAADI wä. Yäje yeijäcä ñanno Wanaadi wä töwadeuwamo ashicha eijainato. ⁷Tönwano shötajaicha nato wodi masuduijato jadä, töiño enomjaneijödö jadä maja Wanaadi jonno töwasancwaja nato tönwanno. ⁸Amadä mishancwajade, täwöne täjeda tuemö uneije yeiyajä Wanaadi wä. Töwö ashicha eijaiña äjäcä, öwö CAJIICHAANA WANAADI. Ñädä ashicha adhödöadö, öwö maja ashicha yödöadea. ⁹Ñädä CAJIICHAANA WANAADI wa töwadeuwemö nedö, tumö adeddu anetajönö, masuduijato maja, wato que tödhacwamöje mma na ñädä. ¹⁰Ñädä Wanaadi wä töwadeuwemö yäjimmatädö antawä Wanaadi wonoje aceite que shujä tödöajä maja Wanaadi wonoje uaja maja, iyä Wanaadi wä töwadeuwamo womöcomo awä töwewontämö maja, tujuja tajammacada nade ñädä, yomö töshijaeda maja. ¹¹Töwö täjaicha nade yämaja tödötojo weichojo döiña, econemejai yeijäcä, yumo yenö wämajä yeichame. ¹²Ñada Wanaadi wä töwadeuwemö, iyä ashichato tödötojo wejummatojo, etömajaichana, chonemajaicha maja, Wanaadi wä ashichato tödötojo, Wanaadi wä towadeuwemöjo iyä aceite que tödöajane yeiyajä. Öwö ñädä CAJIICHAANA WADAANI. ¹³Wanaadi wä töwadeuwemö, dhanwa wä tajojäjönö jadä ädöjaiña tijinñamoje tödödö wetä. ¹⁴Inño wämajadö jadä adöjaicha na töwö, töiño enomjaneijödö maja, masuduijato maja. Ñädä töwodöichö dhauwa tajojäjönö jadamma töwö ädöjaiña, ¹⁵mädäje töwö tönnacomo onconemada natode, töwäjimmatädö jadä, öwö ñädä CAJIICHAANA WADAANI, chänönge adhödönnamo. ¹⁶Yawä CAJIICHAANA WADAANI cönadeuwöi Moises wä, cönädöaca: ¹⁷Aarón wä adhadeuca edäje caichäde chäwwä: ñädä adhatödö jonnoto, awajimmatadöje nadä maja, chädäichöjano wennuaja, täjeda tuemö Wanaadi jetaca tödöjaichana. ¹⁸Ñada dhamwa chädäicho jano wennuaja maja Wanaadi jetaca täjaicha nadea tänuquemjono maja, ojimmajaicha nöchötadö maja. ¹⁹Dhamädo, ijudu chänöngeda nadö jeiñemma, ²⁰ñada dhanwa inchadejuja jäcä cädäijato, aquedeto maja, tawedato maja, cädäijato chänudu maja, anejajato cädäi jano maja, iyä senato, ijijä jocono maja. ²¹Ñädä Aaron atödö Wanaadi wa töwadeuwemör chädäichö jano wennuaja, ñädä yäjato Wanaadi jetaca iyä täjeda tuamo tödöjaichana. ²²Yawäne töwö amejai awanshö iyä wanaadi jetaca täjeda, Wanaadi wä töwadeuwamo ewanshiyocomo chänönge tödöajä maja. ²³Yäje yeichame, töwö omonjacha cänajacä yätä Wanaadi wä ashichato utojo dötä, chädäichö jene töwö yeiyaya, mädäje öwö weichojo chänöngato onconemada yeichö wetä, öwö ñädä CAJIICHAANA WANAADI, chänongatoje äyödönnamo. ²⁴Mädäje Moise cönadeuwöi Aaron wä inñacomo wwä maja, tamedä ñanno Israelitacomo wwä.

22

¹Cajiichana Wanaadi cöna'deuwöi Moises wwä, cönä'döa'cä: ²Aaron wwä adhadeucwä inñacoomo wwäiñe mmaja, ecammacä chäwwäiñe amuichaadä neiñaato aashichato weichojo jonno iyä Israel jataadö'como jäcä, iyä öwwänooje ecammaajä naadö, tönwanno chonemajaaicha aashichato ye'tö. Öwö ñäädä Cajiichana Wanaadi. ³Ecammacä chäwwäiñe: 'Anejacomo weichö töweije yeiya'jäcä töwö yä'jimma'tädö jaadäiñe amuincheda nä'döiñato jaata Israel dö'tä iyä shancwaja'jä naadö Wanaadi wwonoje naadö döötä, conemjönö ejadäjaicha na, ñäädä soto nacä'ato'de jeetaca: Öwö ñäädä Cajiichana Wanaadi. ⁴Tooni'chä Aaron weichö töweije yeiya'jäcä cädäaijato tucunnujä'ato shijä, chäjö chädäñä 'neije naadö mmaja, toni'chä tänäajaicha na sacrificio Cajiichana Wanaadi wwono tu'emö nnosajeda yäädödö wwacä. Ñäädä nosaja'to cädäijato yäämadö owaaajo ajojoneijödö cädäaije mmaja naadede, ñäädä chäjocono'jödö mmaja cädäije naadede chuudu, ⁵ñäädä odoocajato wötäädö ajoja'jäcä mmaja, nossaje mmaja na dea, aneeja mmädä no'sajato ajoja'jäcä mmaja, ⁶ñäädä Wanaadi wwä töwadeuwemö nossajato inñamodoto ajoja'jäcä, nossaje na'de yaawä chomo'mödö jona tödöene. Töwö äwashinchäjaicha na aashichato aca, yaawäne ye'jiyajäcä mmane tuna aca tujuunu jadäädä äwashinchäjaiña. ⁷Yaawä shii aca yä'döa'jäcä, yaawäne nossajeda na, yaawäne chomomö'daawä äwashinchäjaiña aashichato aca, mädääne chääwanshiyö je yeiyajä. ⁸Töwö tänäajaicha na yämaajä edantajä chuutacano namiñä'cadö mmaja, mädäaje töwö dea mma neconema. Öwö ñäädä Cajiichana Wanaadi. ⁹Ñanno Wanaadi wwä töwadeuwamo waanontädö woije eijai nato, yääjeda yeiya'comjäcä conemjönö tödönaamoje mmaja naatode ä'jajai naato yaawä

conemjōnō tōdōjōdō wejācā jācā. Ōwō ñāādā Cajiichana Wanaadi aashichato tōdōōnei.¹⁰ A'queedada Wanaadi wwāno wadeuwōdō wājimma'tādō, chāājadoncomo mmaja shotoichomo dhanonōcomo yoiye tōdōnnamo mmaja, āwaashichājai nato aashichato āwanshi aca.¹¹ Yaawā Wanaadi wwā tōwaadeuwemō tanoonō ejemaajācā tōjōdōtaiche, ñāādā tanontājā'emō āwa'shinchājaiña Wanaadi wwāno shomaajā, yāajimma'tādō mmaja Wanaadi woono wadeu'wōdō tacaano wennua'jā mmaja, tōnwanno mmaja ā'wishin'chājai naato. chaā'jadā, iya maa'taca,¹² ñāādā wanaadi woono wadeu'wōdō needō wāatinñono'a'jācā, wanaadi wadeu'wōdō needō wāatinñono'a'jācā, wanaadi wāatinñono'a'jācā, wnaadi wā'no wadeu'wōdō jōōnō acā, ñāādā awa'shinchājaiñan tājem'jōnō a'wan'shi u'ajāi aca.¹³ Yaada'que'ne' wanaadi woono waadeu'wōdō ne'dō inño wāā'majōdō yo'tonom'jajā jei'ñemma, inñe'dōjeda tōwō yei'ya'jācā, tōwō enna'cajaiña tōwō yei'ya'jācā, tōwō enna'cajaiña tōmō esa'cajenaadā medā'cāje tō'weijōdō nōne' maaja, tōwō āwa'shinchājaiña tō'mō ewan'shiyō'ca yawāā'ne ñādā wanaadi a'deedi ecammaneidiāi maane āwashichājaiña wanaadi adee'du ecammanei ewan'shiyo a'ca.¹⁴ Ñāādā dha'wa iya ā'wanshi ashi'chato to'wanāā'cāda yei'yancādā amenei'jōdō inña'cadō echāwā tu'junne'na inwacanoje. towō, cham'jiyaca'jaiña tōna'meejōdō ejodhe'cājene wanaadi a'deedu ecammane' wā, ¹⁵Nanno Israel jata'woncomo ashi'chato ñan'ñājōdō como ca'wā jun'taca eijicha nato iya wanaadi'wā ecam'maajā. ¹⁶Ton'wanno yoi'jacomō iya towaanā'cāiñe yei'chaame awan'sha ashicha to'na'maatodō, ōwōne ñāādā cajiichana wanaadi ashi'cha tōdōnnamo¹⁷ wanaadi cō'nadeuwōi Moise'wā cōnāā'dōacā cha'wwa: ¹⁸Aaron wwā'adha'deucwā inña'comowā mmaja, Israel jataa'woncomo wainñe maj, Edāje adōōcā chā'waine: ane'jammādā Israelita, anenña'jano jeiñemma, yaawā sacrificio u'tudawā ā'wwātonnō'e aweichō āne'jocā tāājem'jōnō ā'wwā u'tuduque tōn'wanno nuta'ñato cajiichana wanaadiwā tājeeda n'ajā yacwajā ¹⁹Ashicha ajāi'chōwetā, tōnwanno u'jainaato odocajato dhan'wwa jaca otuna'chājōnō oveja, cabra jeiñemma²⁰ Amāādā ecam'majaichema etunuchajā, ōwō ana'jāicha wwā'de āwwā'no ²¹Nadā āwa'jimmatadō tā'jeda sacrificio nuadō, cajiichana wanaadi'wwā aweichō ene'jodō vetā. tā'jeda ā'wwā utudu, iya' ashica naajāi'y'atode , chdai'chōjem'jōnō yeichō tujunne'na ñāādā odocajato.²² Ānwanno tānuuquenjōnō odoocajato u'jaicha maato, aademajaicho jōnō imaaminchajōdō jōnō jeiñe mma, chunnujā' tōjōdō jōnō mmaja yeshajōdō jōnō mmaja, ānwanno ñāādā mmādā u'jaicha maato Wanaadi wwā Sacrificio tōdha'cwamōō je ya'cwatojo de'wā. ²³ Ānwanno tōdōōjai maato tāājeda tu'emō je āwwāiñe aashicha aninñejencadōcomo ñāādā nōngato tājeeda u'ajā anaajāicha natoode tājeeto je. ²⁴Toniichā mānuutāi odoocajato Wanaadi wwā chomuudu u'cajā, aijujā'ajā, chāādāñajā, yacajā'ajā jeiñe mma. Māādā mānnāntāiche onoonodōcomo de'wā. ²⁵ Ānwanno ecammajaicha maato aneeja aneiñajaano enwawonno Wanaadi u'du, ñanno odoocajacomō naato tātunā'chājā'e tōnwanno coneedaiñe naato tōnwanno anajāicha natoode.²⁶ Yaawā tōwō Cajiichana cōnaadeuwōi Moises wwā cōnāā'dōacā: ²⁷"Yaawā tooni becerro, toni oveja, toni cabra yennuajācā, senō jadō aijaiña aacā amoojato anoto, Yāaje yeijācā aacā anoto yā'dōā'jācā, sacrificio tōdōemōje na tājeeda tuemō je Cajiichana wwā.²⁸ Jaaca mma manaaminñā'ca'che oveja iinñedō aacā, yāā anoto dea. ²⁹Yaawā ānwanno sacrificio muuato aashichato Cajiichana wwā yāā ānnōdōcomo aashichato je ā'tujaiña. ³⁰Yāā anoto aweichōcomo je mma adhewanshōcomo tōdōtācā'de sacrificio tōdōjōdō anotochādawā mma yājenanmato je mma monsoma'tāiche, ōwō ñāādā Awaanadiyōcomo.³¹ Mādāaje wanontādō tōnontāmō je tōdōōjai maato ācuude wātāsetotojo je mmaja, ōwō ñāādā Awaanadiyō. ³² Ānwanno juntaca eijaicha maato chānōngato je yeetō yeijācā, ānwanno Israelita odhooanācāiñe neiñojo aashichato je weichō, ōwō ñāādā Awaanadiyō, aashicha ādhōdōtāiñe wwānenedō. ³³ Ōwō dea mānuucatā'ne Egipto ñano nonoodō de'wonno Awaanadiyōcomo je weichō wetā, ōwō ñāādā Awaanadiyō."

23

¹Cajichaana Wanaadi Moises wo cōnadewō: ²Adhadeewo israelitacomowōññe, yōje ōdōcā chōwōññe: edāā yāā wowademenō Wanaadi necanmadō, ashichaato ecatōdō'que awejummadō'comoque, canno ñanno wowademenō chōnōnjemñōiche. ³Ōnwanno etaduwoacajojai mato toni amoojato anototocō wacō, wōdetatojo anoto chōdō awō mane,wejumatojo tōnonñato mādō. etaduwoacajoda awechōcomo tujumnena yaawō, mādō yāā wōdetatojo cajichaana Wanaadi nōdōdō,temeedādā yeichō wacō.⁴Edāā yāā wowademetatojo Wanaadi necanmajōdō, ecanmatōcōde wejunmatojo chōnōngato ecanmajō. ⁵Awadeto nunō awō,(14) anotochādō coijai Wanaadi nōdōdō wejadōtōjā anotochō. ⁶(15) anonototo awō yāā nunō jōcādō, u'unmanōcatojojemjō wowademetatojo Wanaadi wonoje. Acā amoojatotocō wacō woshinchōñōna u'unmanōcatojojemjōnō'ca.⁷Ōnwanno chōnge tōdōjaimato awejunmatocomo ,ataduwoacajojai omñōda matode. ⁸Ōnwanno muato cajichaana Wanaadi jeta yāā tōjeda tuemō acā amoojatocā wacā, acā amoojato awō wejumatojo tōsancujona Wanaadi wonojo yaawō onwanno etaduwoacajoda matode.⁹Cajichaana Wanaadi cōnadewō Moises wō, edāje cōnōdōacā: ¹⁰Adhadeewo israelitacomō woiñe edāaje nōdō, "yaawō edō nonodecāi aweajōcā, wuadō ōwōññe , chōnōnge yōdōājā anatōdō, sacerdote dōñña madōade awadenato natō utudu. ¹¹Tōwō na'nnōade yawō awadene natō utudu Wanaadi wadōdō shetaca mādōade yaawō, tōwō najāiyade edhetōcomojoi, wōdetatojo anoto'je sacerdote na'nnōade jeta nōdōade yaawō. ¹²Yāā anoto awō ōnwanno madōatode jetaca awadenaato natō utudu,ōwōññe utudu tujumnena odocajato toni weduto ashichaato cajichaana wō tuemō tōjemjōnō yacwajā. ¹³Tōjemjō tuemō (grano) yeichō tujumnena aduwawō yatojajōdō harina aceite jadō amudajō inñatajato, tōjeda tuemō yacwajā cajichaana wonoje, cadono sodō tōdōdō wetā towō chōjaddonjena yaawō toni onejajōdō anai chōjōdōdō e'cu'du. ¹⁴Ōnwanno u' tojachamato, tōijatojōnō, (grano) eduatojōnō maaja Wanaadi jetaca tōjeda tuemō ene'jōdōcō'wacō. edāā yāā watōsetotojo yechōdoto osotoi adhadachomo nādōdō.¹⁵Wōdetatojo anoto wajāntōdawō yaawō awadenato natō utudu tōjeda tuemō ewōññajō, imecutātācō de yaawō acā amoojato anototocā wacō tameedōdō. ¹⁶Ōnwanno mimecutatode (50) anototocō wacō yawō wōdetatoo awō , yaawōne, onwanno tōjeda tuemō (granos) adādō tujunnena cajichaana dōñña. ¹⁷ōwōññe u'cadō

tujumnena adesacancomo u' acä acöjō inchooncomo acä aduwawō yatocajō harina , towō tödōajōeijaiña harina inñatajatoque, asucajō unmanōcatojojenjōnō que maaja mädō nade tōjeda tuemō ewōña'jō ,awadenato natā utudu cajichana wō. ¹⁸Önwanno muato u',acä amoojato odocajato toni weduto inñatajato. toni toro äjōmanā, acä carnero maaja, tōjeda tuemō yacwajā canno, tōjeda tuemō (grano), tōjeda tuemō tōngemō,tōjeda tuemō wutoje,cadono sodō cajichaana wonoje. ¹⁹Önwanno muato dhanwa odocajato, tājeda utudu conenjōnō tödōjōdō woije, acä odocajato toni weduto sacrificaje tödōtojoje tōjedaja utudu tōncanodeda wechojoje. ²⁰Tōwō sacerdote ewōñadō chōwo tujumnena yāā u', awadenato natō utudu maja cajichana wō, acä odocajacomo maja tōjeda tuemō mödō je ashichato. ²¹Önwano yāā anoto dea ecanmatōcāde, töweyenade wejunmatojo chōnōngato yāā anoto etaduacojoda matode, edāā yāā wanontōnā yeichōdoto. ²²Yaawōne önatötādō chōnōnge wodödōajōcā, tameedōda önwano mädōatode yāā innatötādō nonodō ejijō,chājōdōdō onnatätödō annōjachama, wentumajacomo,enenñajancomo wonñe mane tödötācōde, öwō ñāädō acajichaanchomo Wanaadi. ²³Cajichaana cōnadewōi Moises wō, yōje cōnādōacō: ²⁴Adhedecwō israelitacomo wonñe edōje ädōcō yaawō : acä amoojato nunō awō, awadenato anoto, öwōdetatocomoje, janacwa wōtadō ötōtametocomoje nade . awejumatocomo ashichaato maja. ²⁵Öññammödō etaducwacojoda eichācō tōjeda tuemō chacwajā cajichaana wono. ²⁶Yaawō cajichaana Wanaadi cōnadewōi Moises wō edāāje cōnādōacō: ²⁷Eduane amojadō anoto acä amoojato nunō awō sacrificio tōnnōe cōnājato, wejunmatojo ashichaatoje ,tōjeda tuemō yacwajā cajichaana jetaca utācōde. ²⁸Önwanno etaduwucojoda eichōcāde tōjeda utudu anoto awō ,önwannodeama tōjenda tuemō cajichaana Wanaadi wō. ²⁹Ñāädō otuda nadō ichōdō tujumnena yotonno. ³⁰Ñāädō yāā anoto netaducwucjadō, owō cajichaana wōchonemade ajatadōcomo. ³¹Aneja awetadacwucomojo jōcā yāā anoto edāā nade ecanmajō yeichōdōje adhadachoncomo wo tameedō yeichō wacā. ³²Edōdō anoto ejaiña öwōdetatocomoje tomude ödötōcā änwannodea (9) nunoto ai chonmōdawō, chomōdō wadōi wōdetatojo anoto yademecādō. ³³Cajichaana Wanaadi cōnadewōi Moises wō yōje cōnādōacō: ³⁴Edāāje israelitacomo wonñe adhadecwō (15) anoto acä amoojato nunō awō tabernaculo anotchādō cajichaana wono acä amoojato anototocā wacō yeichojona. ³⁵Awadene anoto awō awejunmatocā ashichaato tödōdō tujumnena etaducwacojoda maja ³⁶Acä amoojato anoto awō tōjeda tuemō yacwujā Wanaadi wono. (8) anoto awō wejunmatojo ashichaato mädōje tōjeda tuemō yacwujā cajichaana wonoje. ³⁷Edā yāā wāwademetotojo anoto chādō cajichana Wanaadi necammadō aquene mödōato önwanno awejummatocomo ashichato tödōtojo sacrificio utojo, cajichaana Wanaadi wato wedeemödō ijojoiye täjemjōnō yacwajōcā utuudawō mädā como anoto'chādō tödōtācā. ³⁸Edāā yāā wowademetojo anoto chādō acadea tödötācā, cajichaana Wanaadi wowademetojo anotchōdō täjemjōnō utojo maja äwā'dōdōcomo'jo tameedā täjemjōnō äntutocomo mmaja yāā cajichaana Wanaadi wā täjemjōnō tunu'e mänetōnedō. ³⁹Tabernaculo ya'demetotojo tödōajō naadōje acä amojaato nunā yeichō jojato anoto awō yaawō änwanno mecat anaatōdōcomo änwanno dea tödōjai maato yademetojo, acä amojaato anoto awadeto awō tödötōcāde äwōwademetocomoje aaduwawō amojaato anoto tödötācōde äwāwademetocomoje. ⁴⁰Anoto awadeto awō, änwanno ajōichōcāde chuta ejeedōdō aashichacomo dea mma yee ajāädō chuta adō,ashichacomo dea dee adaijācomo, tuna juducomo'cā naadō dönnñā dee ashichaato töweiyena, änwanno ta'cwaiñe mato'de awanaadiyōcomo neenedōje, aacā amojaato anototo ai. ⁴¹Wedu wādāichōna aacā amoojato anoto, änwanno tödōjai maato yademetojo anotchōdō , cajichaana Wanaadi wonooje yeichō wetō, mädō yāā toni wanontōnō yeichōdoto dhadaijōdō jonnoto wejōjō tameedā nono weichō wacā, ajatadōcomo wadāi matodō aaduwawā amoojato nunā yōdōa' jācā. ⁴²Änwanno ajaatadōcomo ejaiña she'ca'sacā owotoo ne'tāto'como aacā amoojato anotocā wacā tameedō israelitacomoje maatodō weichō comoje maato mädōje ajatadōcomo ejaiña owotonetātocomo acä amoojato anoto wacā. ⁴³Ñāädā dhadaijōjō jonnoto ne'a mādāje owanomajaiña owō wecanmadōje soto nōnōjāatode töwotonetā, yaawō Egipto ñano nonodō dewā yeichōcomo jonno owō ñāädō chajichanai yanaadiyicomo. ⁴⁴Mādājea Moises cōnecamai soto woiñe yāā cajichaana Wanaadi woije tōnnōe cōnājato ya'demetotojo.

24

¹Edaje cajichana Wanaadi cōnādōacā Moisés wā: ²"Edeje Israelita anontācāde ijenato olivos cato nānnōñatode adhawa tödōemōje, numa ätencujāda yeichō wetā. ³Madā adhawa yeichō tujunnena cortina tödōajā ämjadātāda, Aarón nacomo chānōg'e yeichō emmecanamoje natode, chomomödō jonno, yāje namma tödōjone mädā adhawa tñne yeichō tujunnena cajichana Wanaadi nenedōje, edā wanontānā nade yeichōdāje, äcude neatodedō wātāsetotocomo jemmajā. ⁴Ñādā sacerdote tñne adhawa nödōade cajichana Wanaadi jetaca, adhawa atāi cōnājacā ijenato oto tödōajā. ⁵Änwanno inñatajato ajojā ecautācāde 12 ijujā iyā acanno pan adhajocomo ecautācāde. Iyā aca tödötācāde tres cuarto ajojā wejōdō cwacā ecauwajā wadāi. ⁶Yāā jeje, anwano chonecajai mato acä chāmadō, se ilera weichō cwacā, oro mesa tödōajā dewa Wanaadi jetaca. ⁷Cadono jodōque tödōjātācāde ecauwajā chonecajā awodecācā chāmadō wadōi chānōng'e yānedō wetā. Edā ijodō yacwadō tujunnena Wanaadi wonoje. ⁸Wādetatojo anoto awā Wanaadi wono wadheuwōdō nichonecade pan nichonecade cajichana Wanaadi jetaca tödōdō owajo, Israelita como wonoje, töwācammajōdō tödōdō wetā. ⁹Aarón wonoje täjemjōnō tunue cōnājato iñacomo wāncomujemmaja, tōnwano nāwashichatode ashichato aca, cajichana Wanaadi wonoje uajāyeijaca, watoque onejaja yeijācā ¹⁰Anedā wā anōto awā edā conemjōnō cōnejadātāi woodi cōnennecai Danwaje egicio nedōje, mādāje conenejencai Israelita atawāñe, adaijā töwādajacā ñādā woodi nedō conotonejai Danwa israelita acā töwejatatacomo dōtā. ¹¹Ñādā woodi israelita nedō coneda cajichana Wanaadi jācā cōnadeuwōi, conemjōnōje cajichana Wanaadi conetāi. Yāāje yeijācā sooto cōnejoto Moisés jetaca, yenō etō cōnājacā Selomitje ñādā cōnājacā Dibri nedō, Dan weichō ¹²Ñādā tāmjatawāñe cōnōcho cajichana Wanaadi wā ecammadō cwacā yeichojo chāwāñe. ¹³Yawā cajichana wanadi cōnadeuwōi Moisés wā: ¹⁴"Adācā mädā Danwa conemjōnōje yetānejōdō, jaata

jácänno amonche. Adäcäto ñanno yadeuwödö etannamojödö tamodöcomo que aijucuyeto ijujá decäcä, tamedö yejummacomo täjuque töwäjätöyeto yawä.¹⁵ Edäje ecammajätäcäde yawä israelita waiñe: Ñädä coneda nadewadö töwanadiyö jácä töwö tönëjödödö wojiedea nämade.¹⁶ Ñädä coneda Wanaadi netadö, ñädä möng'atp tamiñäca eijaiña. Tamedä sooto töwäjajai nato täjuque, aneñajano yätäno jeiñema maa, mädäje ñädä cajichana Wanaadi jácäno wadeuwöjödä täma yeichojona.¹⁷ Ñädä aneja sooto emaneijödö, töwö maja yämadö tujunne nadea.¹⁸ Ñädä aneja ecönö emaneijödö, yäje mmaja chöcönö tämajödö emai täjai nadea.¹⁹ Ñädä tönnäcäno ñaminchaneijödö töwö chäjäcä innöjödö nöng'e mmaja tödötäcäde.²⁰ Ayojäneijödö, taiyojänemmaja nadede, chänudu ucaneijödö tuca mmaja nadede, yedä emaneijödö yedö tomamaja nadede. Töwö iñödö nadö jemmaja tödö tujunne nadea.²¹ Ñädä odocajato emaneijödö neje mañojo, soto emaneijödö täma mmaja nade.²² Edä wanontänä anädätojena, etono, aneñajano mmaja, öwö awanadiyöje weijäca".²³ Mädäje, Moisés cönadeuwöi israelita waiñe, ñecammajödö nöng'e connöicho, ñädä danwa jata jonno amonche, ñädä coneda Wanaadi jácäno wadeuwöjödö, aijujätödö wetä täjuque. Madäje israelitacomo Wanaadi wanontädö connöicho Moisés necammajödö nöng'e.

25

¹Töwö CAJIICHAANA WANAADI cänä'deuwöi Moises , wä jöö Sinai jödö de'wä cönä'döaacä: ²"Cöna'deuwöi soto waiñe ädöcä'de: yaawä amääädä odhoomonga'de yää nono u'a'dö aca yaawäne yää nono tödöaajanadö CAJIICHAANA WANAADI needa'cha tooni anoto nu'a'de äwääde'taato'como.³ Aamääädä ñaatö'täajaima ana'udä'jöödö aca tooni amoojato wedu aamää anatöödö ewötö acoojaima yaawä anatöödö ejedöödö ewötö acoojaima yaawä anatöödö ejedöödö shoomaajaima.⁴ Yaawä acä aamoojato wedu tooni anoto'da mäde'taade muma yää nono eijaina täneemamöje, tooni anoto na'de wa'detaatojooje CAJIICHAANA WANAADI woomo. Aamääädä eijaima anaatödö ewötö acoodöjemmaja.⁵ Aamääädä anaco'da aweiya'jacä ñaatö'täajachama, anaatödö ewötö oncoonecade aweiyancädä aneja mädä a'tajaiña owoijaatoje, aamääädä ecammaja'chama ñaatö'täädö oncooneca'da aweiyancädä aneja wä, uvas, ñaatö'täädö wetä. Edämmane na'de tooni wedu, un año wäde'taatojooje numa nono weichojo.⁶ Yää nono nu'adö wojemma etadaawa'cajoda aweichö waadadäädä adheewashiñöje na'de aamääädä adhaanoofö dhanwacomo wodi ñaamo adhaanomö mmaja ñanno adhaanonö adha'to wetaadawa'cajoodö yaawä ñanno ännacomo ajaadä naatodö ñawaashiichaato'de.⁷ Yaawä aamääädä adheecöntomo odoocaja'como töweiye naato'de ononodö aca, yää tameedä chääjedöödö nadö äwoowashinchooto'comoje na'de änwanno.⁸ Aamääädä mime'kutäcä aacä aamoojato wedu äwäde'tatojo eijaiña, määädä aacä aamoojato wedu eijaiña wääde'tatojoje, tameedädoto nao yaawä aacä sototo de'wa aacäichea aamoojato wedu.⁹ Yaawäne aamöödä janaacwa etöojai ma, tameedä yäätäncomo ädöojai naato aacä aamoojato anoto nunä cato quee. Chamjiaacatojo anoto awä janaacwa maa tameedä aamääädä ononodö de'wä.¹⁰ Yäje yeijäcä aacä sototo de'wä aamoojadä wedu CAJIICHAANA WANAADI woonoje tödöojai maa täncaanode'da tameedä ononodö de'wä noatodö osotoi natodö mmaja. Ya'deme'jai nato aamääädä mmaja ñano osotoi, amääädä äwä'jimmä mmaja.¹¹ Töwö aacä sototo de'wä aamoojadä wedu yeichö ya'deme'jai maato. Aamääädä ñato'taajaicha ma onconeeca'da aweichaame, onconeeca'da aweichaame aamääädä määwashingcha anaatödööquedeca, anatöödö ewötö acano natö nadö shoo majaima yaawä.¹² O'shoono ya'deme'jai maanä aamaadä, aamääädä äwaashinchäajachama yää anaatö ewötö aca'da naadö.¹³ Aamääädä iñacajaima yää owoono mädäje ya'deeme'jaima tameedä edä wedu.¹⁴ Aamäääda ejemojoojaima yaato nono ämai nocoono wä, amai nocoono ejema'se yeiya'jacä nono, aamääädä encu'täjaichama ñädä aneja.¹⁵ Ännäcono nonodö ejemajäcä äwä, yää wedu ñatötäjä, amucäde yäsäjäto fieta. Awoto je, ñadäännäcono nono ejemadoneijö, mädä dhowanäcä eijaiña yawä.¹⁶ Awade anejemajödö wacä jemeda eduwa täjena yää, nono jojedamma yatamudu que fieta awä mädäje nädanta yawänatö wacöjeda yeichä yäje iyää nono täjedamma nädöi, nato wacöjeda yeijäcä, jojedamma yatamucudu weijäcä fieta tödötojo awä.¹⁷ Äwwädäiñemma mätäncutätäche, ashichatojene Wanaadi etäcä awanadi yöö töwö yeiyaja.¹⁸ Mädäje yeijäcä wanontädö tödöjaima, wanontädötödöcäde, ecammajäcädeyawä mädäje ashicha ännöcade ononodö dewä tancanodeda.¹⁹ Noono de'wä töweiye na'de ñaatötäjä, ämäädaä määwashingcha'de anoatödööke, mätä ma'de täncanode'da.²⁰ Ä määädä edöje ä'döjaima: "¿Äneecämö ke cäwashingchato'de aacä amoojato weduto ai? Eneecäma, cöngwanno ñaatäjaicha caato cönaatödöcoomo, amu'jaicha caatodea."²¹ Öwwö wu'a'de aashichato äwwä toni amoojato weduto ai, ñaatötäcä'de jooje, aaduwwä wedu eiye mädä ädheewangshiñö.²² Ämääädä miñaatöta'de aaduwwä amoojato weduto ai, wäwashingchäjeedea ma'de, iyä wedu jácä, ñaatötädöje mmaja, ädheewangshiñö töweiye yeichö wetä aacäichea amoojato weedu weejödö wa'ca minaatötäiyede anaatödö, ämääädä äwashingchäajaima iyä awa'deto weedu awä miñaatötäneedö kedee.²³ Noono ma mänu'tä'che soyo ädöenö wä, öwwö noonodöne mädä. ängwanno ñanno ye'acoomo etä matoödö noonodö de'wä.²⁴ Ämääädä eneemacä ñanno äneejacoomo wäntunamjödö ädö'tänñe naatodödeamma; ämääädä ñoonodö änu'cä yä'jimmätädödeamma ejeemaiye äñäcö wä mejeemane awa'dene.²⁵ Israelita äweichacoono töjöödataiche'da yeiya'jacä, änu'cä ononodö dhaato deamma, mädäje yä'jimmätädö e'jai naadea, ejeemaiye tönoonodöje, awa'de cuntüichödea äwwä.²⁶ Toni dhangwa yä'jimmätädö'jeda yeiyajäcä tömmai neeneje amääjai naadea, yaawäne aashicha eneejäcäjene tömmai namäää tödötojo töweiye yeiyajä nödöä,²⁷ Yaawäne töwwö chö'tame'jaiña äneecämö weedu yeichö cönejomajoicho chäwwä, ejeemadö tujunne ñädä dhangwa cönejomajoichö wä yaawäjene töwwö ennacajaiña tä'saca.²⁸ Yaawäne töwwö tönoonodö eijaichadeana chäwa'cäda töweijäcä, mädäjene töwwö tönnonodö cönejemajoi, ñädä wädeana cönejomajoichöwä dea, ejeema'jödö toni wedu yädöödö wa'cä, ñädä tönoonodö cönejemajoichö wä, dea na'tua'de ejeema'jödö cu'nädö aca yädöä'jacä töwwö ñoonodö neeneje yeijäcä.²⁹ Toni dhangwa nu'a tömmai, taata woono chäsejeje töwö, toni weduyädöä'jacä, utu'jäje yeichö, töwwö tönoonojemö eijai naadea toni

wedune yä'döetö'da. ³⁰Iyää umma äne'chaadea yeiyajäcä toni wedu yädöjödö yeichaame, ñädä tömmai cöneejemajoichö, ejeemaneijödö wädea ne'ñojo, yuumö wäma'jäcä innedö yätä ne'ñojode. Ejeemajo'jödö cu'nädö aca yä'döödö wa'cä. ³¹Yaawäne umma tucudaada'chä'da yeiyajäcä dhawoode cääcä woi awoono umma amääääjä töweiye naichöjemma soto nödöoato. -iyää ejeemajo'jödö cu'nädö aca yä'döödö wa'cä. ³²Yaawäne Levitas maichoomo mädä umma coomo taata wä naadö äneedawämma tóngwanno eijai naato immaichoone yeiyajä. ³³Toni Levitas weichö umma eiya jäcä, iyä umma nejeemajoichodö, äshanai eduuwa iyää umma cöneejemajoichodö taata wä amääjä cönä'jadö, ejeemajo'jödö cunädö aca yädöa'jäcä, nutuñojode ñädä noono edhajä wwä dea, taata wä Levitas coomo maichoomoona, ñoonodö coomo neene iyä, Israel taatadö coomo antawä naadö. ³⁴Yaawäne woi awodhecaäcä taata naadö, täjeemajomjönö mädä Levitas noonodö coomo je yeijäcä. ³⁵Töjödötaicheda aweichacono yeiyajäcä, inñöjätödöjeda jenñenma, tönnöjätödö ejematojo, amädä iwatädödö tujunnena yaawä, andhantawänñe ye'ajä iwatädö nong'edea. ³⁶Ejemajancädäda iwatädö tujunnena, ashichato äjäcä tödödö mmaja yomocancädäda mmaja, ashichatommane Wanaadi wwä ujai'ma, aweichacono ajadä'dea yeichojo jäcä. ³⁷Tönwacamamöjemma, jödata mäntuche, jojecäjene chanacadö wetä äwwä, adhewanshöñö jadä'jödödä manejemajoche jooje chanacadö yomocancädä. ³⁸Öwö ñädä Acajichanai Wanaadi, Egitoñano nonodö jonno ajacasnjoneijödö, Cannanñano ononodöje uneijödö mmaja, Awanadöyöje weichö wetä. ³⁹Aweichacono wentumje yeiyajäcä, töjödötaicheda, inñöjätödöjeda jenñenma, äwä yätäjemajajäcä, osotoije töweichö wetä, ämmaminchadöjemma männiche. ⁴⁰Äwatäneijene tödödö äwä tujunnena, adhe soto adhesacano wädöajä töweiye na'chöjene dhacä eijaima. Weedu Wädetatojo aca yädödö jonane, ajadä netadawacajade. ⁴¹Yäjenma yawä, tönnacomo jadä aminche nõtade, ojonno, töwäjinmätädö dönñanñenmaja nennacade, tumö nonodö decäi. ⁴²Sotoi'ne tönwanno yeiyacomo, Egitoñano nonodö dewonno nuucajocomone. Tönwanno täjemamo jeeda yeichocomona, tanontäjä'amo jeeda mmaja, tömaminchamo jeeda mmaja. ⁴³Äjaduduque esetäjacha maatodea, Wanaadi wwä ashichato utudu äwä tujunnena. ⁴⁴Osotoi ananontäjä'tödö ejemase aweiyajäcäquene, anenñajano ejemajai'ma, aneja nonodö dewono jenñenma. ⁴⁵Aneja jatawoncomo ejemajai maatodea, ananontäjä'tödöcomo'je mmaja, ñanno adhantawänñe naatodö wänñe; ononodöcomo deewä yennu'acomo, osotoichomo neneje yeichöcomo wetä ananontäjä'tödöcomo neeneje mmaja. ⁴⁶Ännacontoncomo sotoijedea naatode tönwanno, ñanontäjä'tödöcomoje mmaja äncäcädä, shotoichomo neneje, ñanontäjä'tödöcomo neneje mmaja. Canno weichö dea osotoije ejemajai maato, ananontäjä'tödöje mmaja. Israel weichö mmane, tamedä äwäjinmätädöje naatodö mmaja, äjaduducomoque esetäjacha maato. ⁴⁷Yeajä, aneja soto adhesaca wädöajä naadö jenñenma, adhatoje; tönsomaque yädöajäcä, ñädä, yeajä wwä, äwäjinmätädö yäjemajajäcä jenñenma, aneja yeajä wwä jenñenma. ⁴⁸Israelita ejemajeje, shotoichomojeda ädöjai töwö naadea yaawä, ñanontäjä'tödöcomojeda mmaja, chäjejödöcwacä ejemadöque. Yäjinmätädö ewanacajaiña töwö. ⁴⁹Yodö jenñenma, inwanñäjödö jenñenma, yäjinmätädö jenñenma. Tönsomacaato yäjinmätädö yeiyajäcä jenñenma, ewanacajai töwöna yaawä. ⁵⁰Yäjinmätädö, ätjijainña yawä, ñädä ejemaneijödö acä; tönwanno ñecutäjai naato, yäjemajojödö jonno, Wedu Wädetatojo joonaane. Ewanacajödö jejödö yeichö tujunnena, anoto wadäi töwetadawacajomö ejemadö töweiwe naichö chötamecancädä. Täje yeichö tujunnena naadea yawä, yetadawacajotojo anoto cönäjadö cwacä ñädä ejemaneijödö jadä. ⁵¹Jooje anooto dea ñejequenäjödö yeiyajäcä, Wedu Wädetatojo aca tödöjonne, ñejaquenäjödö awadetojödö, awadetojödö chäwwä ejemadö tujunnena, töweichacono ewanacadö wetä; chäje'jödö, jödataque ejemadö tujunnena, chäjadä yetadawacajotojo cönäjadö cwacä, wedu chäjadä yetadawacajotojo tödöajä cönäjadö cwacä. ⁵²Ächädämma weedu yetadawacajotojo ecanmajä täjemamöje yeiyajäcä, amincheda weedu wädetatojo jäcä, ejemaneijödö acä yätä'tijadö tujunnena; chäjejödö yeichö tujunnena yawä ejemaneijödö jaadä yetadawacajotojo cönäjadö cwacä, weedu wädetatojo joonane. Weedu yetadawacajotojo ecanmajä cönäjadö cwacä ejemajäcä, töwäwanaca ye'chojona. ⁵³Täwanacamöje naadö, töwetadawacajomö tödödö töweiye naichöje tödödö tujunnena. Ñädä töwetadawacajomö, chäjejödö jaano tödödö töweiye naichöje. ⁵⁴Täwa'nacada mädäje yeiyajäcä mmane, töwö yetadawacajodö tujunnena yaawä, Weedu Wädetatojo aca tödöjonne, tönnacomo jaadä. ⁵⁵Sotoi canno Israel atödö, sotoije naato tönwanno, Egito, ñanno nonodö de'wonno, ucajocomo weijäcä öwä. Acajichanai Wanaadi öwö.

26

¹Änwanno mmane chuutajö tödöjaicha maato, anamodenödöcomo annöjaicha jaadöjödödä, tääju owaadö jeñemma, tääju chonecajö tödöjaicha mmaja matode ononodöcomo dewä, tämudhe äwädötocomoje, öwö ñädä CAJIICHAANA ÄWANAADIYÖCOMO. ²Änwanno yäätädö tädötäcäde wädetatatojo anotoawä ashiicha tödötäcäde yäa weichojo. Öwö näädä CAJIICHAANA. ³Wanontödö woije aweiyacomöcä yätäädö wanontödö tödöajöcä, yoije aweiyacomöcä mmaja. ⁴Yaawä wödöade conojo yeiñatojo dötödea; iyää nono naatö wacöje naade, chuuta joje chöjedödö nade. ⁵Nono shacanajö yeichödöje nade uva ñatötotojo, yäa uva ñatötajö nejangade ñatötotojo anotoichödö aca tödöene. Änwanno chääwacä mäwashiinchatode töncanodeda maatode ä'maichomo amöajöcä yäa nono dewä. ⁶Öwö wu'ade töncanodeda aweichocomo yäa nono dewä; aquena tösaade aweichocomo ännöcädawäiñe. Öwö wajöiyatode ñanno odoocojacomö tönonñacomo ononodöcomo jonno amoiche wädöatode yaawä yäa ononodöcomo ai wätämamichajonö jeda na'de. ⁷Änwanno majecatode ñanno ätudedöcomo, yaawä ñanno ätudedöcomo nötuatode äwäiñe. ⁸Adantawonoñe jiatodea'ma adojotöcäde ajecanñe amoiche yeichö jonada, jiatodea soto adantawonoñe najecañatode amoojadö mil naatode ñanno, yaawä ñanno ätudedöcomo nötuatode äwäiñe. ⁹Öwö manenematode änwanno, ajadäiñe waade, töwenneca aweichocomo wödöade manejanöcatode yaawä: öwö ajadöiñe waade yadedu wunedöje äwäiñe. ¹⁰Änwanno mäwashinchatode äwanshi jenadojö shomaajö que. Näa äwanshi shomajö ucatöcäde, äwäiñe tujunne yeichojona eduuwato ñatötotojo. ¹¹Öwö adhantawäiñewödöade ämmai wejummatojo, öwö asancwadaiñe wade yaawä. ¹²Öwö

ajadōiñe wāāmānnōade, ōwō wade AWANAADIYŌCOMOJE, ānwanno maatode sotoije. ¹³Ōwō ñāādā CAJIICHANA AWANAADIYŌCOMO, Egiptoñano nonodō dewonno āyuucaneicliomōjōdō tōmaminchamoje aweichōcomo jonno, tōmōje āwōtōmaminchajodōcomo jonno, sadonna ātādōcomo wōdōñede. ¹⁴Yaawāne yadedu anetada aweiyacommōjācā tamedā edāā wanontōdō wajeda aweiyacommōcā mmaja. ¹⁵Yāā āwāiñe wunedā wanontōdō āmjummada, tājeda tōdōajācā yāā āwāiñe wecamanedō tōdōemō yawā māsancwajatode jadonno. ¹⁶Edāā āwāiñe tōdōajācā, yaawāne edāā āwāiñe wādāade: tōnoiñato wādōade ajācāiñe, cāādāi, wedōcā mmaja, adenuducomo wichonemade aweichōcomo wichuseijadede. Tōwōdōmma ānwanno anatōdōcomo ātudedōcomo nameatode. ¹⁷Ōwō adenesenñeda wade, yaawā ānwanno ātudetōneichomo onō mādājatode. Dhanwa ājummaneichomōjōnō acajiichaanaichomoje nade, yaawā ānwanno mānejeatode, adacatāiñeda yeichameiñe. ¹⁸Wanontōdā anetada aweiyacommācā, yaawāne māncuseijatode acāā amoojatotocwacā oconenadiyōcomo nadō wojje. ¹⁹Ājōduduque ojoodhe aweshe aweichōcomo wacoichajade. Ōwō cajuwādōade sejadadi nōnge, ononodōcomo bronce nōnge. ²⁰Īñāmādā ājoduducomo macoichajōatode ataada anatōdōcomo yeichojo weichame yāā ononodōcomo awono, yāā chuuta onnodō awā naadō chojedōjeda nade. ²¹Juntacadōdō owojoimacommōcā, yetada aweiyacommācā mmaja, yaawā ōwō weneade jōjecājene āwāntunanōtocomo naadō wojje. ²²Ōwō wenejadote tōnoiñacomo odoocojacomō amaminchannamoje, ñanno ānnacontoncomo nememmecatode, adecānocomō jaca mmaja nacoichajatode wannada tōdōene. Yāāje yeijācā ademadōcomo nōdōjade chutajemmōnō nōnge. ²³Mādā yeichame ōwōiñe necamajōdō, yājedō ātajācāiñe ōwō juntacadādā, ²⁴yāāje yeijācā ōwō maja ajuntacudōiñe wade, ōwō dea moncusejatode a'cā amojatotocua'cā oconenadiyō como wojje. ²⁵Ōwō weneade wānā amaminchatōcomo yadeduu shadojajōdō wejīcā ōwāiñe. Ōnwanno adhejumatode ajatadā'como wadai wādāi wādājade cōdōi adhecācāiñe yawā anwanne mauatode otudedō'como wāiñe. ²⁶Yawā āwanshii wacojoned'wā ñanno wodinñamo amojado'como pan namodenatode tōnwanno necamoatode onejāancōdōiñe ānwanna mōshinchatode chāwacāda. ²⁷Yetada aweiyaconjōcō juntacadā jedeā ōtajācāiñe, ²⁸yawō wātade ojuntacāiñe, mocunsejatode aquā amajatoto cua'cā a'cā maja, jōjecō aconenadiyōcomo queiñe. ²⁹Ōnwanno mōnōatode ōnancontancomo dhanouuacomo junujōdō wodinñamo junujōdō maja. ³⁰Ōwō wacochajade'jōā tamedā dutajō tōnwademeque mōjaqenñō iwedemmōto'jo maja wōja'ade adhecājō'como chutajō como decācā. ³¹Ōwō wichannemade ajatadōcomo, chutajō ōnwademeto'como maja, tacuanñeda wade yawā tōjennō muatodō jācā. ³²ononodōcomo maja wichonemadede otudejōnñamo maja ñanno jōātā natode'dō tōwanno tōwācatanca natode yāā chanemajō. ³³Yawō ōwō jata wādōi weme'cantaja'tode yawā, wucade wanchadō manajecatode ononodōcomo menanjatadede ajatadōcomo chonemajō'dō wejīcā. ³⁴Yawā yātādā nano nōdetade, a'dhee tātōma ye'jācō ānwanna otudetomo nono'dō dewā aweichaneinñe, yāā wadadādā yātādā nono nādeta'de. ³⁵Yāje yeichō wadadādā yādetatojo node yawā, yādetatoja anoteichā dawā anedetajada meiya quenni yawā, yātā aweichicomo wadadōdō. ³⁶Ānwanno mane, atudetamo nonodō dewā matadō, ōwō wadōjade tōsade aweichōcomo adhewanōcamo jācā yawā āwāiñe etadawā chāwadō wotumedō jejenchō wādōdawā mocatoncalōiye mādāje mānejetāiye yānejodōcomo nōnge sauda jonno āweichamenñe. ³⁷Ānwanno jeinñe dea conemjānā mādāatode, awecatōmōdō'como nōnge sauda jonno tajeca'da aweichameinñe. Ānwanno ojodudu'como jeda nade awanōntocomo ātadedō'como jeta'ca. ³⁸Māja'atode jata'como antawāiñe, ātudedō'como nonodō dewā adhewacatode. ³⁹Ñanno adhantawaiñe naato'dedō, tōwoijenñe conemjōnō nōdō'atode; tutuu'de'dōcomo nonodō de'wa tōweichōcoomo wejīcā, tumōtoncoomo cone'naadiyō jācānchādā tōnwanno mmaja cone'mjōnō je na'todede. ⁴⁰Cone'mjōnō tōnnōjocomo ecammajōdō weichame conemjōnō jedeā nato'de tumōtoncoomo jano jācānchādā, juntaca nādā aweijocoomo weiyacā, jaadādā ātādōcoomo wejīcā mmaja. ⁴¹Ōwō wa'de ājunta'ca' dāādāiñe wāmanā ade chu'de'dōcoomo nono dōdecāi mmaja wene'a'tode ōwadādā ejōda aweiyacomjācā jocone'nadiya'como jootādōje tucuse'jadōcoomo towanācāine tōdō'jācā. ⁴²Yāāje yeijācā ōwō tōta'de Jacobo wwā wācamma'jōdō, Isaac wwā wācammājōdō, Abraham wwā waca'ma'jōdō mmaja: yātonno yāā nono neca'mmajōdō jācā tōta'dede. ⁴³Mādāje tōnwanno nono netōmato'de, yāāje yeijācā yāā tātōma yeichō wad'da'dā tajo'jada eijaiña yaawā tōnwanno je'dammaja eijai nadea yātā. Yaawā ñanno yāā neca'mmajōdō ānnōjōncoomo conemjōnō nōdo'ato chānōnge emjōno'je wanontado nodō ato yaawā. ⁴⁴Yāāje yeichame ācu'de, tutu'dedōcoomo monodōcomo de'wā na'tōde yawā. Ōwō adhe'tōma'daine wa'de, tamedā adhacochajodōcoomo we'tāda māsancwajo'tōde, madāāje wācamma'jodō wōdōade. ōwō nāādā cajiichana awaanadiyō mmaja. ⁴⁵Ashicha aweichō jācādā. Adhadaichomo wā wācamma'jōdō ōwō wōdōade, ñanno Egipto ñaano nonode dewonno wene'netodō anejaacomo jata neenedoje, awaanadi yōcomo weichō wetā. Ōwō nāādā Cajiichana. ⁴⁶āāda'coomo yāā wanontādō, necaamajōjō Sinai jōdodewā Moises weichō ōnmenno'jōdō israelita coomo wātāse'totocoomoje

27

¹Cajichana cōnadewōi Moisés wā cōnādōacā: ²Adhade'cwāde isadaeditacomo waiñe edhā'je adōcāde: Ñādā tājeto uneijōdō cajichana Wanaadi wā tājeto'je tōdōcā'de Ñādā dhanwa toni soto wedu nadō aduwawā soto wedu jona'ne tāje'na acā sototo dewā amojadā to cwacā jōdata. Yāā chānōngato acanno jōdata. ⁴Mādā'je maja woodi yāā wedu dea nadō taje teichō'na toni soto dewā amojadā jōdata. ⁵Ñanno ijatodea wedu nadō toni soto wedu jona tōdōene nadō maja, dhanwa mane tō'je yeichō na toni soto jōdata weicho'cwacā woodimane amojado jōdata weichō'cwacā. ⁶Ñanno ijatodea toni nunā nadō ijatodea jona tōdōene nadō maja, ñāda dhanwa tāje yeichōna ijatode jōdata weichō'cwacā, woodi mane, aduwawā jōdata weichō'awacā. ⁷Ñādā a'cā sototo dewā amojadā wedu nadō madādā cājene wedu nadō, maja, ñādā dhanwa tāje yeichōna amojadoto dewā shatodea jōdata, woodi tā'je yeichōna amojadā jōdata. ⁸Ñādā soto tōwācammajōdō weichame ānnōda nadō ejemajaichana tāje teichō'cwacā, yadaquene ñādā soto nātuadō tājaiña yawā Wanaadi wā tōwadewemō tāje

nödöade ñädä soto täje teichö'cwacä yäcammajödö ejemadö wetä.⁹Aneja soto odocajato sacridicio u'ajäcä cajichana wä, töwö cajicha najäiyade, yawä ñädä odocaja'to nisha'cwato chojonno.¹⁰Ñädä soto ätämajaichana, odocajato chamjiyacaja'chama, toni ashicato toni conemjönö önwacanojena, toni conemjönö mane toni ashicato önwanojena. Chäwä chamjiacajäcö aneja odocajato que, tawä anädäncädä töwö odocajato acä, tää nichamjiacädö'je, chonenaditöcomo jedana.¹¹Yäaje yeichame, ñädä soto nosajato utudu Cajichaana Wanaadi wwä ñedennamjödö yeiyajäcä, Cajichaana Wanaadi ajäijacha naadö mmaja, yawä ñädä soto wwä enejödö tujunnena, odocojato sacerdote wadädä.¹²Sacerdote neca'mja'de yaawä, ñädä odocojato ejeto, ejemajotojo judejedia aca. Ye'chö wojjemma sacerdote wwä ñädä odocojato ejejödö ecammajäcä, yäje täje yeichö naade.¹³Sacerdote wwä ewaanacajäcä mmame, täjecäjene näädöade, ijatodea'to cwacä, chäwä ewanacajödö jächäncädä.¹⁴Täjeda tuemöje, Cajichaana Wanaadi wwä, täsadö tö'däje soto wwä tödöajäcä, sacerdote necammade chäjejödö, ashichatoje jenñenma, conenjönöje jenñenma. Yeichö wojje mma chäjejödö sacerdote wwä tödöajäcä, yäaje chäjejödö naade.¹⁵Yäa maa edhajä wwä, täsadö täjeda tuemöemöje tönecammajödö inñacase yeiyajäcä, chäjejödö annucudu tujunnena chä'wä, ijatodea yeijödö cwa'cä, inñödöje nädöadede yawä.¹⁶Tönonodö dewoono tönnödöñ soto wwä, tö'däje tödöajäcä, yäa noono dewä ñatötädö cwacä täje ye'chö naade, cebada encutajä mmame, 370 onejajödö cwacä, acä sototo amojadoto cwacä daaja chäjejödö naade.¹⁷Soto wwä tönoonodö tö'däje tödöajäcä, Wädetatojo Weedu ye'chö, chäjejödö yätädä naade.¹⁸Dhadaquene, Wädetatojo Wejadätäje chäwwä tönonodö tö'däje tödöajäcä, sacerdote wwä yäa noono täje ye'chö ucadö tujunnena yawä, yäa anoto najäntadö jonno, yäa Weedu Wäädetatojo anoto aca tödöjonno, täje ye'chö chäwwä ucadö tujunnena.¹⁹Soto wwä tönonodö tö'däje tönnöjödö inñacase yeiyajäcä, ijatodeato cwacä täje yeichö annucudu chäwä tujunnena, inñödöje yeichoö wetä yawä.²⁰Yawä ñädä tönonodöje maja ännöda yeiya jäcä, ameja wä ejemajojödö yeiya jäcä jenñemma, ñonodojema ädöjaicha nade.²¹Yawä utujödö weduchädö aca yadöajäcä, wanaadi wana, nono ashichatoje nade iya tamedä nono wanaadi wonoje ecammajä nadö, ñädä wanaadi wa töwadeuwemo wonoje nade iyä nono.²²Ñädä tönonodö tönemadö tätöma nadö, yäa yajimmätädö momodö jeda nadö.²³Yawä wanaadi wätöwadeuwemö täje yeichö ejematojo nödüade, iyä utujödö weduichä dötä yädödö jonane, ñädä chawwa ejemadö tujunne nade iyä ejematojo tödöajä nadöca wacä iyä anoto, wana wä tajeda tuemo uajä töweiye naichöje.²⁴Yawä utujödö weduichädö awä ñädä nono ejemaneijödö ninñacade tonejemajödö wa maja, ñädä iyä nono edhajä.²⁵Tamedä iyä täyetoje nadö, santuario jödatachädöcwaca yeichö tujunne na. Iyä toni sototo weijödöcwacä nadö.²⁶Ñanno odocajacomo, awadeto wennuajä wanaadi jonno asancwajoda nade, wanaadi woncomo ne tönwamno yeiyacomo, oveja, buey maja wanaadi woncomo ñanno.²⁷Odocajato tanamjönö yeiyajäcä quene, ñädä chadhaja ejemajai nadea yawa täje yeichöcäwacä, annaichocä wacä nejodöjatode yäa taje yeichöcäwacä yada quene ñädä odocajato ewanacajajönö yeiya jäcä, iyä täje yeichö ecammaja nadöca wacä ejemajödö tujunne nade.²⁸Yawä tamedä soto nuadö wanaadi wa, tamedä töwwä nadö shotoichomo, chacantomoejeineima, yayimmatadö nonodö jeiñemma atajemajojaichana, atajemajaicha maja. Tamedä CAJIICHAANA WANAADI wä uajä nadö ashichatoje yeijäcä.²⁹Aneja ewanacaja soto nejemadö uaja nadö töconemamoje, ñädä soto emadö tujunnema.³⁰Tamedä iya diesmo edä nono dewä nadö, dhadödö wataja edo nonodö nado, tamedä tamemoje nadö maja CAJIICHAANA WANAADI wonge na. Tönonnatoje na wanaadi wano.³¹Ñädä soto iya diezmo acanono chanacase nadö ejemadö tujunne na chawwa yewäcä jene.³²Amojadoto acanno anucacä toni ñanno acönö, ñädä anedachadoje nadö acanno CAJIICHAANA WANAADI wonoje tödöcäde.³³Oveja edachaneichomo ujijaichana inñammodocomo ododccajacomo ashicho jeiñema, chamjiacajachamaja nadea aneja que, chamjiacajaca chäwwä, anädäncädä inhamjiacajödö ashichatoje nadöato ejemajaichana yawa quee dhai maja. Que cönädöacä wanaadi.³⁴Mädä yaa wanontana CAJIICHAANA WANAADI nutujödö Monte Sinai nña Moises wä tamedä Israelitacomo wäiñe.